

حکومتا هه‌رێما کوردستانی - عێراق
وه‌زاره‌تا په‌روه‌ردی
رێقه‌به‌ریا گشتی یا پرۆگرام و چاپه‌مه‌نیا

په‌روه‌رده‌یا ئیسلامی

بۆ پۆلا ده‌هی ئاماده‌یی
و قوناغا ئیکێ یا خواندنا پیشه‌یی و په‌یمانگه‌هان

پیداچوونا زانستی
د. بشیر خلیل حداد

ئاماده‌کرن
أبوکر عه‌لی کاروانی

هاتییه کرمانجیکرن ژ لای

ئیسماعیل طه شاهین

ته‌حسین ئیبراهیم دۆسکی

خواجه طه شاهین

پیداچوونا زمانی
نعمه الله محمد نهیلی

پیداچوونا زانستی
عبدالجبار محمد شریف

(طه : ۱۱۴)

سہریہ رشتی زانستی یی چایی: خواجہ طہ شاہین

سهرپه رشتی هونډری یی چاپی: عثمان پیرداود کواز - سعد محمد شریف صالح

تایپکرن: عدنان احمد خالد

دیڑاين: هلال عابد رمضان

بہرگ: عادل زرار امین

جیبہ جیکرنا بڑا رکھ کرنا ہونہ ری: عدنان احمد خالد

ب نافی خودایی مەزن و دلۆقان

پیشگوتن

مامۆستایین بەرپێز و قوتابیین ھێژا، ئەف کتیبە ل بەر دەستین ھەوہ پرۆگرامی نوویہ یی بابەتی (پەرۆردەیا ئیسلامی و ئاینناسی)، ئەوی ژ لایی وەزارەتا پەرۆردەیی یا حکوومەتا ھەریم کوردستانیڤە ھاتیہ دانان بۆ رپژا دەھێ ئامادەیی و قوناغا ئیک ژ خواندنا پیشەیی و پەیمانگەھان، و ئەف پرۆگرامە دئیتە ھەژمارتن پیگافەکا مەزن د دەلیڤەیا گۆتتا فی بابەتیدا، چونکی ئەڤە چەند سالە ئەف بابەتی گرنگ کەفتبوو بن باری پرۆگرامەکی کلاسیکی یی کەڤن، و وی نەدشیا ئارمانجا گۆتتا فی بابەتی بگەھینت. لەورا و پشتی ئەنجامدانا چەند ڤە کۆلانی مەیدانی، و ھەرگرتنا بیر و رایین گەلەک بسپۆران د ڤی دەلیڤەییڤا وەزارەتا پەرۆردەیی ب ڤەر زانی پرۆگرامەکی نوو بۆ فی بابەتی بیتە دارپیتن، کو د گەل وەزارا ژینا جڤاکی بگونجت، و بۆ قوتابیین مە یین ھێژا بیتە رپنیشاندر بۆ زانینا راستیا ئایینی وان یی پیروژ، و بۆ پەیدا کرنا زانینان ل سەر ئایینی دێ ژ، دا لایی وان یی زانستی بەرفرەتر لی بیت، چونکی پتریا ڤان ئایینان ل کوردستانی و عیراڤی ھەنە.

ب خواندن و دەرسدانا بابەتین ڤی کتیبی، دێ بۆ ھەوہ ئاشکەرا بت کو ئەو ب شیوہیەکی ھەڤچەرخ ھاتینە ئامادە کرن، پیڤخەمەت پەیدا کرنا دیتنەکا رۆن و ئاشکەرا ل نک قوتابییان، و پارازتتا وان ژ تیگەھشتنا خەلەت بۆ ئیسلامی، ئایینی پتریا خەلکی جڤاکا مە.

و د چاوانیا پیڤچاڤکرنا بابەتاندا نوویاتی ل بەرچاڤ ھاتیہ وەرگرتن، و ل دووماھیا ھەر بابەتەکی کۆمەکا دان و ستاندن و پسپاران ھاتینە دانان، دا قوتابی پشکدارییی تیدا بکەن، و بابەتی پتر دەولەمەند بکەن، و دا کو ھاتتا وان بۆ پۆلی نە ھەما ب تنی وەک ئەرکەکی قوتابخانەیی بت ل نک وان، بەلکو دا ئارمانجا وان مفاوەرگرتن و خوڤەپەرۆردە کرن ژ ی بت.

ئەم ل وی باوہرینە کو ئەف پرۆگرامە دێ بتە ئیک ژ پرۆگرامین پیڤشکەڤتی نە ب تنی ل عیراڤی بەلکو ل رۆژھەلاتا ناڤین ھەمی، و وی رۆلەکی گرنگ ژ ی دێ ھەبت د بلند کرنا ناڤ و دەنگی ھەریمیدا د واری ھەرا چاکسازی و دانانا پرۆگرامین پەرۆردەیا ئیسلامیدا.

وهرزى ئىككى

پشكا ئىككى
باوهرناسى

پامانا ئىكتاپه رىسىيى (التوحيد)

باوه رىيى ب خودى پامانا وى ئه وه ته باوه رى هه بت كو خودى خودايى هه مى تشتانه، و ئه وه پهره ردىگار (خالق) و خودانى هه ر تشته كىيه د قى گه ر دوو نىدا، و ئه وه ب تنى هه ژايه پهرستنا وى بىته كرن ب رىكا: نفىژ و رپوژى و دوعا و ترس و هيقى و خه چه ماندن و گوه داني. و ئه وه ب تنىيه هه مى سالو خه تىن باش هه ين، و بى دوور ژ هه ر كىماسىيه كى.

پىناسه يا ئىكتاپه رىسىيى:

ئىكتاپه رىسىيى ئه وه: ته باوه رى هه بت كو ژ بلى خودى چو خودايىن راست و دورست نىن، و وى چو هه قال و هه قىشك نىن نه ل ئه سماني و نه ل ئه ردى، له و دقوت ئه م پهرستنا وى ب تنى بكه ين، و وى ب تنى وه ك خودا بناسىن.

گرنگىيا ئىكتاپه رىسىيى:

گرنگىيا ئىكتاپه رىسىيى ژ قان خالان بو مه تاشكه را دبت:

۱- خودايى مه زن هه مى چىكرى ئافراندينه دا ئه وه پهرستنا وى بكه ن، و ل درىژىيا دىروكى وى پىغه مبه ر بو مروقان هنارتينه دا ئه وه پهرستنا وى ب تنى بكه ن، و ئه گه ر ئه م ل قورئانى بزقرىن دى بينىن ئه وه د گه له ك سوړه تاندا قى چه ندى دىبىژت، و به رانبه ر وى ئىكى قورئان به حسى وى زيانى ژى دكه ت يا دگه هته مروف و كو مه لان ده مى ئه وه هه قىشكه كى بو خودى د پهرستنىدا ددانن و (شركى) ب وى دكه ن، ئه وه كارى دبه ته ئه گه رى تىچوونا مروقى ل پوژا دووماهىيى.

۲- هه ر پىغه مبه ره كى خودى هنارتى، په ياما خوه ب گازيىيى بو ئىكتاپه رىسىيى ده ست پىكرىيه، وه كى خودايى مه زن گوته: ((وَمَا أَرْسَلْنَا مِنْ قَبْلِكَ مِنْ رَّسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ)) (الانبىاء ۲۵). و پىغه مبه رى مه (سلاف لى بن) سىژده سالان ل مه كه هى به رى ملله تى خوه دا پهرستنا خودايه كى ب تنى، و داخواز ژى كر ئه وه هه وارين خوه بگه هيننه وى ب تنى و خوه بو كه سى دى نه چه مينن، و ل درىژىيا گازىيا خوه پىغه مبه رى (سلاف لى بن)

ئىكتاپەرئىسى نىشا ھەقالىن خوە ددا، ۋەكى دەمى ۋى شىرەت ل عەبدللاھى كورئ عەبباسى كرى وگوتىيى: ((ئەگەر تە ھەوارا خوە گەھاندە ئىكى، ھەوارا خوە بگەھىنە خودئ، ۋەگەر تە داخوازا ھارىكارىيى ژ ئىكى كر تو ژ خودئ بگە)) .

۳- ئىكتاپەرئىسى ژ ئەگەرئىن دلخوھشى و ژىبرنا گونەھانە، و ژ بەر كو ئەم مروڤىن، دبت ئەم ھندەك جارن گونەھان بگەھىن، بەلى ئەگەر مروڤى گونەھكار كەسەكى ئىكتاپەرئىس بت، و چو ھەڤىشك بو خودئ د پەرستنىدا دانەنابن، ئەڤە دى بتە ئەگەرئى دلخوھشىيى بو ۋى، ژ بەر كو خودئ ل گونەھا ۋى بوڤرت، خودايى مەزن د فەرمۇدەيەكا قودسىدا دىڤرت: ((كورئ ئادەمى! ئەگەر تو بىيە نك من و تە تڤى ئەردى گونەھ ھەبن، بەلى تو بىيى و تە چو ھەڤىشك بو من د پەرستنىدا چىنەكرىن، ئەز ژى ھندى ۋى ب لىڤورىنڤە دى ئىمە نك تە)) .

مفايىن ئىكتاپەرئىسى:

خودايى مەزن ھەمى ئايىن بو ھندى دايىنە دا مروڤ ۋى بناسن، و ژيانەكا خوھش ل دىيائى و ئاخەرەتئى بېنە سەرى، و ژ لايى دەروونىڤە دا ئەو دلخوھش و تەنا بڤرىن، و دا پەيۋەندىيىن براينى د ھەمى لايىن ژينى دا د ناڤەرا كورپن جفاكىدا پەيدا بىن، و دا ئەو ب دلخوھشى پىڤكە بڤرىن.

ۋىكتاپەرئىسى كو بناخەيى ھەمى ئايىن ئەسمانىيە، ھەژمارەكا مفايىن مەزن تىدا ھەنە، ۋەكى:

۱- ئازادكرنا مروڤان ژ ھەستا كۆلەتئىيى (العبودية):

نابت بو مروڤى باۋەرى ھەبت و ئىكتاپەرئىس بت كو خوە بو ئىكى ژ بلى خودئ بچەمىنت، چونكى ھەر تىشتەكى ھەبت ژ بلى خودئ يى ھاتىيە ئافراندىن، و ئەو ب خوە نەپەرۋەردگارە، و ئەو -يىيى خودئ- نەشيت نە باشىيەكى بگەھىنتە خوە و نە خرابىيەكى ژ خوە بدەتە پاش، يان ژين و مرنا خوە دەستنىشان بگەت، و ئىكتاپەرئىسى مروڤى ژ كۆلەتى و ھەستا ب خوەكىمكرنى قورتال دكەت، و ناھىلت ئەو خوە بو ئىكى دى بشكىنت، و مەژىيى خوە بىختە داڤىن ئەفسانە و درەوان، و بو ئىكى دى ژ بلى خودئ بچتە سوجوودئ.

ئىكتاپەرئىسى مروڤى دكەتە كەسەكى زىرەك و ئازاد، يىي خودان ئىرادە و شىان كو خوە بو چو زۆرداران نەچەمىنت، لەو مروڤى موسلمان دڤىت كەسەكى زىرەك و خودان ئىرادە بت، خەباتى بو

چه سپاندنا ئازادی و دادی و پیکه ژیان و ب جهاتنا فرمانا خودی بکته، و باوهریی ب یه کسانیا مروقان بهرانبهر خودی بینت، و کو کس ژ وان ژ کس دی چتر نینه ته گهر ب پهرستن و قیانا چاکیی نهبت.

۲- ئافا کرنا که ساتییه کا هه قسه نگ:

مروقی باوهردار و ئیکتاپهریس، خودانی که سینییه کا هه قسه نگه، و هه ژهه ژوکی و دودلی ل نک وی پهیدا نابت، چونکی بهری وی ل خودایی پهروهر دگار ب تنییه، وی دپهریست و هاریکارییی ژ وی دخوازت، و نهو وهسا دزانت کو ژینا وی یا سهر فراز ل قی دنیاایی دبت ته گهر سهر فرازیا وی ل رۆژا دووماهییی.

۳- پهیدا کرنا ته نا هییا دهروونی:

مروقی موسلمان دهمی پهرستنا خودایی مهزن ب تنی دکته، گیان و دهروونی وی تژی هیقی و تهناهی و قیانا ژیانی دبت، چونکی نهو ههست دکته کو نهو یی ل بن فرمانا خودایه کی لینه گر و مهرد وحه ژیکه ر بو مروقی، قیجا نهو ژ مروف و نهجنه و دههه و تشتین ئاشویی (خه یالی) ناترست، و باوهریی ب قهدهرا خودی دئینت، و یی پشتراسته ژ ژین و مرن و رزقی خوه، و نهو دزانت کو خودی ههز ژ مروقی باوهردار دکته و بهری وی ددهته خیری، و زۆردارییی لی ناکهت، ژ بهر هندی وی دهروونه کی رههت و تهنا ههیه، و نهو ههست ب خوهشییین ژینی دکته.

۴- پهیدا کرنا ئیرادهیه کا ب هیژ:

مروقی موسلمان ههست ب هیژه کا پرووخی یا مهزن دکته دهمی نهو دزانت کو مهزنتین هیژا د سهر ویدا هاریکاری و پشته قانییا وی دکته، لهوا ههردهم نهو هاریکارییی ژ وی هیژی دخوازت، و باوهریی پی دئینت، و ل دهمی نهخوهشی و تنهنگافیان بیهنا خوه فرهه دکته، ل دۆر قی چهندی خودایی مهزن دیژت: ((وَإِنْ يَمْسَسْكَ اللَّهُ بَصْرًا فَلَا كَاشِفَ لَهُ إِلَّا هُوَ وَإِنْ يَمْسَسْكَ بِخَيْرٍ فَهُوَ عَلَى كُلِّ شَيْءٍ قَدِيرٌ)) (الأنعام: ۱۷) ئانکو: نه گهر خودایی مهزن زیانه کی بگههینته ته، کهس نه شیت وی ژ ته بدهته پاش، و نه گهر وی باشییه که گههانده ته، تو بزانه خودایی ته ل سهر ههر تشته کی خودان شیانه.

موحه ممه د (سلاف لی بن)

دووماهی پیغه مبه ره

ئه گهر ئهم ب دورستی د راما نا پیغه مبه رینی پی بگه هین، دی بو مه تاشکهره بت کو نه ههر رپوژ پیغه مبه ره ک دئته سهر دنیایی، و نه ههر دهمه کی پیغه مبه ره ک دئته هنارتن ژی، ژ بهر کو ژینا ههر پیغه مبه ره کی دهر برینی ژ ژینا په یام و رپی باز ی دکه ت، تانکو: ههر پیغه مبه ره کی په یاما وی بمینت زیندی ئه و ژی دی مینت زیندی، و ئه و پیغه مبه ریڼ بهر ی ههر وه کی فه نابووین ونه ماین چونکی ئه و خه لکی پشته وان هاتین ئایینی وان گوهارتن، و گه له ک تشتین بی بناخه و یین دلین وان دخوازتن لی زیده کرن، به لی پیغه مبه ری مه موحه ممه د (سلاف لی بن) یی ماییه زیندی چونکی په یام و رپی باز وی ب ته مامی و تاشکهره ل بهر دهستی مه مایه، و ئه قه قورثانا پیروژ وه کی خوه و بی گوهورین ل بهر دهسی مه یه، و ژینا پیغه مبه ری ژی (سلاف لی بن) ب ههمی بهر په ریڼ خوه قه یا بو مه هاتییه قهید کرن ب رهنکه کی وesa دی بیژ ی ئهم نوکه یی وی دبیین، و ههر وه کی ئه و یی د ناف مه دا دژیت و ئهمی گوهدارییا وی دکه یین، و چو که سین دی ل جیهانی ئه ق چهنده د گه ل چی نه بوویه، کو ژینا وی ههمی و ب شیویه کی بهر فره هاتبته پارازتن، ژ بهر قی چهندی ئهم دشیین چاف ل وی بکه یین، و فه رمانین وی ب کار بینین، و ئه قه ب تنی نیشانه کا بنبره کو مروقان هه وجهی ب هنارتنا پیغه مبه ره کی دی نینه، و ئه گهر هه وجهی ب هاتنا پیغه مبه ره کی دی هه بت، دی ژ بهر ئیک ژ قان ئه گهران بت:

نیک: کو په یاما پیغه مبه ری بوړی نه مابت، قیجا هه وجهی ب هندی هه بت مروف دوباره پی بیته ناگه هدار کرن.

دو: کو په یاما پیغه مبه ری بوړی یا ته مام نه بت، قیجا هه وجهی ب ته مام کرنی هه بت.

سی: کو په یاما پیغه مبه ری بوړی یا تایبه بت ب ملله ته کیفه، قیجا هه وجهی ب هنارتنا پیغه مبه ره کی دی هه بت بو ملله تین دی.

و ئەقرو چو ژ قان ئە گەران نینن، چونکی پەياما موخەممەد پيغەمبەری (سلاف لی بن) هیشتا یا زیندییە و ل بەر دەستی مەیه، و ریکین زانینا قی پەيامی ئاشکەرانه، و ئەم باش دزانین کانێ ئەو چ ریکە دقیت ئەم لی بچین، و ئەو چ ریکن دقیت ئەم خوە ژێ بدەینە پاش، ژ بەر قی چەندی هەوجەیی ب هەنارتنا چو پيغەمبەران نینە دوبارە خەلکی ل وی پەيامی ئاگەهدار بکەنەقە.

هەروەسا پەياما موخەممەد (سلاف لی بن) چو کیماسی ژێ تیدا نینە، و ئەو هەمی لایین ژینی قەدگرت، لەو وی هەوجەیی ب چو ژێبرن و زیدەکرێ نینە، هەتا پيغەمبەرەکی دی بیت و قی چەندی بکەت.

و گومان تیدا نینە کو پيغەمبەرینییا موخەممەدی (سلاف لی بن) بو هەمی جیهانییە، نە کو بو مللەتەکی یان جفاکە کا تایبەت، و ئەو نەبوو دەمەکی دەستنیشانکرییە ژێ، لەو چو مللەتان ل جیهانی هەوجەیی ب هەنارتنا پيغەمبەرەکی دی نینە.

و ب قی چەندی ئەو هەر سی ئە گەریڤ بۆرین نامینن.

ژ بەر ئەوا بۆری هەمییی دیژنە پيغەمبەری مە (سلاف لی بن): دووماهی پيغەمبەر، ئانکو: ئەو دووماهییا هەمی پيغەمبەران هاتییە، و پشتی وی هەوجەیی ب هاتنا چو پيغەمبەریڤ دی نینە، بەلکو هەوجەیی ب هەندەك مروّقان هەیه ل دووف پەياما وی بچن، و بەری خەلکی بدەنە ئایینی دورست، و ئیسلامی نیشا مللەتیڤ جیهانی بدەن.

پسپار:

گرنګيا باوهریي کو موحه ممه د (سلاف لی بن) دووماهی پیغه مبهره چیه؟

به رسف:

-۱

-۲

-۳

دان و ستاندن:

چونکي موحه ممه د (سلاف لی بن) دووماهی پیغه مبهره، و پستی وی چو پیغه مبهه نائیښ، د قیّت
عه قلی (ب ریکا ئجتهادی) روله کی مه زن د به رسفدانا وان پسپاراندا هه بت نهوین ژ بهر وهرارا
ژینی په یدا دین.

ئارمانچ ژ ژيانى و راستيا دنيايى و ئاخىرەتى و چاره نقيسى مروقى ب ديتنا ئىسلامى

مروقى جيهانى ھەمىيى ۋەك يەكەيەكا ئىكگرتى دىينت، ۋ ئەو ب ھەمى بوونەۋەرپن خوەڤە ژ قەستا ۋ بى ئارمانچ دورست نەبووينە، بەلكو خودايەكى شياندار ۋ كاربنەجھ ئەو ئافراندينە، ۋ ئەف ھەمى بوونەۋەرە ژينا خوە ب ھەزكنا خودى ۋ ل دووڤ ھندەك قانون ۋ بناخەيىن زانستى دېنە سەرى، ۋ خودى ھەردەم زىرەقانىيى ل چىكرييان دكەت، ۋ ئەگەر دەمەكى ب تنى ژى ئەو ژ وان بى ئاگەھ ببت، جيهان ھەمى دى راۋەستت ۋ قانونيىن گەردوونى ھەمى دى خراب بن (تيك چن). مروقى موسلمان باۋەرى ھەيە كو ژيانا بوونەۋەرى ل دووڤ سىستەمەكى زانستى ب رېڤە دچت، ۋ كو خودى ئەو ژ بەر ئارمانجەكا بلند ئافرانديە، ۋ ھەر تىشتەك د قى گەردوونىدا يى جوان ۋ خشكۆكە، ۋ خودايى مەزن ھەر تىشتەك ژ بەر ئەگەر ۋ (ھىكمەتەكى) دايە، لەو ژينا ل سەرقى ئەردى ژى ئارمانجا خوە يا بلند ۋ پىروژ ھەيە.

گەردوونا ئارمانجدار (الكون الهادف)

ئەگەر ئەم باش بەرى خوە بدەينە ھەر پشكەكا ھەبت ژ قى گەردوونى، دى زانين كو ئەو ژ بەر ئارمانجەكا دەستنيشانكرى ھاتىيە ئافراندىن، ۋ ئەو ل دووڤ قانونەكا تاييەت ب رېڤە دچت، بو نمونە:

أ- ئۆكسجين ۋ ھايدروژين دو توخمين سروشتينه ژ غازى دئينه ھەژمارتن، ۋ ھەر ئيك ژ وان سەخلەت ۋ تاييەتمەنديين خوە ھەنە، بەلى ئەگەر دندكەكا ئۆكسجينى د گەل دويىن ھايدروژينى بگەھنە ئيك، تىشتەكى نوى ژى پەيدا دبت ديژنى: (ئاف)، ئەوا دبتە ئەگەر بەردەواميا ژينى.

ب- ئەگەر پۇژ نىزىكتىر با ژ ئەردى يان دوورتىر با، ژىن ل سەر ئەردى نەدما، ئانكو: خودايەكى شىاندار ھەيە ژ بەر ئارمانجەكا تايبەت پۇژ ب قى دووراتىيى ژ ئەردى دانايىيە.

ج- ئەگەر داروبارى دووھىن ئۆكسىدا كاربۇنى نەمىتبا ئەوى ژ ھەناسەيا چىكرىيان و ھندەك كارتىكرىن دى پەيدا دېت، ئۆكسىجىن نەددا، و ژيان و مروڧ ل سەر ئەردى نەدما، ئانكو: داروبار ژى بى ئارمانج نىنە.

د- ئەگەر ھەيڧ ژى ژ وى جەي دوورتىر با يى نوکە ئەو لى، شلق ب ئاڧا دەريايى نەدكەڧت، و ھنگى ئەو ئاڧ دا گەنى بت، و ئەگەر ھەيڧ يا نىزىكتىر با ئەو ئاڧ پۇژى دو جاران دا ب سەر ئەردى دا گرت، و ھنگى ژىن ل سەر ئەردى نەدما.

ھ- ئەگەر ئەردى ئەو بەرگى ھەوايى نەبا ئەوى رىكى ل تىشكىن ژەھردار دگرت كو بگەھنە ئەردى، وان تىشكان ژىن ل ئەردى نەدھىلا.

پشك و ئەندامىن لەش ھەر چىكرىيەكى ھارىكارىيا ئىكدو دكەن دا بەردەوامىيى بدەنە ژىنى و مروڧى ل سەر پوويى ئەردى. و ئەڧە ھندى دگەھىنت كو:

أ- ھەر بوونەوەرەك ژ چەند پشكىن تايبەت و دەستنىشانكرى پىك دىت.

ب- ئەڧ پشكە ب ئەندازەيەكا رىك و پىك ھاتىنە دانان.

ج- ھەر پشكەكى تايبەتمەندىيەكا وەسا ھەيە د گەل كارى وى بگونجت.

د- ھەر پشكەكى كارەكى تايبەت ھەيە دكەڧتە سەر ملان.

ھ- ڧان ئەرك و كاران پەيوەندى د گەل ئىكدو ھەيە، و ب ھارىكارىيا ئىكدو رامانى ددەن و ئارمانجان پىك دىنن.

ئەركى قوتابى:

ھىندەك نمونەيان ژ چىكرىيان بىنە، و بەھسى تايىبەتمەندى و ئەرك و رەنگى پەيۋەندىيىن وان بىكە.

پىيارد:

- چ نمونە بەلگەيە ل سەر ھەبونا قانونەكى ل گەردوونى؟
- چاوا تو بەرى خوە ددەيە وان يىن ھزر دكەن گەردوون يا بى ئارمانجە؟
- ھارىكارىيا ئەندامىن ھەر چىكرىيەكى بۆ گەھشتنا ئارمانجى چ دگەھىنت؟
- ھەبونا قانون و ئارمانجەكى بۆ ھەر ئەندام و پشكەكى د لەشى بوونەوهرىدا نىشانا چىيە؟
- ئەف وانە چەند مفايەكان نىشا مە ددەت، ژ وان:

-۱

-۲

-۳

-۴

ئەرك:

- راپۆرتەكى ل دۆر چالاكىيىن مېشەنگى بنقىسە، و كانى چاوا ئەو ھىنگىنى چى دكەت، و ئەو ياسايىن ل جىھانا وى ھەين.
- مە دىت كو نەخشەدانان بۆ گەھشتنا ئارمانجى پشكەكە ژ قانونا گەردوونى، ئەرى تە ھەى قوتابى، ئارمانجەك د ژىنا خوەدا ھەيە؟ و تە نەخشەيەك بۆ گەھشتنا وان ئارمانجان دانايىيە؟

راستییا مروقی

بهایی هر که سه کی د هندی دایه کانئ تهو چهند د راستییا هه بوونی و جهی مروقی تیدا دگهت، نیمام عهلی (خودی ژی رازی بت) د گوته کاخوه دا ناماژهی ب قی چهندي دکهت دهمی دیژت: ((خودی دلوقانیی ب وی که سی بهت یی بزانت تهو ژ کیشه هاتییه و ل کیشهیه و دی کیشه چت)).

قیجا فهره تو پسپاری ژ خوه بکهی:

- نهز کیمه؟

- و جهی من د هه بوونیدا چیه؟

- و نهز ژ کیشه هاتییه و دی کیشه چم؟

- نهز ژ نک کی هاتییه و دی چمه نک کی؟

به رسقا فان پسپاران بو مروقی گه لهک گرنگه، دا تهو خوه بناست، و ریبازا ژینا خوه دهستنیشان بکهت، کانئ چ بکهت و چ نه کهت؟

ب راستی تهو همی ژ نک خودی هاتییه، تهو تهو ئهم ئافراندين: ((هُوَ الَّذِي خَلَقَكُمْ)) (الانعام: ۲) ئانکو: تهو یی هوون ئافراندين. و تهو د قی ژینیدا د تاقیکرینداینه، و کاری مه تهو تهو ئهم باشیی بکهین، و پشتی تهو ژینانه ب دووماهی دئیت تهو جاره کا دی دی زقرینه نک خودایی خوه: ((وَاتَّقُوا يَوْمًا تُرْجَعُونَ فِيهِ إِلَى اللَّهِ)) (البقرة: ۲۸۱) ئانکو: هوون ژ وی پوژئی بترسن یا هوون تیدا دی زقرینه نک خودی.

بهایی مروقی ل نک خودایی مهزن

مروقی بهایه کی مهزن ل نک خودایی مهزن ههیه، بهایه کی وesa بوو، فریشته ژی حیبه تی مابوون، و جهی مروقی ل نک خودی هند بلنده، وی تهو جیگر هه ژمارتییه، دهمی دیژت: ((وَإِذْ قَالَ رَبُّكَ لِلْمَلَائِكَةِ إِنِّي جَاعِلٌ فِي الْأَرْضِ خَلِيفَةً قَالُوا أَتَجْعَلُ فِيهَا مَنْ يُفْسِدُ فِيهَا وَيَسْفِكُ الدِّمَاءَ وَنَحْنُ نُسَبِّحُ بِحَمْدِكَ وَنُقَدِّسُ لَكَ قَالَ إِنِّي أَعْلَمُ مَا لَا تَعْلَمُونَ)) (البقرة: ۳۰) ئانکو: دهمی خودی گوتهیه فریشته یان: تهو دی جیگره کی ل نهردی دانم، وان گوته: نهری دی وی لی دانی یی خرابیی تیدا دکهت و خوونی درپژت، و

ئەم ب سوپاسىقە تە پاك دكەين، و تە پىرۆز دىينىن؟ وى گۆت: يا ئەز دزانم ھوون نوزانن.

و ژ ئايەتەكا دى بۆ مە ئاشكەرا دبت كو خودايى پاك و پىرۆز ھىزەكا مەزن بۆ شيانا ب دەستقەئىنانا زانىنى دايىيە مروقى، ب رەنگەكى وەسا كو ئەو بشىت راستىيا خوە و وى جىھانا ئەو تىدا بزانت، و خودايى خوە و ناف و سالۆخەتەين وى بناست، و ھەز ژ وى بکەت و ھارىكارىيى ژ وان بخوازت:

((وَعَلَّمَ آدَمَ الْأَسْمَاءَ كُلَّهَا ثُمَّ عَرَضَهُمْ عَلَى الْمَلَائِكَةِ فَقَالَ أَنْبِئُونِي بِأَسْمَاءِ هَؤُلَاءِ إِنْ كُنْتُمْ صَادِقِينَ ﴿٣١﴾ قَالُوا سُبْحَانَكَ لَا عِلْمَ لَنَا إِلَّا مَا عَلَّمْتَنَا إِنَّكَ أَنْتَ الْعَلِيمُ الْحَكِيمُ ﴿٣٢﴾ قَالَ يَا آدَمُ أَنْبِئْهُمْ بِأَسْمَائِهِمْ فَلَمَّا أَنْبَأَهُمْ بِأَسْمَائِهِمْ قَالَ أَلَمْ أَقُلْ لَكُمْ إِنِّي أَعْلَمُ الْغَيْبَ السَّمَاوَاتِ وَالْأَرْضِ وَأَعْلَمُ مَا تُبْدُونَ وَمَا كُنْتُمْ تَكْتُمُونَ ﴿٣٣﴾)) (البقرة: ٣١-٣٣). ئانكو: قەدرگرتن بۆ ئادەمى خودى ئەو فىرى ناڤىن ھەمى تىشتان كر، پاشى وى ئەو ناڤلىكرى بۆ فرىشتەيان بەرچاڤكرن وگۆتە وان: ناڤىن ئەقان تىشتىن ھە بۆ من بىژن ئەگەر ھوون راستگۆنە كو ھوون بۆ جىگرييا ل ئەردى ژ وان ھىژاترن. فرىشتەيان گۆت: ئەى خدا ئەم تە پاك دكەين، ژ بلى وى تىشتى تە نىشا مە داى ئەم چو نزانين، ھندى تويى تو ب تنى ب كارى ئافرانديين خوە يى پرزانايى، وتو د كرياتا خوە دا يى كاربنەجھى. خودى گۆت: ئەى ئادەم تو ناڤىن قان تىشتان يىن وان نەزانين بۆ وان بىژە، قىجا دەمى وى ئەو ناف بۆ وان گۆتىن، خودى گۆتە فرىشتەيان: مانى من گۆتبوو ھەو ھندى ئەزم ئەز تىشتى قەشارتى ل بەر ھەو ل ئەسمانان و ل ئەردى دزانم، و وى كارى ھوون ئاشكەرا دكەن ويى ھوون قەدشیرن ئەز دزانم.

د قان ئايەتان دا خودايى مەزن پشكەكى ژ شيان و سروشتى مروقى نىشا مە دەت كو ئەوى شيانا فىربوون و زانىنا راستىيان و ئاڤاكرا ئەردى و شارستانىيى ھەيە، و ئەو ھندەك تىشتن ب قى رەنگى ل نك فرىشتەيان نين، چونكى ئەو بۆ ئارمانجەكا دى ھاتىنە ئافراندن، و خودايى مەزن مروڤ وەسا ئافراندييە ئەو بشىت ب كارى جىگرييى رابىت.

و ب قى چەندى ئەم دگەھىنە راستىيەكى ئەو ژى ئەو كو پشكەك ژ مەزنىيا مروقى پەيوەندى ب ئاستى شيان و بەرھەقييا ويقە ھەيە بۆ فىربوونى و ب دەستقە ئىنانا زانىنان، و ب كارئىنانا خىرین ئەرد و ئەسمانى بۆ مفايى خوە، و پىشقەبرنا ژىنا مروڤىنييى.

و بهرانبه ر قی چهندي ههر هزر و سياسهت و بوچوون و كهلتوور و گازيبه كا دژي فيربوونا مروقي و ب دهستقه ئينانا وي بت بو زانيني دا كو ئهو د خوه و دگهردووني بگههت، دي دژي وي ههزكرنا خودايي مهزن بت يا وي بو مروقي ههزكري، و خودايي مهزن زانين كرييه پيشهه بو بهايي خوداني، دهمي گوتي: ((قُلْ هَلْ يَسْتَوِي الَّذِينَ يَعْلَمُونَ وَالَّذِينَ لَا يَعْلَمُونَ)) (الزمر: ٩) ئانكو: ئهري ما مروقين زانا و بين نهزان دي وهكي ئيك بن؟ بي گومان ئهو وهكي ئيك نابن، چونكي ئهو زانايين زانينا خوه بو خزمهتا مروقي و مروقييني تهرخان دكهن، و خودايي خوه باش دناسن، بهايهكي مهزن وان ههيه.

و پيغه مبهري (سلاف لي بن) د گهلهك فهرمودهيان دا بهري مروقي موسلمان ددهته فيربوون و ب دهستقه ئينانا زانيني، وهكي ديژت: ((أطلب العلم من المهد إلى اللحد)) ههر ژ لاندكي ههتا گوڤري ل دووڤ زانيني بگهڤه، ئانكو: دقيت ژينا ته ههمي زنجيره كا بي قهبرين بت پيخه مهت بلندكرنا ئاستي ته بي زانستي. و د فهرمودهيه كا ديدا ديژت: ((أطلب العلم فريضة على كل مسلم)) ئانكو: خوازتن و دووڤگهريانا زانيني فهره ل سهه ههر موسلمان هكي، چ ميڤ بت چ ژن. و ژ قی فهرمودهیی ئاشكهرا دبت كو گرتنا ريكي د ناڤهرا ژني و زانيندا گونه هه، و ئهو پيلينانا فهرمانا پيغه مبهري ئيسلامييه (سلاف لي بن)، و خودي دهمي مروڤ ل ئهردی كرييه جيگر، وي نفشي مروقي، نه كو ميڤ بتني، كره جيگر، و ميڤ و ژن د مروقيينييدا يه كسانن، و فهرمان ژ ههرديويا دگرت، و ئهقه هندی دگههينت كو دقيت ژن زي وهكي ميڤي خوه ب زانيني چه كدار بكهت، دا بشيت ب دورستي ب كاري جيگريي رابيت، و ههر جوداييه كا د ناڤهرا ژن و ميڤاندا د قی چهنديدا يته دانان، دي دژي بوچوونا ئيسلامي بت د مهسه لا جيگريا مروقي.

و ب رهنگه كي گشتي دهمي مروڤ ههست ب هندی دكهت كو خودي ئهو ل ئهردی بي كرييه جيگر، دي ههست ب بها و گرنگيا خوه و رولي خوه بي مهزن د ژياني و جيهانيدا كهت، و دي كاري بو پارازتنا وي بهايي كهت ئهوي خودي دايبني، و هزر ناكهت ب رهنگه كي وهسا بژيت كو د گهل وي بهايي مهزن نه گونجت.

دان و ستاندن:

جيگرييا خودي د ئورديدا چ رامي دگهينت؟ و ئو چ تايبهتمهندي بوو، مروف هيژايي
هندي كري، بيته جيگري خودي د ئورديدا؟

بهاداری خه لاته که

ژ خودی بۆ مروّقی

ب دیتنا ئیسلامی مروّق دئیته ههژمارتن چیکرییه کی بهادار ل نک خودی، و خودییه بها و (کهرامهت) داییه وی، لهو دقیت مروّق - و نهخاسمه باوهردار - ههست ب قی بهادارییه بکهت، خودایی مهزن دیژت: ((وَلَقَدْ كَرَّمْنَا بَنِي آدَمَ وَحَمَلْنَاهُمْ فِي الْبَرِّ وَالْبَحْرِ وَرَزَقْنَاهُمْ مِنَ الطَّيِّبَاتِ وَفَضَّلْنَاهُمْ عَلَى كَثِيرٍ مِّمَّنْ خَلَقْنَا تَفْضِيلًا)) (الاسراء: ۷۰) ئانکو: مه قهدر و بها داییه مروّقی، و ریکین ژینی ل هشکاتی و دهریایی بۆ وی خووش کرینه، و مه پرزه کی حهلال و پاقر داییی، و مه ئەو ب سهر گهلهک چیکریان ئیخستییه.

ژ قی ئایهتی بۆ مه ئاشکهرا دبت کانئ بهایی مروّقی چهنده، و خودی چاوا بهری خوه ددهته وی، و کو قی مروّقی پروومهتهکا مهزن ل نک وی ههیه، قیجا فهره ئەو ب خوه ژی قی بهایی بزانت، و نابت بۆ کهسه کی یان لایه کی وی بی بها بکهت یان بشکینت، و خودایی مهزن ئامارهیی ددهته هندهک لایین بهادارییا مروّقی کو خودی ریکین ژیری ل بهر وی خووش کرینه، و هه می چیکریین دی د گهردوونیدا بندهستی وی کرینه، و ئەو ب مه ددهته زانین کو بهایی مروّقی ژ بی هه می چیکریان بلندتره، و خودی ب دانا گهلهک قهنجی و هیژ و شیانان بها داییه وی، و ئەو ب سهر گهلهک چیکریین دی ئیخستییه.

خودایی مهزن ب چ رهنگی مروّق ئافرانندییه (چیکرییه)؟

خودایی مهزن مروّق وهسا ئافرانندییه، کو ئەو بشیت تشتین جوان و کریت، باش و خراب، ژیک جودا بکهت، و ده می مروّق کاری باش دکهت و سالوخته تین قهنج ل نک خوه پهیدا دکهت، ئەو د دل دا ههست ب بلندی ورهحه تییه دکهت، و بهروقاژی وی چهندی ئە گهر وی خرابی کر ئەو دشیته حسیبی د گهل خوه بکهت و خوه باش بکهت، خودایی مهزن دیژت: ((وَنَفْسٍ وَمَا سَوَّاهَا)) (۷) فَأَلْهَمَهَا فُجُورَهَا وَتَقْوَاهَا (۸)) (الشمس: ۷-۸) ئانکو: سووند ب نه فسی و ئەوی ئەو ئافرانندی، و بهری وی داییه باشی و خرابیی.

ژ ڦي ټايه تي بۆ مه ټاشكهرا دبت كو مروڦ بوونه وهره كي ټايه ته، نه فريشته يه و نه شهيتانه، چونكي فريشته فهرمانا خودي ټاشكيڼن، و ټهو ټيځدا باشي و خير و چاكيڼه، و نيشانا پاكييڼه، و بهرانبهر وان، شهيتان نيشانا خرابي و گونه هيڼه، بهلي د ټاڦهرا واندو مروڦي سالوځه ټين باشي و خرابيڼي هه نه. و مروڦ - نه خاسمه باوهردار - دڦيت ههردهم خوه چاك بكهت، و باش خوه د ټيسلامي بگه هينت، و سالوځه ټين مروڦي يڼ چاك بزانت، و ژينگه هه كا ساخلم پيدا بكهت كو ټيدا بهري وي بۆ خيري و كاري چاك يته دان. سالوځه ټين باش د دلي خوه دا پيدا بكهت، دا ب وي چهندي بته مروڦه كي خيرخواز و هه ژيكر بۆ دادی و چاكييڼي، و يي دوور ژ خرابي و زور و ستهم و رهوش ټين خراب.

و ب ڦي چهندي بۆ مه ټاشكهرا دبت كو ټهم بهرپرسيڼ بهرانبهر خوه و مه ژيڼي خوه، و دڦيت چاڦي مه ل ڦي بهرپسياريڼي بت.

ژيډهري بهاداري و بلنديا مروڦي چييه؟

ټهو ټايه تمهندي و جهي بلند و بهاداريا مروڦي ل نك خودي هه، د ټاڦهرا هه مي چيكرينڼ ديډا ل ڦي گهردووني، ژيډهري وي چييه؟

ب راستي ټه ټف بهاداري و جهي بلندي مروڦي هه ژ بهر وي روحيه يا خودي دايبه مروڦي و ټهو پي دريت.. ده مي خودي مروڦ ژ ټاخني ټافراندي، وي روح دايب، و ب ڦي چهندي وي بهايي مروڦي و هيژ و شيانين وي بهرچاڦ كرن، خودايي مه زن ديژرت: ((**إِذْ قَالَ رَبُّكَ لِلْمَلَائِكَةِ إِنِّي خَالِقٌ بَشَرًا مِّن طِينٍ ﴿٧١﴾ فَإِذَا سَوَّيْتُهُ وَنَفَخْتُ فِيهِ مِن رُّوحِي فَقَعُوا لَهُ سَاجِدِينَ ﴿٧٢﴾**)) (ص: ٧١-٧٢) ده مي خودي گوڼيه فريشته يان: ټه ز دي مروڦه كي ژ ته قني ټافرينم، ڦيجا ټه گهر من ټهو دورستكر و ژ روحا خوه دايب، هوون سوجدهي بۆ وي بهن (خوه بۆ وي بچه مينن).

و ده مي خودي بيرا مه ل هندي دئينته ڦه كو وي ټهم ژ ته قني چيكرينه ڦي پتر ژ ټاماره و ده رسه كي ټيدا هه يه، ژ لايه كيڦه ټهو شيان و مه زنيا خودي بۆ مه بهرچاڦ دكهت، و ژ ټالييه كي ديڦه ټهو مه فير دكهت كو مروڦ هه مي وه كي ټيكن و ژ ټيكن تشتي و ژيډهري هاتينه ټافراندن، و وان خودايه كي ب تني هه يه.

وئەو بەررى مە ددەتە ھندى ژى كو ئەم خوە مەزن نەكەين، و نزم بەررى خوە نەدەينە خەلكى دى، چونكى ھندەك مروف ژ ئاخى دورست نەبووينە و ھندەك ژ زيڤرى، بەلكو ئەو ھەمى ژ تشتەكى دورست بووينە و ژېدەرى وان ئىكە.

ھەر وەسا ئەف ئايەتە رادگەھىنن کو مروّف ب وى روى دژيت يا خودى دايىيى، و ئەفە
 وى رامانى ددەت کو روى خودى د مروّفىدا ئامادىيە، لەو کىمکرنا مروّفى يان زوردارىيا ل وى
 گونەھەکا مەزنە و سقکىيە ب مەزنى و پىروژىيا خودى دئىتەکرن.

خودی بهایی مروّقی هند مه‌زن کریه کو فریشته‌یین پاک و نیژیکی خودی، بو ئاده‌می بچنه سوجه‌یی ل وی ده‌می کو سوجه ب تنی بو خودییه، به‌لی ئه‌و سوجه ب فه‌رمانا خودی بو، و قه‌درگرتن بوو بو ئاده‌می.

یسیار:

۱- بۆچ ھندەك مروّف ل ھندەك دەمان بەھايى خوە يى بلند نزانن، و ب رەنگە كى وەسا كارى دكەن كو د گەل بەھادارسا وان و مەزنسا خودى نە گونەخت؟

۲- چاوا مروّڦ دى ههست ب بهايى خوه يى بلند كهت، و رڤهفتاره كى وهسا ناكهت يى ههڤڊر بت بو وى چه ندى؟

دان و ستاندن و دووچیوون:

أ- ئەو چ بھانە مروۆف بلندتر لیڤری ژ بوونەوهرین دی؟

ب- ژ بلی وان ئایه تیښ بوړین، تو دشی هندهك ئایه تیښ دی بینى بهاداریا مروځى بهرچاڅ
 كهن؟

مرؤف و ژېدهړين گوندهان

بهلي د گهل قى بهايي بلند يي خودي داييه مرؤفي، كو تشته كه وي بهر ب قهنجي و چاكي و بلنديي قه دبهت، بوچ هندك مرؤف هه نه كاري خراب و گوندهان دكهن، ريكا چاكيي و رهوشيي بلند وخوديناسيي ل بهر خوه بهرزه دكهن؟

زانينا ژېدهر و نه گهري سهرداچوون و كرنا گوندهان هاريكارييا مه دكهت كو هم خوه ژ كرنا گوندهان بدهينه پاش، قيجا دليين مه تهنا ببن و ژيانا مه خوش ببت، و ري بو سهرداچوون وسهردابرني نه مينت. و نه گهر هم بهري خوه بدهينه قورثانا پيروژ دي بينين كو خودايي مه زن به حسي هه ژماره كا نه گهر و ژېدهري سهرداچوون و گوندهي بو مه كرييه، و نه قه هندك ژ وانن: ا- هه ست نه كرن ب زيړه قانييا خودي و نيژيكييا وي ژ مه:

خودايي مه زن هه ردهم د گهل مهيه، و نهو مه ديينت، يي نيژيكيه ژ مه، و نهو ب كاري مه يي ناگه هداره، وهكي نهو ب خوه ديژت: ((وَلَقَدْ خَلَقْنَا الْإِنْسَانَ وَنَعْلَمُ مَا تُوَسْوِسُ بِهِ نَفْسُهُ وَنَحْنُ أَقْرَبُ إِلَيْهِ مِنْ حَبْلِ الْوَرِيدِ)) (ق: ۱۶) ناكو: نه مين مه مرؤف ئافراندی، و هم دزانين كاني چ ديته سهر هزرا وي.

قيجا نه گهر موسلمانان زاني كو خودي شاره زايه ب وي تشتي د هزرا ويدا هه، و چو تشت ل بهر بهرزه نابن، و نهو گهلهك يي نيژيكي مهيه، هنگي نهو دي هه ست ب زيړه قانييا خودي كهت، و دي خوه ژ كرنا گوندهي دهته پاش.

ب- قيانا زيده بو دنيايي و يي ناگه ي ژ روژا دووماهيي:

خودايي مه زن ديژت: ((كَلَّا بَلْ تُحِبُّونَ الْعَاجِلَةَ ﴿٢٠﴾ وَتَذَرُونَ الْآخِرَةَ ﴿٢١﴾)) (القيامة: ۲۰-۲۱) ناكو: نه خير! وه نينه وهكي هوون هزر دكهن، بهلكو هوون گهلهك هز ژ دنيايي دكهن، و هوون ئاخره تي دهيلن و پشت ددهني.

ئيسلام ريكي ل مه ناگرت هم هز ژ دنيايي بكهين، و كاري بو ژيانه كا خوش و بهر فرده بكهين، بهلي تشتي ئيسلام خراب دزانت نهو مرؤف ب دنيايي ب تنيقه مژوول ببت و ئاخره تي ژ بير

بکەت، و هزرا هندی نهکەت کو جیهانه کا دی ههیه، مرووف تیدا زیندی دبتەقه، و سهرا کاری وی
بی دنیا بی حسیب د گهل دئیته کرن.

ج- نه هشیاری ل شهیتانی و دووکهفتنا پیگافین وی:

وهکی ئەم دزانین خودایی مهزن ئەم ئاگه هدار کرینه کو شهیتان دژمنه بو مرووفی، و دقیت ئەم وی
وهک نه یار بو خوه بزانی: ((إِنَّ الشَّيْطَانَ لَكُمْ عَدُوٌّ فَاتَّخِذُوهُ عَدُوًّا)) (فاطر: ۶) شهیتان دژمنی
ههوهیه، قیجا هوون ژ وی بو خوه بکهنه دژمن. ههر وهسا خودایی مهزن د گهلهک ئایه تاندا مه ژ
پیلانین شهیتانی و فیلین وی بو سهر دارنا مرووفی ئاگه هدار دکەت، وهکی د قی ئایه تی دا هاتی:
((يَا أَيُّهَا النَّاسُ كُلُوا مِمَّا فِي الْأَرْضِ حَلَالًا طَيِّبًا وَلَا تَتَّبِعُوا خُطُوَاتِ الشَّيْطَانِ إِنَّهُ لَكُمْ عَدُوٌّ مُبِينٌ ﴿١٦٨﴾
إِنَّمَا يَأْمُرُكُمْ بِالسُّوءِ وَالْفَحْشَاءِ وَأَنْ تَقُولُوا عَلَى اللَّهِ مَا لَا تَعْلَمُونَ ﴿١٦٩﴾)) (البقرة ۱۶۸-۱۶۹)
خودایی مهزن ئاگه هداریا مرووفان دکەت کو ههر تشته کی باقری ل ئەردی هه وی بو وان هلال
کرییه، و دقیت ئەو دووکهفتنا پیگافین شهیتانی نهکهن؛ چونکی ئەو دژمنه کی ئاشکه رایه بو وان، و
ئەو فهرمانا ب کرنا گونه هه و خرابیی ل وان دکەت، و کو ئەو وی تشتی ئەو نهزان د دهره هقا
خویدا بیژن.

ژ قی بو مه ئاشکه را دبت کو کرنا خرابیی و گونه هان و چوونا ل ریکا خه لهت، ب جهینانا
فهرمانا شهیتانییه، ل وی ده می کو دقیت موسلمان فهرمانین خودایی خوه ب جه بینت، و گوهدارییا
وی نهکەت بی خودی ژ دلوفانییا خوه بی بار کری، قیجا وی کاری خوه کرییه گونه ه و خرابی.

پسپار:

ږی چیه بۆ نه کرنا گونه ه و کارین خراب؟

دان و ستاندن:

چ پالدهرین دی هه نه مروڤی بهر ب سهرداچوون و کرنا خرابیینه بهن؟

څه کولان:

بوچ مروڤ گوهدارییا شهیتانی دکهت؟ و دزانت ژی کوئه و دژمنی وییه؟

خه فک و داقین شهیتانی

شهیتان دژمنی مروقییه، و ئه و خوه ژ وی مهزنتر دبینت، و وی سووند خوارییه کو هندی ژی بیت ئه و به نییښ خودی ژ ریکا راست ده ریخت، و داقان ل بهر وان قه دته، و پیلانان دژی وان بگپرت، دا تولا خوه ژ وان بستینت کو خودی سهره بابی وان، ئه و ژ دلوقانییا خوه بی بار کر، و کاری وی ئه وه دودلییی بو مروقی چی بکته، و هنده ک سوز و ژقانیښ دره و بدهتی، و نامیره تی وی بو ب جهننا قی چهندي هز و دلچوونین مروقیینه، ب قی ریکی ئه و کاری بو خاپاندن و سهرداچوونا مروقی دکته، و هنده ک هیقییښ دژوون (پیس) و نه راست دده ته بهر دلی وی، قیجا نه خوه شی و گرفتاریان بو وی پهیدا دکته، و دنیایی و ئاخره تی ل بهر وی نه خوه ش دکته.

شهیتان ب گه له ک ریکان دئیته مروقی، و وی بو هندی پال دده ت کو ئه و گونه هان بکته و فهرمانین خودی ب جه نه ئینت، ژ وان ریکان:

۱- جوانکرنا گونه هی و کاری خراب، وه کی خودایی مهزن گوتی: ((وَزَيْنَ لَهُمُ الشَّيْطَانُ مَا كَانُوا يَعْمَلُونَ)) (الأنعام: ۴۳) ئانکو: شهیتانی ئه و کار ل بهر وان شرین کری وان دکر.

۲- مژوولکرنا مروقان ب هز و قیانیښ دنیاییقه، وه کی خودایی مهزن گوتی: ((اسْتَحْوَذَ عَلَيْهِمُ الشَّيْطَانُ فَأَنسَاهُمْ ذِكْرَ اللَّهِ أُولَئِكَ حِزْبُ الشَّيْطَانِ أَلَا إِنَّ حِزْبَ الشَّيْطَانِ هُمُ الْخَاسِرُونَ)) (المجادلة: ۱۹) ئانکو: شهیتانی ب سهر دلیښ واندا گرت، و خودی ژ بیرا وان بر، ئه و دهسته کا شهیتانیښه، و دهسته کا شهیتانیښه یښ زیاندار.

۳- مژوولکرنا مروقی ژ بیرئینانا خودی و وان کاران یښ بیرا وی پی ل خودی دئیته قه وه کی نفیژی، و چاندنا توقی کهر ب و نه قیانی د ناچه را مروقاندا، وه کی خودایی مهزن گوتی: ((إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ وَالْبَغْضَاءَ فِي الْخَمْرِ وَالْمَيْسِرِ وَيَصُدَّكُمْ عَنْ ذِكْرِ اللَّهِ وَعَنِ الصَّلَاةِ فَهَلْ أَنْتُمْ مُنْتَهُونَ)) (۹۱) وَأَطِيعُوا اللَّهَ وَأَطِيعُوا الرَّسُولَ وَاحْذَرُوا فَإِنْ تَوَلَّيْتُمْ فَأَعْلَمُوا أَنَّمَا عَلَى رَسُولِنَا الْبَلَاغُ الْمُبِينُ (۹۲)) (المائدة: ۹۱-۹۲) ئانکو: هه ما شهیتانی دقیت ب ریکا قه خوارنا مهیی و کرنا قوماری کهر ب و نه قیانی د ناچه را هه ودها بچینت، و هه وه ژ بیرئینانا خودی و کرنا نفیژی بده ته پاش،

ئەرى قىچا ھوون دى مەيى و قومارى ھىلن؟ گوھدارىيا خودى و پىغەمبەرى (سلاڧ لى بن) بىكەن، و بزىنن كو ئەگەر ھەو ھەو پىشت دا دىنى خودى ھەما يا ل سەر پىغەمبەرى (سلاڧ لى بن) ب تنى گەھاندنا پەياما خودىيە.

ژ بەر قى چەندى ھەرە ل سەر مرقى قان رپكان بزانت، و گوھدارىيا شەيتانى نەكەت، و خو نەئىختە داڧىن وى، چونكى ئەگەر ھات و ئەو كەفتە داڧىن شەيتانى ئەو ژ پەشيمانىيى پىقەتر تىشتەكى ب دەست خو ھە نائىنت، و ل قىرى دڧىت ئەم بزىنن كو شەيتان نەشەتە موسلمانى راست و دورست، و دەمى مرقەك گوھدارىيا وى دكەت و د سەردا دچت، رۆژا دووماھىيى شەيتان خو ژ وى بەرى دكەت، و دىيژت: سووچىن من نىنن و ئەو يى گونەھكار، ئەو كەسەكى لاواز بوو لەو ھەرمانىن من ب جەھ دىنان! خودى قى چەندى بو مە ئاشكەرا دكەت، دەمى دىيژت: ((وَقَالَ الشَّيْطَانُ لَمَّا قُضِيَ الْأَمْرُ إِنَّ اللَّهَ وَعَدَكُمْ وَعْدَ الْحَقِّ وَوَعَدْتُكُمْ فَأَخْلَفْتُكُمْ وَمَا كَانَ لِي عَلَيْكُمْ مِنْ سُلْطَانٍ إِلَّا أَنْ دَعَوْتُكُمْ فَاسْتَجَبْتُمْ لِي فَلَا تَلُمُونِي وَلُومُوا أَنْفُسَكُمْ مَا أَنَا بِمُصْرِخِكُمْ وَمَا أَنْتُمْ بِمُصْرِخِيَّ إِنِّي كَفَرْتُ بِمَا أَشْرَكْتُمُونِ مِنْ قَبْلُ إِنَّ الظَّالِمِينَ لَهُمْ عَذَابٌ أَلِيمٌ)) (ابراھىم: ۲۲) ئانكو: پىشتى مەسەلە ب دووماھى دىت شەيتان دىيژت: خودى ژقانىكى راست دابو ھەو، و من ژقانىك دابو ھەو، و من ژقانى خو ب جەھ نەئىنا، و من چو دەستەھلات ل سەر ھەو نەبوو، ب تنى من ھوون داخواز كىبون و ھوون د داخوازا من ھاتن، قىچا ھوون لۆمەيى ل خو بىكەن و ل من نەكەن، ئەقرو ئەز چو مفايى ناگەھىنمە ھەو و ھوون ژى چو مفايى ناگەھىننە من، و ئەز باوھىيى ب وى شىكى نائىنم ئەوا ھەو ب خودى كرى، و زۆردار دى گەھنە ئىزايەكا ب ئىش.

و ئاشكەرايە ھەر مرقەكى تىگەھىشتى بت و دووماھىيەكا باش بو خو بڧىت ئىكا ھند ناكەت كو بگەھتە قى پاشەرۆژا خراب.

دان و ستاندن:

۱- ھەزرا خو د ئايەتا (۲۲) يىدا ژ سۆرەتا (ابراھىم) بىكە، و رۆلى شەيتانى د چاندنا گومانىدا د دلى مرقىدا ئاشكەرا بىكە.

۲- تە چ مفا ژ قى دان و ستاندنى دىت؟

مرۆف و هلبژارتنا رێکێ

قورئان و فەرمۆدەیی پێغەمبەری (سلاڤ لێ بن) وێ چەندی دگەهینن کۆ ئەگەرا سەرەکی یا کرنا گۆنەهان مرۆف ب خوەیه، لەو چو مرۆف نەشین پۆژا دووماهییی گۆنەهین خوە ب ستویی شەیتانی رادەن، و خوە ژێ قورتال بکەن، مرۆف دبنە دو دەستەك: دەستەكەکی بەر ل خوەییه و کاری چاک و سەرفرازییی دخوازت، و دەستەكەکا دی نزمی و کاری خراب دقیت، خوەی مەزن دیژت: ((إِنَّا هَدَيْنَاهُ السَّبِيلَ إِمَّا شَاكِرًا وَإِمَّا كَفُورًا)) (الإنسان: ۳) ئانکو: مە بەرێ مرۆقان دایییە رێکا راست، قیجا هەندەك ژ وان قەستا رێکا راست دکەن و سوپاسیا خوەی دکەن، و هەندەك رێ ل بەر خوە بەرزە دکەن و سوپاسیا قەنجیا خوەی ناکەن. و خوەی مەزن دووماهییا هەردو دەستەکان ئاشکەرا کرییه، و وی رێ یا دایییە مرۆقان کۆ ئەو وێ رێکی بۆ خوە هلبژێرن یا وان دقیت، و کەسەك یان چو هیز نەشین کۆتەکیی ل وان بکەن، چونکی د ئیسلامیدا مرۆف یی ئازادە باوەرییی بینت، و چو کۆتەکی د ویدا نینە، و مرۆف ب کەیفای خوە و ب ئازادی رێکا ژيانا خوە هلبژێرت، بەلێ ل سەر وی فەرە بزانت کۆ هلبژارتن بەرپسیرییه، و خوەی سەرا هلبژارتنا وی دی حسیبی د گەل کەت.

خوەی مەزن دیژت: ((وَقُلِ الْحَقُّ مِنْ رَبِّكُمْ فَمَنْ شَاءَ فَلْيُؤْمِنْ وَمَنْ شَاءَ فَلْيُكْفُرْ)) (الکەف: ۲۹) ئانکو: تۆ بیژرە وان: هەقی ژ خوەی هەوێیه، و هەچییی بقی ت بڵا باوەرییی بینت، و هەچییی بقی ت بڵا کافر ببت.

بۆ هلبژارتنا رێکا ژيانا خوە دقیت مرۆف یی هوربین بت، و باش هزرا خوە بکەت؛ چونکی پاشەرۆژا وی ل دنیا یی و ئاخەتی ژ ی ب وێ چەندێقه یا گریډاییه، و یا باش ئەو ئەو پسیارا خوە ب زانا و چاکان بکەت؛ دا یا باشتەر بۆ خوە هلبژێرت.

ئاشکەرایه کۆ رێکا خرابی و گۆنەهان یا ب ساناھییه، هەر چەندە هەندەك نەخوەشی تیدا هەنە ژ، بەلێ ئەگەر مرۆف ب هۆش و عەقلداری هزرا خوە د وێ پاشەرۆژیدا بکەت یا ل بەراهییا وی، ئەو دی رێکا سەرفرازییی هلبژێرت؛ چونکی دلخوەشی تیدایه، و پاشەرۆژا مرۆفی ل پۆژا دووماهییی ب بریارەکا ویقه یا گریډایه، بریارەكە دقیت ئەو ب هزر و عەقلداری هلبژێرت،

و دان و ستاندن ل دۆر مەسەلە بکەت، و خوە ئیکدل بکەت و بریاری بدهت، دا ئەو ریککا باوەرییی و خیری و هاریکارییی و بلندی و سەرفرازییی هلبژیرت.

پسیار:

ئەگەر کاری مروفی لیگه‌ریان و پسیار بت دا ئیک ژ دو ریکان هلبژیرت، ئەری ئەو ئەگه‌رین وی پال ددهن کو ریککا باوەرییی و سوپاسییا خودی هلبژیرت، چنه؟

دان و ستاندن:

رۆلی هەقالی د سەرپرستکرن و سەردابرن مروفیدا چیه؟

مرؤف و كومهكا سالوخه تين گرنك

خودايى مهزن سهرماله كى گرنك داييه مرؤفى، هاريكارييا وى دكهت كو نهو ريكا راست بيينت، و لى بچت، نهو ژى نهقهيه:

۱- خوهپرستى (الفطرة):

مرؤف ب خوهپرست و سروشتى خوه خودايى خوه دناست، و بهرى خوه ددهتى، و وى ديينت ژيدير بو قهنجى و پاكي و جوانيى، و د كورراتييا دلى ويدا ههستهك ههيه وى بو ناسين و پرستنا خودى دكيشت، و ههر مرؤفه كى دئيه سهر دنيايى نهف ههسته د گهل ههيه، بهلى خيزان و جفاك و عدهت وى ههستى ل نك مرؤفى كي دكهن و ناهيلن وهراى بكهت، و ژيانا مرؤفى ب پرستنا خودى و قيانا وى و باوهريى رۆن ببهت.

۲- پيگيرى ب بهايين پيرو:

خودايى مهزن ژيديرى جوانى و بهايين بلنده، و پشتى باوهري جهى خوه د دلى مرؤفيدا دكهت، و وى تژى دكهت ژ قيانا خودايى، نهو پيگيريى ب هندك بهايين بلند و جوان دكهت، وهكى: دلوقانى، كهرامهت، راستگويى، دادى، ليبورين، و سنگفرههييى، و سالوخه تين خراب وهكى: دلرهشى و دوروياتي و زورداريى.. جهى خوه د دلى ويدا نابيين.

۳- وژدانا نه خلاقى:

خودايى مهزن ب وژدانى منهت ل مرؤفى كرييه، و وژدان نهو ههسته نهوا نههيت مرؤف كاره كى بى رهوش بكهت، و نه گهر هات و وى گونه ههك كر ژى وژدانا وى دى وى ئيشينت و پال دهت كو نهو ب كاره كى چاك وى خرابيى ژى ببهت.

۴- هيزا هزركرنا عه قلى:

مهژى (عهقل) منهتهكا مهزنه خودى ل مرؤفى كرى، و عهقله باشى و خرابيى نيشا مرؤفى ددهت، و ئيكا هند ژ وى چى دكهت كو نهو جوانى و كريتيى ژيك جودا بكهت، ئيمام عهلى (خودى ژى رازى بت) به حسى عه قلى دكهت، و دييژت: (نهو په يامهلگرى

راستیییی، و هه قال و پیه ری مروقییه، و پژارکه ر ونیزیکه ری ویه ژ خودی، و ئەو بهاترین سامانه ل نک مروقی).

و نه گهر مروؤف مه ژيبي خوه بده ته کاري، و هزرا خوه د نه جامي کاريڼ خوه دا بکه ت، و بزانت چ
تشت بو وي و خيزان و جفاکا وي يي باشه، نه و ب ساناهي دي ب ريکا راست که فت، و ناکه فته بن
کارليکړنا هه زين خراب، له و نه وين پوژا رابووني ژ بهر خرابيښ خوه د چنه ناگري ديژن: ((**وَقَالُوا**
لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ)) (الملک: ۱۰) نانکو: نه گهر مه شيابا گوهدارييا
هه قبيي بکه ين، و مه ژيبي خوه دورست بده ينه کاري، نه م نه دبووينه ژ دوژه هييان (جه نه ميان).
و د گهل قان هيژن نافخوه يي نه وين د دل و وژدانا مروقيدا هين، و بهري وي دده نه ناسينا خودايي
په روه ردگار، خودي پيغه مبهري خوه ژي (سلاف لي بن) بو هاريکارييا مروقان هنارت؛ دا په ياما
خودي بگه هينته وان، و بهري وان بده ته ريکا رزگاري و دلخوه شيبي.

قيجا نه گهر مروقي مفا ژ وان هيژان ديت يين د دل و وژدانا ويدا هين، و ژ پيامين پيغه مبهري
خودي، جواني و شرينييا (باوهری) و (کاری چاك) دي چته د دلي ويدا، و رهنگانا وي چندي
ل سهر ژيانا وي دي هيت، و نهو دي هست ب خواهشيه كهت و دلخ وي دي تهنا بت.

یسار:

- ۱- هندەك سالوختەتەين گرنىگ بۇ مروۋى ديار بىكە.
۲- ئەفەئى ئايەتا پىروۆز شروۋە بىكە ((وَقَالُوا لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ)).
(الملىك: ۱۰)

ئەم دى كېشە چىن؟

مە زانىيە كو خودايى مەزن ئەم ئافراندىنە، دەمەكى ئەم دى زىندى بىن، پاشى دى مرىن، و ل خودايى خوە زقرىن، لەو دقيت ئەم تىگەهشتنا خوە بۆ ژىنى و مرنى و پشتى مرنى بەرفرەه بکەين، ومروقان ب رەنگەكى گشتى دو بۆچوون ل دۆر مرنى هەنە.

بۆچوونا ئىكى:

خودانىن قى بۆچوونى هزر دكەن كو مرن دووماهيا ژيانىيە، و پشتى ژيىى مروقى دچت ژيان ب دووماهى دئىت، و ئەو بۆ جيهانا نەمانى دئىتە سپارتن، و خودانىن قى بۆچوونى دو هەلوئىست بەرانبەر مرنى هەنە:

أ- هندەك ژ وان نەشىن هزرى د مرنىدا نەكەن، لەو دەمى بىرا وان ل هندى دئىتەقە كو مرن دووماهيا وانه، ئەو بى هيز و نەرەحەت دبن، و تووشى دودليىى دبن.

ب- و هندەكىن دى قى چەندى ژ بىرا خوە دبەن، و نەقىن هزرى تىدا بکەن، دا ئەو ب قى ژ بىرکرنى خوە ژ هزرا مرن و نەمانى بپارىزن، كو - ب ديتنا وان - ئەو هزرەکا نەخوئەشە.

ئەنجامى بۆچوونا ئىكى:

ژ ئەنجامىن بۆچوونا ئىكى ئەو ژيانا مروقى بى ئارمانج دگەهتە دووماهياىى، و هەمى دەرگەهين هيشيىى ل بەر سنگى وى دئىنە گرتن، و ئەقە دبته ئەگەرا هندى كو هندەك ژ وان تووشى ئىشىن دەروونى بىن، و ژيانا وان ببتە دۆژەه، و هندەك ژ وان خوە ب هندەك كارىن وەساقە مژوول دكەن كو مرن ژ بىرا وان بچت، بەلى ئەف چەندە مفاىى ناگەهينتە وان، خودايى مەزن ديژرت: ((قُلْ هَلْ نُنَبِّئُكُمْ بِالْأَخْسَرِينَ أَعْمَالًا ﴿١٠٣﴾ الَّذِينَ ضَلَّ سَعِيُهُمْ فِي الْحَيَاةِ الدُّنْيَا وَهُمْ يُحْسِبُونَ أَنَّهُمْ يُحْسِنُونَ صُنْعًا ﴿١٠٤﴾ أُولَئِكَ الَّذِينَ كَفَرُوا بِآيَاتِ رَبِّهِمْ وَلِقَائِهِ فَحَبِطَتْ أَعْمَالُهُمْ فَلَا نُقِيمُ لَهُمْ يَوْمَ الْقِيَامَةِ وَزْنًا ﴿١٠٥﴾)) (الكهف: ١٠٣-١٠٥) ئانكو: ئەرى هەو دقيت ئەز بۆ هەو بىژم كانى كىژ مروف ژ هەمىيان پتر بى زيانكارە، ئەو ئەون، ئەوين باوەرى ب ئايەتىن خودى نەئىنايىن، و باوەرى نەئىنايىن كو ئەو دى

زقړنه نك خودى، لهو كه دا وى د دنياييډا پووجبوو، و ل رږڅا دووماهييى وان چو سهنكي خوه نابت.

فهكولان:

۱- نهو چ مهيلا دهروونييه هندى ژ څان ههردو دهستهكان چي دكهت كو ئيك ژ وان گرنكييى نهدهته مرنى، و يا دى گهلهك ژ مرنى بترست ههتا ييزار ببت؟

۲- نهري تو ييژى نهوين مرن ژ بيرا خوه برين، وان ريكاراست هلبزارتبت؟ نه گهر بهرسف (بهلى) بت، بوچ؟

۳- نهو چ شوونوارن نهف هزره يان نهف ديتنه ل سهر ژينا مروفي دهيلت؟

و نهو دا بهري خوه بدهينيى كانيى قورنان چ بهحسيى بوچوونا ئيكى بو مه دكهت.. خودايى مهن ديبژت: ((وَعَدَ اللَّهُ لَا يُخْلِفُ اللَّهُ وَعْدَهُ وَلَكِنْ أَكْثَرُ النَّاسِ لَا يَعْلَمُونَ ﴿٦﴾ يَعْلَمُونَ ظَاهِرًا مِّنَ الْحَيَاةِ الدُّنْيَا وَهُمْ عَنِ الْآخِرَةِ هُمْ غَافِلُونَ ﴿٧﴾ أَوَلَمْ يَتَفَكَّرُوا فِي أَنفُسِهِمْ مَا خَلَقَ اللَّهُ السَّمَاوَاتِ وَالْأَرْضَ وَمَا بَيْنَهُمَا إِلَّا بِالْحَقِّ وَأَجَلٍ مُّسَمًّى وَإِنَّ كَثِيرًا مِّنَ النَّاسِ بِلِقَاءِ رَبِّهِمْ لَكَافِرُونَ ﴿٨﴾)) (الروم: ۶-۸) ټانكو: نهو د رامانيى سهرقه سهرقه يين ژيانى ب تنى دگهن، و ژ رږڅا دووماهييى بيى ټاگهن، نهري ما نهغه هزر ناكهن كو نهو و ټهسمان و نهرد و ههر تشتهكي د ناقبهرا واندا ژ قهستا نههاتينه ټافراندى بهلكو دهمهكي دهستنيشانكرى وان ههيه؟

د گهل څي چهندي گهلهك مروف ههنه باوهر ناكهن كو نهو دي زقړنه نك خودى، خودايى مهن ديبژت: ((إِنَّ فِي اخْتِلَافِ اللَّيْلِ وَالنَّهَارِ وَمَا خَلَقَ اللَّهُ فِي السَّمَاوَاتِ وَالْأَرْضِ لآيَاتٍ لِّقَوْمٍ يَعْقِلُونَ ﴿٦﴾ إِنَّ الَّذِينَ لَا يَرْجُونَ لِقَاءَنَا وَرَضُوا بِالْحَيَاةِ الدُّنْيَا وَاطْمَأْنَنُوا بِهَا وَالَّذِينَ هُمْ عَنْ آيَاتِنَا غَافِلُونَ ﴿٧﴾ أُولَٰئِكَ مَاوَاهُمُ النَّارُ مَا كَانُوا يَكْسِبُونَ ﴿٨﴾)) (يونس: ۶-۸) ټانكو: نهوين هيقييا ديتنا مه نهكهن، و ب ژينا دنيايى رازى بووين و رږڅا دووماهييى ژ بيركرين، و ژ ټايهتينى خودى بيى ټاگه مايين، دووماهييا وان دوزهه ژ بهر وان گونههين وان كرين.

هزر بكه:

هزرا خوه د ټايهتينى بووين دا بكه و چهند خالان ل دور بوچوونا ئيكى ژى دهرييخه.

بۆچونا دويى:

ب بۆچونا قان كەسان، كو دووكەقتيىن ئايىنن ئەسمانىنە، مرن نە دووماھىيا ژيانىيە، بەلكو ئەو
وەكى ئاقابوونا رۆژيە، ئەو سوباهى گەشتەر دەليت، و مرن ب بۆچونا مروقى باووردار دەستپىكا
بوونەكا نوويە، و ب مرنى نەمانا ھەر و ھەر ناگەھتە مروقى، بەلكو ئەو ژ جىھانەكى دچتە
جىھانەكا دى يا بلندتر، و باووردار مرنى وەك قۇناغا قە گوھاستنى دەھژمىرت بەر ب نەمرى و ژينا
بەردەوامقە، لەو دەمى ئەو ھزرا مرنى دكەن ئەو يىزار نابن، تشتى ھندى دگەھىنت كو مروقى يى
ھاتىيە ئافراندىن دا بمىنت، نە دا بچت و نەمىنت، و مرن ب تنى مە ژ جىھانەكى دبەتە جىھانەكا
دى.

و ھزركرنا د مرنىدا ل نك باووردارى نە بۆ ترس و سەھمىيە، بەلكو ئەو بۆ زىدەكرنا كارىن چاكە،
دا ل رۆژا دووماھىيى خىر بگەھنە وى. ب قى چەندى باووردارى ب خودى و ئايىنن ئەسمانى، و ب
تايبەتى ئىسلامى، ھارىكارىيا مە دكەت كو ئەم د راستىيا مرنى بگەھىن، و وى بۆ خوە بگەھىنە
پالدرەكى مەزن كو ژينەكا باشتەر ل دىيى و ئاخەرتى بژين.

ئەنجامىن بۆچونا دويى:

۱- ئىكەمىن ئەنجامى قى بۆچونى ئەو دەرگەھى ھىقىيى قەدبت، و بى ھىقىبوون و رەشپىنى
ژ مروقى دىتە دووركرن.

۲- ئەو مروقى بۆ كار و چالاكى و كاريگەريى پالددەت، دا كو ژيانا خوە و يا جقاكى باشتەر
لى بکەت، و مروقى ب قى رەنگى ھىزەكا مەزن و ئىرادەيەكا ب ھىز و خىرەتەكا بلند بۆ جھىنانا
كاران دى ھەبت، و ئەو ھەست ب وەستىيانى ناكەت و خوەشپى ژ كارى دىنت، و ب ھەمى ھىز و
شيانا خوە ئەو خزمەتا خەلكى دى دكەت و كارى بۆ دلخوھشپى وان دكەت، چونكى ئەو دزانت كو
دووماھىيا وى يا خوەشە، و كارى قان رەنگە مروقان نە بۆ وان ب تنىيە، بەلكو بۆ ھەمى كورپىن
جقاكىيە.

۳- ژ شوونوارین دی یین قی بوچوونی ئەو باوەردار ژ مرنی ناترست، بەلکو ب کرنا کاری د ریکا خودیدا ئەو بو مرنی خوە ئامادە دکەت، و خوداپەرێس د قی دنیایدا دلخوەش دژین، بەلی ئەو دنیا یی ناپەرێسن، و ئەو مرنی حسیب ناکەن بەلایەکا مەزن؛ چونکی مرن بو وان کەسان بەلایە ئەوین ب بارەکی گرانێ گونەهانقە دزقەرە نک خودی، و رامانا قی ئەو نینە کو خوداپەرێس حەز ژ مرنی دکەن، چونکی خودایی مەزن مرووف ب قی رەنگی ئەئافرانیدیە، و ئەو ژ ژینی ژێ نارەقت، چونکی ئەو دزانت خودایی مەزن مرووف داییە دا ئەردی ئاڤا بکەت، و ئەو دوعایی ژ خودی دکەت کو ژییەکی درێژ بەدتێ د گەل ساخلەمیی و کاری چاک، دا هەتا دووماهییی ئەو بو خیر و دلخەشییا خوە و یا کەسین ل دەور و بەرین خوە ژێ بژیت، و خزمەتا وان بکەت، و ب پروویەکی گەش و دلەکی خوەشقە ل خودایی خوە بزقەرت.

ژ بەر قی چەندی ئیسلام دورست ناکەت کەسەک - ژ بلی ژنی ل سەر میړی - پتر ژ سی پۆزان ل سەر کەسەکی دی یی ب نیهار (شینی) بت، و ئەو کەسین ھندەک مرووفین وان دمرن دقیت ژیا نا خوە یا ئاسایی ببەنە سەری، چونکی ئیسلام نە ئەو ئایینە ئەوی حەز ژ مرنی دکەت، بەلکو ئەو حەز ژ ژین و دلخەشییی دکەت.

دەمی مرووفی باوەردار ژ مرنی نەترست، ھنگی ئەو دی شیت راستییان گەھینت و ئاشکەرا کەت، و ل بەر سنگی زۆرداران راوەستت، ب ریکا خەباتی پیخەمەتی بنەجھکرنا دادی و ئازادیی د ناڤەرا خەلکید.

پسپار:

- ۱- ئەنجامین بوچوونا دویی دیار بکە.
- ۲- کەنگی مرووف دی شیت راستیا نە گەھینت؟

جيھانا ئەقرو و بى ئاگەھى ژ پوژا دووماھيىي

پترييا مروڤان ل جيھانا مە يا ئەقرو باوهرى ب خودى و پوژا دووماھيىي ھەيە، بۇ نموونە: وەلاتەكى وەكى ئەمريکا ريژھيا باوهرداران پترە ژ (۹۰٪)، و ھەمى ئايىنن ئەسمانى ل سەر بناخەيى باوهرى ب خودى و پوژا دووماھيىي ھاتينە دانان.

بەلى پسيار ئەقەيە: ئەرى باوهرى ب پوژا دووماھيىي كار ل ژينا مروڤان كرىيە؟ و وان پسيار ژ خوە كرىيە كو ئەگەر پوژەك ھەبت ئەو تيدا رابنەقە و خودى حسيبي د گەل وان بکەت، دقيت ئەو چاوا بژين؟ و ئەف باوهرىيە دى چيى ژ ژينا وان گوھوړت؟

ب راستى ھەر چەندە گەلەك مروڤ باوهرىيى ب پوژا دووماھيىي دئینن و حاشاتيى لى ناکەن ژى، بەلى ئەو خوە ژى بى ئاگەھ دکەن، و ئەقە ھندى دگەھينت كو باوهرىيا ھندەك مروڤان نە ژ دليیە، لەو چو شونوارين وى ل ژيانا وان ديار نابن.

زانا ئەقرو پسيار دکەن: ئەرى بۆچ د گەل وى پيشکەفتنا زانستى و تەکنولۇژى يا مروڤى ب دەست خوەقە ئينايى ژى بەلى رەنگەكى نەھەقسەنگى و دلتنەنگيى د ژينا پترييا مروڤاندا ھەيە؟ بۆچ ب مليۇنان مروڤ برسى و بى مال دژين د گەل وان ھەمى خىر و بيړن ل ئەردى ھەين و کيم مروڤ مفايى ژى دبين؟ بۆچ ئەف ھەمى شەر و بازرگانىيا ب چەكى و مروڤى و ماددەيىن بى ھۆشکەر ھەيە؟

بۆچ دقيت ئەف ھەقركى د ژينا مروڤيدا ھەبن ل دەمى زانست و تەکنولۇژيائى؟ ئەرى ما ئەگەر نە بيئاگەھييا مروڤيە ژ پوژا دووماھيىي، يان لاوازييا باوهرىيا ويیە؟

قورئان ويئەيى ژينا ھندەك مروڤان بۇ مە بەرچاف دکەت كو ئەو نە ل ھيقييا ژينەکا باشتەرن ل ئاخەرتى، خودى ديژت: ((الَّذِينَ اتَّخَذُوا دِينَهُمْ لَهْوًا وَلَعِبًا وَغَرَّتَهُمُ الْحَيَاةُ الدُّنْيَا فَالْيَوْمَ نَنسَاهُمْ كَمَا نَسُوا لِقَاءَ يَوْمِهِمْ هَذَا وَمَا كَانُوا بِآيَاتِنَا يَجْحَدُونَ)) (الأعراف: ۵۱) ئانكو: ئەوين يارييان ب دىنى دکەن و دیدارا خودايى مەزن ژ بيرکرى، ئەو ژى پوژا دووماھيىي دى وان ژ بيرکەت، چونكى وان ل دنيايى باوهرى ب وان ئايەت و نیشانان نەدئينا.

قەكۆلان و ھزركرن:

۱- ھندەك مړوڅ ھەنە د گەل كو باوهریښی ب رږوژا دووماهیښی دئینن ژی، بهلی کاری بو ھندی ناکەن وی رږوژي سەرکەفتنی ب دەست خوە بیخن.

۲- ئەری ما بیئاگەھی ژ رږوژا دووماهیښی وەکی پشتدانا ژینا دنیاښی؟

۳- قان ئایەتان بخوونە، پاشی وی بوچوونی ئاشکەرا بکە ئەوا ئەف ئایەتە ل دۆر مرنی دگەھینن:

((فَأَرْسَلْنَا فِيهِمْ رَسُولًا مِنْهُمْ أَنْ اعْبُدُوا اللَّهَ مَا لَكُمْ مِنْ إِلَهٍ غَيْرُهُ أَفَلَا تَتَّقُونَ ﴿٣٢﴾ وَقَالَ الْمَلَأُ مِنْ قَوْمِهِ الَّذِينَ كَفَرُوا وَكَذَّبُوا بِإِيقَاتِهِ الْآخِرَةِ وَأَتْرَفْنَاهُمْ فِي الْحَيَاةِ الدُّنْيَا مَا هَذَا إِلَّا بَشَرٌ مِثْلُكُمْ يَأْكُلُ مِمَّا تَأْكُلُونَ مِنْهُ وَيَشْرَبُ مِمَّا تَشْرَبُونَ ﴿٣٣﴾ وَلَئِنْ أَطَعْتُمْ بَشَرًا مِثْلَكُمْ إِنَّكُمْ إِذَا لَخَاسِرُونَ ﴿٣٤﴾ أَيْعِدُكُمْ أَنْكُمْ إِذَا مِتُّمْ وَكُنْتُمْ تُرَابًا وَعِظَامًا أَنْكُمْ مُخْرَجُونَ ﴿٣٥﴾ هِيَئَاتِ هِيَئَاتِ لِمَا تُوعَدُونَ ﴿٣٦﴾ إِنَّ هِيَ إِلَّا حَيَاتُنَا الدُّنْيَا نَمُوتُ وَنَحْيَا وَمَا نَحْنُ بِمَبْعُوثِينَ ﴿٣٧﴾)) (المؤمنون: ۳۲-۳۷).

پیشیار:

۱- ل ژینه‌نیگارا ئیک ژ سەرکرده و خوداناسین مەزن بزقره، و بهری خوە بدی کانێ وان چاوا بهری خوە ددا ژین و مرنی؟

۲- ل شیرەتا سەرکرده‌یی شهید قازی موحه‌ممەد سەرۆکی کۆمارا کوردستانی بزقره، و بهری خوە بدی کانێ وی چاوا ھزر د مرنی و شه‌هیدبوونی‌دا دکر، وەك باوهرداره‌کی خەباتکەر د رێکا دابینکرنا مافین مللەتی خوە‌دا؟

به لگه يين هه بوونا ژينه کا باشت

ل جيهانه کا دی

گه له ک به لگه هه نه هندی دگه هینن کو ژیهانه کا باشت ل جیهانه کا دی هه یه، ئەوا دیژنی: رۆژا دووماهییی..

و ل سه ری دا ژ قورئانی دهست پی بکهین، دا بزاین کانی خودایی مه زن چاوا فی مه سه لی بو مه ناشکه را دکهت، خودایی مه زن دیژت: ((اللَّهُ لَا إِلَهَ إِلَّا هُوَ لِيَجْمَعَنَّكُمْ إِلَى يَوْمِ الْقِيَامَةِ لَا رَيْبَ فِيهِ وَمَنْ أَصْدَقُ مِنَ اللَّهِ حَدِيثًا)) (النساء: ۸۷) ئانکو: ژ خودی پیقه تر چو خودایین دورست نین، و ئەوه یی کول رۆژا رابوونی دی هه وه کۆم کهت، و ئەو د ژقانی خوه دا یی راستگویییه. هه ره وه سا دیژت: ((أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ ﴿١١٥﴾ فَتَعَالَى اللَّهُ الْمَلِكُ الْحَقُّ لَا إِلَهَ إِلَّا هُوَ رَبُّ الْعَرْشِ الْكَرِيمِ ﴿١١٦﴾)) (المؤمنون: ۱۱۵-۱۱۶) ئانکو: ئەری ههون هزر دکه ن کو مه ههون ژ قهستا ئافراندینه، و ههون نازقرنه نک مه؟ سه رفرازی و بلندی بو خودی ب تنی بن خودایی عه رشی بلند.

و دیژت: ((وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا بَاطِلًا ذَلِكَ ظَنُّ الَّذِينَ كَفَرُوا فَوَيْلٌ لِلَّذِينَ كَفَرُوا مِنَ النَّارِ ﴿٢٧﴾ أَمْ نَجْعَلُ الَّذِينَ آمَنُوا وَعَمِلُوا الصَّالِحَاتِ كَالْمُفْسِدِينَ فِي الْأَرْضِ أَمْ نَجْعَلُ الْمُتَّقِينَ كَالْفُجَّارِ ﴿٢٨﴾)) (ص: ۲۷-۲۸) ئانکو: ئەسمان و ئەرد و تشتی د ناچه ریډا مه ژ قهستا نه ئافراندینه، ئەو ههزرا بیباوه رانه، و چ خرابه حاله بو وان ده می ئەو بو ئاگری دئینه ئاژوتن، و ئەری ما ئەم وان یین باوه ری ئینای و چاکی کرین دی وهکی وان لی کهین یین خرابی د ئەردیدا کرین، یان دی ته قواداران وهکی گونه هکاران لی کهین؟

ئەف ئایه ته ئارمانجا هه بوونا مروقی ل سه ر ئەردی، و ئافراندنا ئەسمانان و ئەردی دکه ته به لگه ل سه ر هه بوونا رۆژا دووماهییی، ب پامانه کا دی: نه باوه ری ئینان ب رۆژا دووماهییی وهکی وییه مروف بیژت: چو مفا و ئارمانج د هه بوونا گه ردوونی و ژیانیدا نینه، و ئەو هه می هنده ک تشتین بیخیرن و هه ما ئەو ب خوه، خوه ب پیقه دهن، و گومان تیډا نینه هه ر مروقه کی دورست هزر بکهت فان گووتین بی بها ناییژت.

هزرکرن د نایه تاندا:

هزرا خوه د نایه تین بۆریدا بکه، و بهری خوه بدی کانې چ وانه و په یامی دگه هینن.

مه ژبی مړوقی و ژقانی پیغه مبه ران

دهمی مړوق دکه فته دهراقه کی ب ترس مه ژبی وی، وی لی هشیار دکهت و ژی دخوازت نهو خوه ژی بدهته پاش، بو نمونه: نه گهر تیله کا کاره بی یا رویس ب دیواری مالیتفه ههبت، و کهسهک مه بترسینت کو دهستی خوه بکهینی چونکی دبت کاره ب تیدا ههبت، نه دهستی خوه ناکهینی، ههر چهنده دبت نهو گوتن یا درست نهبت ژی، و ژینا دووماهی بی نهوا دبت بته جهی دلخوهشییه کا بهردهوام یان بهخترهشییه کا ههروهه، مهژی ژ مه دخوازت نهو ب مجدیشه وهرگرین، ل وی دهمی کو پیغه مبه ریڼ خودی همی یان بهری مړوقان داییه هندی کو وان باوهری ب ژینا دووماهی بی ههبت، چونکی باوهری ب رۆژا دووماهی بی پشکه کا ته مامکه ره بو باوهری ب خودی، و د قورثانا پیروژدا ب رهنگه کی رۆن و ناشکه را بهحسی رۆژا دووماهی بی دئته کرن، کو چو گومان د دلیدا نه مینت، و قورثانا پیروژ باوهری بی ب رۆژا دووماهی بی پشتی باوهری بی ب خودی دئینت.

هزرکرن:

دهمی نه دینین پیغه مبه ران - و نهو ژ همی مړوقان راستگوترن - بهحسی رۆژا دووماهی بی کریه، نهری چ بریارا درست هیه دقیت نهو وهرگرین، و ژ لای عهقلیشه چاوا سهردهری بی د گهل بکهین؟

رۆژا دووماهی بی ل بهردهستی دادیا خودای:

دادی ئیک ژ سالوخته تین خوداییه، و خودای مهزن دادوهه، و وی گهر دوون همی ل سهر بناخه بی دادی دانیه، و ژ بهر قی چهندي خودای مهزن سۆز داییه کو نهو دادی بکهت دا ههر کهسهک بارا خوه وهرگرت و مافی کهسی نهئته خوارن، و ژینا دنیای ب تبعه تی خوه نه جهی کارئینانا قی دادیا خوداییه، چونکی:

أ- ژییی مړوڅی کورته، و گهلهك مړوڅ هه نه هیشتا بهرهمی کارئ خوه نه دیتین وهغه ر دکه ن.
ب- گهلهك کار هه نه د شیان مړوڅیدا نینه، خیرا وان د دنیایدا بیته دان، وهکی: خیرا
شه هید بوونی.

ج- خیرا وی مړوڅی ئه وی گهلهك خزمه تا مړوڅان دکه ت، و ژ بهر کورتیا ژییی وی د دنیایدا بو
وی نائیته دان.

د- جزادانا وان که سین زورداری ژی ل خه لکی کرین، وهکی که سی گهلهك مړوڅ کوشتین، د قی
دنیایدا ب جه نائیته.

ه- ژ بهر زورداریا هندهك مړوڅان، رییا پیشکه قتن و سه رکه قتنی ل هنده کیڼ دی دئیته گرتن، و
گهلهك نه خوه شی دگه هته وان، و بو زانین ئه ف چهنده د دنیایدا ل سه ر وان حسیب نابت.
ژ بهر قی چهندي:

ئیك: مړوڅ نه سین د قی دنیایدا بهرهمی کارئ خوه ب دورستی وهرگرن.
دو: د شیان مړوڅیدا نینه، کو د دنیایدا بو وان که سان بیته به دهلقه کرن ئه وین زورداری لی هاتییه
کرن.

نينا نه لگه یان:

ل بهر سیبه را چهنده مه گوئی، پیدقییا هه بوونا ژینا دووماهییی ئه و ل سه ر بناخه یی دادییا
خودایی ئا فاکری، ب به لگه ئاشکه را بکه.

مالا دووماهییی

ئەری مروۆف پشتی مرنی ئیکسەر دچنە جیهانا دی، یان ھندەك قوناغین دی ھەنە دقیت ئەو تیرا ببۆرن بەری دەستی کرنا ژیانێ ل وی جیهانا دی؟ ئەری د وی قوناغیدا ئەوا پشتی مرنی دئیت مروۆفی بی ئاگە ھە یان نە؟

بەری ھەر تشتەکی دا بەری خوە بەدینە قی چەندی وەکی ئایەت بەحس ژێ دکەن، دا بزانی کانی مالا دووماهییی یا مروۆفی ل کێفەیه؟ و دی چ ئیتە سەری؟ و ھەلو یستی مروۆفان ژ قی چەندی چیە؟

۱- خودایی مەزن دیژت: ((حَتَّىٰ إِذَا جَاءَ أَحَدَهُمُ الْمَوْتُ قَالَ رَبِّ ارْجِعُونِ (۹۹) لَعَلِّي أَعْمَلُ صَالِحًا فِيمَا تَرَكْتُ كَلَّا إِنَّهَا كَلِمَةٌ هُوَ قَائِلُهَا وَمِنْ وَرَائِهِمْ بَرْزَخٌ إِلَىٰ يَوْمِ يُبْعَثُونَ (۱۰۰) فَإِذَا نُفِخَ فِي الصُّورِ فَلَا أَنْسَابَ بَيْنَهُمْ يَوْمَئِذٍ وَلَا يَتَسَاءَلُونَ (۱۰۱) فَمَنْ ثَقُلَتْ مَوَازِينُهُ فَأُولَٰئِكَ هُمُ الْمُفْلِحُونَ (۱۰۲) وَمَنْ خَفَّتْ مَوَازِينُهُ فَأُولَٰئِكَ الَّذِينَ خَسِرُوا أَنْفُسَهُمْ فِي جَهَنَّمَ خَالِدُونَ (۱۰۳) تَلْفَحُ وَجُوهُهُمْ النَّارُ وَهُمْ فِيهَا كَالِحُونَ (۱۰۴) أَلَمْ تَكُنْ آيَاتِي تُتْلَىٰ عَلَيْكُمْ فَكُنْتُمْ بِهَا تُكَذِّبُونَ (۱۰۵) قَالُوا رَبَّنَا غَلَبَتْ عَلَيْنَا شِقْوَتُنَا وَكُنَّا قَوْمًا ضَالِّينَ (۱۰۶) رَبَّنَا أَخْرِجْنَا مِنْهَا فَإِنْ عُدْنَا فَإِنَّا ظَالِمُونَ (۱۰۷) قَالَ اخْسَرُوا فِيهَا وَلَا تُكَلِّمُونِ (۱۰۸) إِنَّهُ كَانَ فَرِيقٌ مِّنْ عِبَادِي يَقُولُونَ رَبَّنَا آمَنَّا فَاغْفِرْ لَنَا وَارْحَمْنَا وَأَنْتَ خَيْرُ الرَّاحِمِينَ (۱۰۹) فَاتَّخَذْتُهُمْ سَخِرِيًّا حَتَّىٰ أَنْسَوْكُم ذِكْرِي وَكُنْتُمْ مِنْهُمْ تَضْحَكُونَ (۱۱۰) إِنِّي جَزَيْتُهُمُ الْيَوْمَ بِمَا صَبَرُوا أَنَّهُمْ هُمُ الْفَائِزُونَ (۱۱۱)) (المؤمنون: ۹۹-۱۱۱).

ئانکە: ھەتا دەمی مرن دگە ھتە ئیک ژ وان کافران، ئەو دیژت: خودایی من تو من بزقپنە دنیایی. دا بەلکو ئەز ل خوە بزقپم و کاری چاک بکەم. ئەو تشت بو وی نابت. و ھەما ئەو ئاخفتنە کە ئەو بو خوە دیژت، و د ناقبەرا وی و دنیاییدا پەردەیک ھەیک ناھیلت ئەو بزقپتە ھەتا رۆژا قیامەتی. دەمی بۆری ھاتە لیدان، و مروۆف ژ گۆرپن خوە رابوونە ھە، ھنگی شانازییرنا ب باب و باپیران یا وان د دنیایی دا دکر نابت، و کەس پسیری ژ کەسی ناکەت. و ھەچیسی خیری وی بوونە گەلەك و تەرازوویا کریاری وی پی گران بو، ئەو ئەون بە ھەشت ب دەست خوە ھە ئینایی. و ھەچیسی خیری وی د تەرازووی دا کیم بوون، و گونە ھین وی پتر لی ھاتن، ئەو ئەون، ئەوین زیان کرین و شەرمزار بووین، ھەروە ھەر دی د ئاگری دۆژەیدا بن. ئاگر پرووین وان دسوژت،

و ئەو تېدا ناچاقگريڻه، و بۇ وان دىئە گۆتن: ئەرى ما ئايەتېن قورئانى د دىيايدا بۇ ھەو ھەو نەدھاتنە خواندن، ھەو ھەو درەو پى دکر؟ ئەو دى بېژن: خودیو، ژ بى ئىغبالييا خوە ئەم د سەرداچووين، تو مە ژ ئاگرى بىنەدەر، ومە بزقرینە دىيایى، و ئەگەر ئەم ل گونەھى زقرین ئەو ئەم دھەژینە بىینە ئیزادان. خودى گۆتە وان: ھوون د ئاگریدا رەزىل بىین و من نەئاخېشن. نى دەستەكە ژ بەنیین من ھەبوون دگۆتن: خودیو، مە باوەرى ئینا قىجا تو گونەھىن مە بۇ مە قەشیرە، و دلوقانىیى ب مە بىه، و تو چىترىن دلوقانکاری. قىجا ھەو یارى بۇ خوە ب وان کرن، ھەتا ھەو زکرى من ژ بىرکرى، و ھەو ب وان دکرە کەنى. قىجا ژ بەر سەبرکیشانان وان ل سەر نەخوھشییى من ئەقرو جزایى وان کرە بەھەشت؛ و ئەون سەرکەفتى.

۲- و خودایى مەزن دىژت: ((إِنَّ الَّذِينَ تَوَفَّاهُمُ الْمَلَائِكَةُ ظَالِمِي أَنْفُسِهِمْ قَالُوا فِيمَ كُنْتُمْ قَالُوا كُنَّا مُسْتَضْعَفِينَ فِي الْأَرْضِ قَالُوا أَلَمْ تَكُنْ أَرْضُ اللَّهِ وَاسِعَةً فَتُهَاجِرُوا فِيهَا فَأُولَٰئِكَ مَأْوَاهُمْ جَهَنَّمُ وَسَاءَتْ مَصِيرًا (۹۷) إِلَّا الْمُسْتَضْعَفِينَ مِنَ الرِّجَالِ وَالنِّسَاءِ وَالْوِلْدَانِ لَا يَسْتَطِيعُونَ حِيلَةً وَلَا يَهْتَدُونَ سَبِيلًا (۹۸))) (النساء: ۹۷-۹۸).

ئانكو: ئەوین زۆردارى ل خوە كرىن دەمى فریشتە جانی وان دىستین، ب گەفكرنفە دىژنە وان: ھوون د مەسەلا دىنى خوەدا د چ حالدا بوون؟ ئەو دى بېژن: ئەم د ئەردى خوەدا لاواز بووين، و مە نەدشیا زۆردارىیى و ستەمى ژ خوە بدەینە پاش، قىجا فریشتە دى بېژنە وان: ئەرى ما ئەردى خودى بى فرەھ نەبوو كو ھوون دەرکەفنه ئەردەكى دى بى زۆردارى لى ل ھەو نەئىتەكرن؟ ئەوین ھە جھى قەھەویانا وان ئاگرە، و ئەو پىستىرین جھى لى زقرینیە. و ئەوین دىژار ژ مېر و ژن و زارۆكان یین كو نەشین زۆردارىیى و ستەمى ژ خوە بدەنە پاش، و چو رېكان بۇ خوە نابینن كو پى ژ نەخوھشییى قورتال بن، ئەو ناگەھنە قى دووماھىیا خراب.

۳- و خودایى مەزن دىژت: ((الَّذِينَ تَوَفَّاهُمُ الْمَلَائِكَةُ طَيِّبِينَ يَقُولُونَ سَلَامٌ عَلَيْكُمْ ادْخُلُوا الْجَنَّةَ بِمَا كُنْتُمْ تَعْمَلُونَ)) (النحل: ۳۲).

ئانكو: ئەوین چاك دەمى فریشتە جانی وان دىستین، دىژن: سلاڤ ل ھەو بن، ھەرنە بەھەشتى ژ بەر كاری باشى ھەو كرى.

۴- خودایى مەزن دىژت: ((فَوَقَّاهُ اللَّهُ سَيِّئَاتٍ مَا مَكُرُوا وَحَاقَ بِالْإِرْعُونَ سُوءُ الْعَذَابِ (۴۵) النَّارُ يُعْرَضُونَ عَلَيْهَا غُدُوًّا وَعَشِيًّا وَيَوْمَ تَقُومُ السَّاعَةُ أَدْخِلُوا آلَ إِرْعُونَ أَشَدَّ الْعَذَابِ (۴۶))) (غافر: ۴۵-۴۶).

ئانكو: خرابترين جزادان گەھشتە دەستەكا فيرعهونى، وهكى ئەو سپىدە و ئىقاران ب ئاگرى هاتينه
ئيزادان، و دەمى پوژا رابوونى دئيت خودايى مەزن فرمانى ددەت كو فيرعهون و دەستەكا وى
بچنە د دژوارترين پەنگىن ئىزايىدا.

پەياما نايەتان:

- ۱- مروقى، ل بەر مرنى ژى هشا مروقى د سەريدايه، و ئەو دئيت د گەل خودايى مەزن و
فريشتهيان باخفت، و بەرسقا پسارا وان بدەت.
- ۲- پشتى مرنى مروقى دچتە جيھانا بەرزەخى، كو قوناغەكە د كەفتە ناقبەرا مرنى و پوژا
رابوونىدا.
- ۳- پشتى مرنى مروقى د قوناغەكەيدايە دئيت د گەل فريشتهيان باخفت.
- ۴- چالاكيا مروقى يا لەشى ب روحيقە يا گريداييە، و دەمى روحا وى ژ بەرى فريشتهيانقە دئيتە
ستاندن، چو هيز د لەشى وى نامينت و چالاكيين وى ژى ب دووماهيى دئين، بەلى چالاكيين
روحى بەردەوام دمينن.
- ۵- قوناغا خەلاتكرنا باوەرداران و جزادانا كافران ل بەرزەخى دەست پى دكەت.
- ۶- جيھانا بەرزەخى وهكى قى جيھانى تخووبدايى نينه، و د شيانا مروقيدايه ئەو هەست ب ھندەك
تشتان بكەت كو پيشتەر هەست پى نەكرەت.

پسار:

- ۱- دنيا و بەرزەخ د چ تشتيدا وهكى ئىكن؟ و بەرزەخ و پوژا دووماهيى د چ تشتيدا وهكى
ئىكن.
- ۲- ئەو چ تشتە د گەل مروقى دچتە جيھانا بەرزەخى، و ژيقتە نابت؟

کارنامه‌يا مروفي ل به‌رزه‌خي

مروف ژ دنيايي بار دکهت، به‌لي شوونوارين وي دميين و ناچن، و کاری ل ژيانا مروقان پشتی وی دکهن، و پیغه‌مبه‌ری خودی (سلاف لی بن) د قی چهنیدا دیژت: ((من سن في الإسلام سنة حسنة فله أجرها وأجر من عمل بها إلى يوم القيامة، ومن سن سنة سيئة فعليه وزرها ووزر من عمل بها إلى يوم القيامة)) نانکو: هه‌چیي ریکه‌کا باش بدانت خیرا وی و خیرا هه‌ر که‌سی کار پی بکه‌ت بۆ وییه، و هه‌چیي ریکه‌کا خراب بدانت گونه‌ها وی و گونه‌ها هه‌ر که‌سی کار پی بکه‌ت ل سه‌ر وییه.

و ئەفه باوه‌رداری پال دده‌ت کو ئەو د گۆتن و کریارین خودا یی هشیار بت، و کاری بکه‌ت کو بته‌ جهی چاقلیکرنی و نیشانا باشیی و قیانا مروقان، و ببنه خودان ره‌وشته‌کی بلند، و کاری بۆ هندی بکه‌ت خه‌لکی وه‌کی خوه‌ لی بکه‌ت.

قورئانا پیروژ د چهن د نایه‌تاندا ناگه‌هدارییا مه‌ دکه‌ت کو مروف نه‌ ب تنی ژ وان کاران یی به‌رپسپاره‌ ئەوین ئەو ئیکسه‌ر پی رادبت، به‌لکو ئەو یی به‌رپسپاره‌ ژ شوونواری وان کاران ژ یی ئەو ل پاش خوه‌ ده‌یلت، و ئەفه وی رامانی دگه‌هینت کو باوه‌ردار دقیت کاری بکه‌ت کو چاکییین وی هه‌رده‌م گه‌ش بن، دا خه‌لك به‌حسی وی ب باشی بکه‌ت، و دا ئەو شوونوارین ئەو ب پاش خوه‌فه ده‌یلت بۆ وی ببنه ژیده‌ری سه‌رفرازیی ل دنيايي و ناخه‌تی. خودایی مه‌زن دیژت: ((إِنَّا نَحْنُ نُحْيِي الْمَوْتَى وَنَكْتُبُ مَا قَدَّمُوا وَآثَارَهُمْ وَكُلَّ شَيْءٍ أَحْصَيْنَاهُ فِي إِمَامٍ مُّبِينٍ)) (یس: ۱۲) نانکو: ئەم مرییان زیندی دکه‌ین، و ئەم شوونوارین وان ب پاش خوه‌فه هیلاين دنقیسین، و ئەو ل نک مه‌ د تۆماره‌کیدا دنقیسینه.

هه‌ر وه‌سا خودایی مه‌زن دیژت: ((يَبْنَؤُ الْإِنْسَانُ يَوْمَئِذٍ بِمَا قَدَّمَ وَأَخَّرَ)) (القيامة: ۱۳) نانکو: رۆژا دووماهییی دی بۆ مری ئیتته‌ گۆتن کانئ وی چ کرییه و چ ل پاش خوه‌ هیلايه.

دان و ستاندن:

ئەو چ كارن بەرى مرقى دچن، و چ كارن ژ شوونوارين وى دئنه هەژمارتن؟

پيشيار:

بەحسە ھندەك مرقين باش - ل گوندی خو، يان ل باژيری خو - بکە، کو شوونوارين باشييين
وان پشتی وان مابن و خەلک ھيشتا ب باشی بەحسە وان دکەن.

ئهنجام و بهرهمي كاري

د وانهيا بوريدا مه بهحسي پوژا رابووني و وان پروودانان كر يين تيدا چي دبن، و كانى چاوا خودى ب دادگهكرنا مروقان رادبت، دهمي شاهد دئنه بهرهمفكرن و تومارين مروقان بو وان دئنه دان.

و د قى وانهييدا، و وهكى ژ ئايهتين قورئاني دئنه وەرگرتن، دى بهري خوه دهينه ئهنجام و بهرهمي كاري مروقى ههتا ئه دگههته مالا خوه يا دووماهيى، دا وى پهيوهنديى بزانيه ئهوا د ناقبهرا كاري مه يى دنيايى و وى جزاييدا ههئى ئهوى ل پوژا دووماهيى بو مه دئنه دان. خودايى مهزن دييژت: ((وَسِيقَ الَّذِينَ كَفَرُوا إِلَىٰ جَهَنَّمَ زُمَرًا حَتَّىٰ إِذَا جَاؤُوهَا فَفُتِحَتْ أَبْوَابُهَا وَقَالَ لَهُمْ خَزَنَتُهَا أَلَمْ يَأْتِكُمْ رُسُلٌ مِّنْكُمْ يَتْلُونَ عَلَيْكُمْ آيَاتِ رَبِّكُمْ وَيُنذِرُونَكُمْ لِقَاءَ يَوْمِكُمْ هَٰذَا قَالُوا بَلَىٰ وَلَكِنْ حَقَّتْ كَلِمَةُ الْعَذَابِ عَلَى الْكَافِرِينَ ﴿٧١﴾ قِيلَ ادْخُلُوا أَبْوَابَ جَهَنَّمَ خَالِدِينَ فِيهَا فَبِئْسَ مَثْوًى الْمُتَكَبِّرِينَ ﴿٧٢﴾ وَسِيقَ الَّذِينَ اتَّقَوْا رَبَّهُمْ إِلَى الْجَنَّةِ زُمَرًا حَتَّىٰ إِذَا جَاؤُوهَا وَفُتِحَتْ أَبْوَابُهَا وَقَالَ لَهُمْ خَزَنَتُهَا سَلَامٌ عَلَيْكُمْ طِبْتُمْ فَادْخُلُوهَا خَالِدِينَ ﴿٧٣﴾ وَقَالُوا الْحَمْدُ لِلَّهِ الَّذِي صَدَقَنَا وَعْدَهُ وَأَوْرَثَنَا الْأَرْضَ نَتَبَوَّأُ مِنَ الْجَنَّةِ حَيْثُ نَشَاءُ فَنِعْمَ أَجْرُ الْعَامِلِينَ ﴿٧٤﴾)) (الزمر: ٧١-٧٤). ئانكو: ئهوين كوفرى ب خودى و پيغه مبهري كرين، كو مكو مه بو دوژههئى هاتنه هاروتن، و دهمي ئه دگههه دهرگههين دوژههئى بو دئنه فهكرن، فريشتههين دهرگههقان دييژنه وان: ئهري ما هندهك پيغه مبهري ژ ههوه ب خوه، بو ههوه نه هاتبوونه هنارتن ئايهتين خودايى ههوه بو ههوه بخوونن، و ههوه ژ سههما قى پوژى بترسينن؟ ئه دييژن: بهلى، بهس پهيقا خودى ب جه هات كو ئيزايا وى دى ب سهر كافراندا ئيت. قيجا بو كافران هاته گوتن: هوون د دهرگههين دوژهههيرا ب ژوركهشن و ههر و ههر تيدا بمينن، قيجا پيسه دووماهييه ئه دگههئى. و ئهوين تهقوايا خودايى خوه كرين و گوهداريا وى كرين، كو مكو مه بو بهههشتى هاتنه هاروتن، ههتا دهمي ئه دگههئى دى بينن دهرگههين وى فهكرينه، قيجا فريشته ب خيرهاتنا وان دكه، و ب كهيف و گرئينقه پيشوازيى ل وان دكه، و دييژنى: سلامهتيا ژ ههمى نهخهشييان بو ههوه بت، هوون دخهوش بن، قيجا هوون وهرنه د بهههشتيدا و ههر و ههر تيدا بن. و ئه دييژن: سوپاس بو وى خودايى ئهوى سوژا خوه د گهل مه ب جه ئينايى، و ئه ل ئهردى بهههشتى كرينه ميراتگر چ جهئى مه بقيت ئه لى ددانين،

قِيَجَا چ باشه خیره بۆ وان دئیته دان ئهوین د گوهارییا خودایی خوهدا قهنجی کرین. خودایی مهزن دییژت: ((وَنَضْعُ الْمَوَازِينَ الْقِسْطَ لِيَوْمِ الْقِيَامَةِ فَلَا تُظْلَمُ نَفْسٌ شَيْئًا وَإِنْ كَانَ مِثْقَالَ حَبَّةٍ مِنْ خَرْدَلٍ أَتَيْنَا بِهَا وَكَفَى بِنَا حَاسِبِينَ)) (الأنبياء: ۴۷) ئانکو: رۆژا رابوونی ئەم تەرازوویا دادییی ددانین، و کەسی هندی دنکه کی زۆرداری لی نائیته کرن، و ئەم بەسین کریارین وان بههژمیرین. خودییه رۆژا رابوونی کاری مروّقان هلسهنگینت، و ئەوه دادوهری دلۆقان و گونههژیبر، و ل دادگهها خودایی مروّف ب تنی د گهل کاری خوه ئاماده دبت. خودایی مهزن دییژت: ((وَالْوَزْنُ يَوْمَئِذٍ الْحَقُّ فَمَنْ ثَقُلَتْ مَوَازِينُهُ فَأُولَئِكَ هُمُ الْمُفْلِحُونَ)) (الأعراف: ۸) ئانکو: کیشان رۆژا رابوونی ههقه.

و تەرازوویا کاران ههقی و دادییه، خودایی مهزن دییژت: ((فَأَمَّا مَنْ ثَقُلَتْ مَوَازِينُهُ ﴿٦﴾ فَهُوَ فِي عِيشَةٍ رَاضِيَةٍ ﴿٧﴾ وَأَمَّا مَنْ خَفَّتْ مَوَازِينُهُ ﴿٨﴾ فَأُمُّهُ هَاوِيَةٌ ﴿٩﴾)) (القارعة: ۶-۹) ئانکو: ههچییه تەرازوویا کارین وی یین چاک یا گران بت، ئەو دی د ژینهکا خوهشدا بت کو ئەو پی رازی ببت، و ههچییه تەرازوویا کارین وی یین چاک یا سقک بت، دووماهییا وی دۆژهه.

۱- جهی گونههکاران:

پشتی دادگههکرن ب دووماهی دییت، دۆژهی کۆمکۆمه بۆ دۆژهی دیینه هاژۆتن، و ل ویری ئەو پهشیمان دبن، و ل سەر ژینا خوه یا وان ب قی رهنگی بۆراندی ئەو کۆقاندار دبن، قیجا ئەو دوعایی ژ خودی دکهن کو ئەو وان بزقپیننه دنیایی، دا ب رهنگهکی وەسا بژین کو بچنه بهههشتی، بهلی دهلیقه ژ دهست وان دهکەفت، و ئەو هیقی دکهن ئیزا ل سەر وان بیته سقکرن بهلی چو مفا د هیقییا واندا نینه.

ئەو باوهرداری قی دووماهییه دیینت خوه ژ یی ئاگهه ناکهت، لەو فەرە ل سەر گەنجان کار بکهن و گەنجینیا خوه ژ قەستا نهبۆرینن ب وان تشتانه ئەوین نه ل دنیایی و نه ل ئاخهرتی مفایی نهگههیننه وان، و دقیت ئەو خوه ژ کارین خراب بدنه پاش وهکی: قهخوارنا مهیی، و ماددهیین بیهۆشکەر، و کرنا قوماری، و زنايي، و درهوی، و دورپوویاتییی، و خاپاندنی، و گههاندنا نهخهشییی بۆ ههقال و هوگران و ههمی مروّقان، و دقیت ئەو ری نهدهنه کەسی کو وان ب کار بینن بۆ کرنا خرابی و ترساندنا مروّقان، چونکی خودایی مهزن عهقلی دایییه مه، و ئەم بهرانبهر خوه و مال و جفاکا خوه بهرپسیارین ژ وی کاری ئەم دکهین.

۲- جهی قهنجیکاران:

مروځین قهنجیکار بو بههشتی دئینه برن، و نهو پیشوازیی ل وان دکهت دهمی دگههن، و دهرگههین خوه بو وان قه دکهت، و مزگینی بو وان دئیتهدان کو سهرا باشییین وان ل دنیایی کرین نهو ههروهه دئ میننه د خوهشییین بههشتیدا، و نامرن، و دلخوهش دئ ژین، و ههه تشته کی دلی وان دخوازت بو وان ههیه، و چو خهم و کوڅان و نه خوهشی د بههشتیدا نینه.

دان و ستاندن د گهل خوه:

جاره کا دی هزرا خوه د خوهدا بکه، و ب لهز شیانین خوه یین ناخوهیی بیینه، دا لهزی د کرنا چاکیییدا ل قی دنیایی بکهی، کو پی بچییه بههشتی، نه خشهیه کی بو خوه بدانه دا پتر مفایی ژ شیانین خوه بیینی، دا بییه مروځه کی خیرخواز و قهنج. دان و ستاندن:

۱- بوچ شاهد ل پوژا رابوونی بهرههف دبن؟

۲- بوچ پوژا رابوونی زورداری ل مروځی نائیته کرن؟

قهکولان:

نهم چ ژ فان نایهتان تی دگههین؟ و کارلیکرنا وان ل سهه باوهرداری چیه؟

پشکا دویئ
پیناسه یه کا گشتی بؤ ئیسلامی

پيناسهيا ئيسلامى

أ- پهيداوونا ئيسلامى و هنارتنا پيغه مبهري (سلاف لى بن):

سهرهاتيا پهيداوونا ئيسلامى ب هنارتنا پيغه مبهري (سلاف لى بن) دهست پي دکهت، دهى خودايى مهزن تهو قورئان بو وى هنارتى، تهو ريباز و ريبهر دئته ههژمارتن بو ژينا موسلمانان، و مروقينىي هه ميبى ل هه مى دم و هه مى جهان، وهكى خودايى مهزن ديژت: ((الر كِتَابُ أَنْزَلْنَاهُ إِلَيْكَ لِتُخْرِجَ النَّاسَ مِنَ الظُّلُمَاتِ إِلَى النُّورِ بِإِذْنِ رَبِّهِمْ إِلَى صِرَاطٍ الْعَزِيزِ الْحَمِيدِ)) (ابراهيم: ۱). ئانكو: سووند ب قان ههر سى پيتان (أ، ل، ر) تهو پهياما بو ته هاتيه هنارتن بو رزگاريا مروقانه ژ تاريان بو روناھيى ب ئانهييا خودى، دا تو بهرى وان بديه ريكا وى خودايى تهوى سوپاسيا وى دئته كرن.

و خودايى مهزن سۆز داييه تهو قى پهيامى ههتا رۆژا دووماھيى پاريژت، و كهس نه شيت وى تيك بدهت، وهكى خودايى مهزن گوتى: ((إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ)) (الحجر: ۹) ئانكو: ئەمىن مه قورئان ئينا ييه خواري، و ئەمىن پاريژقاني وى، و د گهل قورئانى فەرمودهين پيغه مبهري ژى (سلاف لى بن) هه نه، ئەم شهريعه تى ئيسلامى ژى وهردگري.

و ئيسلام د گهل كو ئاينه، تهو پهيامه كا شارستانى و چاكسازيه ژى، و ژيدهرى زانستيه.

پيغه مبهري (سلاف لى بن) ژ نك خودايى مهزن هاتيه هنارتن، و تهو چاكسازه كى جيهانيه، و خودان پهيامه كا ئەسمانى يا مهزنه، و ل دهستيكا هنارتنا وى، مروقين نهزان و زۆردار بهرهنگارييا وى كر، چونكى وان نه دقيا پهريستا بوتان بهيلن، و ژ ئاليه كى ديقه زۆردار ژ داديا ئيسلامى دترسان، چونكى ئيسلام بهرى مروقان ددهته ئيكتاپهريسيى، و مروقى ب روح و له شقه ب خودايى ويقه گريدهت بى كو وى هه وجهيى ب دهستكاتيا كهسه كى دى ههبت. بهلى ئاينين دى وesa ب پيدقى دديت كو بوتەك يان كهسهك د ناچهرا مروقى و خوديدا ههبت دا مروق بگههت، و چونكى ئيسلام داخوازا ئازدكرنا مروقى و يهكسانيا د ناچهرا واندا دكهت، زۆردار و دهره بهگ و خودانين بهرژه و هنديان نهيارهتيا وى دكر، ههتا مهسهله گههشتيه شهر و جهنگان،

و ژ بهر کو پیغمبهري (سلاف لی بن) و په یاما وی بهر هقانی ژ هه ژار و سته ملیکرییان دکر، نهو نه چار بوو جهی ژ هه مییان شریتر ل بهر وی - کو مه که هه - بهیلت، و پشتی ههشت رږژان ژ چوونا ل بیابانی نهو ل (۱۶ ربیع ته لئه ووهلی) بهر انبه ر (۶۲۲/۱۱/۲۰ ز) گه هشته باژپړی مه دینه یی، و نهو دهرکه فتنه ب نافی (مشه ختوونی) دئیته ناسین، نهو دئیته هه ژمارتن روودانه کا دیروکی یا گرنګ د دیروکا ئیسلامیدا، چونکی نهو دئیته هه ژمارتن دهستیګ بو بنه جهکرنا ستوونین ئیسلامی، و ل سهر دهمی عومه ری کورپی خهتابی (خودی ژی رازی بت) نهو بوو دهستیګ بو سالنامه یا مشه ختی یا موسلمانان.

ب- پیناسه یا ئیسلامی:

ئیسلام نهو مرؤف خوه ب دهست خودیقه بهر دهت و وی ب تنی پهریست، و فرمانین وی ب جه بینت، و که سی بو وی نه که ته هه قشک د پهرستنیدا، و ئیسلام نهو دینه یی خودی بو مرؤقینییی هنارتی، و نهو ئایینه کی دی ژ بلی ئیسلامی قهبول ناکهت، و کی د ئایه ته کیدا هاتی: ((**إِنَّ الدِّينَ عِنْدَ اللَّهِ الْإِسْلَامُ**)) (آل عمران: ۱۹) ئانکو: ل نک خودی ب تنی ئیسلام ئایینه.

و ب قی چهندي ئایینن تهسمانی یین بهری هه می ئیسلام بوون، هه ژ دهمی نوحی و پیغمبه رین پشتی وی ئیبراهیم و ئیسماعیل و یوسف و موسا و عیسی، و هه می پیغمبه رین دی (سلاف لی بن)، نهو ئایینن نهو پی هاتین ئیسلام بوو، و وان بهری خه لکی دابوو گوهدانا فرمانین خودی و پهرستنا وی ب تنی.

ږامانا تایبهت یا ئیسلامی:

ئاستی تیگه هشتنا ملله تان ل دریژیا دهمی دهاته گوهارتن، و د گهل وهرارا مرؤقینییی ئاستی زانستی ژی بلند دبوو، و مرؤقی پیگاف بهر ب پیشکه فتنیقه دهاقیتن، لهو ل هه ر دهمه کی و بو هه ر جهه کی خودی پیغمبه ره ک دهنارت، و دهمه ک بو وی دهستینشان دکر، و چونکی وی دزانی دهمی مه دی بته دهمی زانست و ته کنه لوژیایی وی ئایینه کی پیکهاتی ژ هه می ره خانقه بو مه هنارت، و موعجزه یا وی قورئان و زانسته، و ئیکه مین ئایه تا قورئانی ب په یقا (اقراً) دهست پی دکهت. ژ بهر قی چهندي داخواز ژ دووکه فتیین ئایینن بو رین هاته کرن کو نهو ریکا قی ئیسلاما نوو بگرن، چونکی نهو ئایینن نوو ژ هه می ئالیانقه یی پیکهاتییه، و چو کیماسی تیدا نینن، و نهو

نه یی تایبه ته ب جهه کی یان ملله ته کیفه، بهلکو ئه و بو هه می ملله تانه بی جودایی، وهکی د گوتنا خودیدا هاتی: ((وَمَا أَرْسَلْنَاكَ إِلَّا رَحْمَةً لِّلْعَالَمِينَ)) (الأنبياء: ۱۰۷) ئانکو: ئه ف پیغمبه ره مه یی هنارتی دا بو جیهانی هه میی بته دلوقانی، له و ئه و ئایینی پیغمبه ره (سلاف لی بن) پی هاتییه هنارتن بو مروغان هه میانه بی جودایی، و ئه و کهسی ژ کهسی باشر نابینت، ریکا باشر دیتن و ب سه ر ئیختنا ملله ته کی ب سه ر ئیکی دی نه ل دوو ف رهنگ و نه ژادییه، بهلکو ل دوو ف ته قواداری و کاری باشه.

پسیار:

بوچ په یقا ئیسلام بو ئایینی بهری دئیته گوتن، ناقی وان یی دی چ بت؟

دان و ستاندن:

ئه ری په یوهندییا ناقی (ئیسلام) ب قیانا (سه لامی = ئاشتییی) فه چیه؟

گرنه گترین تایبه ته ندییین گشتی یین ئیسلامی

ئیک: خودایی (الربانیة):

ئانکو: تاینی ئیسلامی ژ سه ری هه تا دووماهییی ب پیکهاتا په یاما خوهفه ژ نک خودایی مه زنه، و خودایییا شه ریعه تی ئیسلامی ژ دو لایان فه ئاشکه را دبت:

۱- خودایییا ژیده ری په یامی:

رېبازا ئیسلامی و ئەو ئارمانجا هاتییه دانان بو گه هشتنا وی ئارمانجی، ژ به ری خودایی په روه رد گارقه ب ریکا وی قورئانی هاتییه دانان ئەوا وی بو پیغه مبه ری خوه (سلاف لی بن) هنارتی، ئەف په یاما ژ نک خودی هاتی یی کو ملله ته کی یان ئوو جاحه کی یان کۆمه کا ده ستینشان کری یان پارتیه کی ده ست تیدا هه بت، به لکو ئەو ب هه زکرا خودی هاتییه داریتن، و ئارمانج ژی، پۆنکرنا ریکیه به رانه ر مروق، و دلخوه شکرنا وییه، و ئەو ژ جوانی و دلوقانییا خودی ده رکه قتییه، وه کی د گوتنا خوداییدا هاتی: ((يَا أَيُّهَا النَّاسُ قَدْ جَاءَكُمْ بُرْهَانٌ مِّن رَّبِّكُمْ وَأَنزَلْنَا إِلَيْكُمْ نُورًا مُّبِينًا)) (النساء: ۱۷۴) ئانکو: گه لی مروقان نیشان و پۆناهیییه کا ئاشکه را ژ خودایی هه وه بو هه وه هاتییه.

۲- خودایییا ئارمانجان:

ئارمانجا ئیسلامی ژ گازییا خوه بو ژینه کا سه ربلند د قی دنیایدا ئەوه مروق ب خودایی خوهفه بیته گریدان و رازیبونا وی ب ده ست خوهفه بینت، و دقیت ئارمانجا مروق یا سه ره کی د ژینا دنیایدا ئەو بت ئەو خودی ژ خوه رازی بکه ت، وه کی خودایی مه زن دیژت: ((يَا أَيُّهَا الْإِنْسَانُ إِنَّكَ كَادِحٌ إِلَىٰ رَبِّكَ كَدْحًا فَمُلَاقِيهِ)) (الانشقاق: ۶) ئانکو: هه ی مروق تو ب ریکا که دا خوه، دی رازیبونا خودایی خوه ب ده ست خوهفه ئینی و گه هییی.

دو: مروځايڼی:

مهرم ب مروځايڼیې ټوه مروځی بهایه کی بلند و ریږگرتنه کا مهزن د قی ټایڼیدا ههیه، و هه می شهریهت و یاسا بو دلخوهشییا مروځی و دابینکړنا مافین وی هاتینه دانان. پیغه مبهری خودی (سلاف لی بن) وهکی مه مروځ بو، خودی قورتان بو وی ټینابوو خوارې و وی ټهو ب دهستپاکي گه هانده مه، و مروځ ټارمانجا سه ره کییه د په یامین هه می پیغه مبه راندا، ټهو ټیکه مین جار وی بو په رستنا خودی ب تنی داخواز دکهن، پاشی کاری بو هندې دکهن کو دادییې د ناقبه را مروځاندا بنه جه بکهن، و بهری وان بدهنه براییڼیې، و وان ژ زوردارییې ددهنه پاش، دا دلخوهش بږین.

گرنگترین بناخه یین ریږگرتنا مروځان د ټیسلامیدا:

۱- جیگرییا نه ردی (الخلاقه علی الأرض):

خودایې مهزن ریږ و بهایه کی بهرچاف دا مروځی ده می ټهو ب جیگری ل ټهردی دانایی، و ژی خواستی ټهو ټهردی ټاقا بکته، و ژ بهر قی چهندي وی عه قل و زانین دایی، و ټهو ب سهر فریشته یان ټیخست.

۲- ټافراندن ب جوانترین رهنگ:

خودایې مهزن مروځ ب جوانترین رهنگی ټافراندا، و وینه یې وی ژ یې هه می چیکرییان باشر لی کر، وهکی وی گوټی: ((لَقَدْ خَلَقْنَا الْإِنْسَانَ فِي أَحْسَنِ تَقْوِيمٍ)) (التین: ۴).

۳- روحا مروځی د له شیدا ژ خودییه:

وهکی خودایې مهزن دیږت: ((فَنَفَخْنَا فِيهِ مِنْ رُّوحِنَا)) (التحریم: ۱۲) و مروځ ب قی چهندي ب بها کهفت، و ټهو دشیټ ب ساناهی په یوهندییې د گهل خودی بکته، ټه گهر ټهو روحا خوه ب گونه هان قریږی نه کهت.

۴- بنده سترکنا چیکرییان بو مروځی (تسخیر المخلوقات):

خودایې مهزن دیږت: ((وَسَخَّرَ لَكُم مَّا فِي السَّمَاوَاتِ وَمَا فِي الْأَرْضِ جَمِيعًا مِنْهُ إِنَّ فِي ذَلِكَ لَآيَاتٍ لِّقَوْمٍ يَتَفَكَّرُونَ)) (الجاثیه: ۱۳) ټانکو: هر تشته کی ل ټهسمانان و ټهردی وی بندهستی هه وه کرییه..

و ئەقە ژى ژ قەدرگرتنا خودييه بۆ مروڧى، دا ئەو ب دلخوھشى ل سەر ئەردى بژىت، و بشىت خودايى خوە بپەريست، و خودى ئەسمان و ئەرد ژ بەر وى ئافراندىن، ب تايبەتى ئەرد ئەوى ب ھەمى قەنجىيان ھاتىيە خەملاندن دا مروڧ ب خوەشى ل سەر بژىت و وى ئاقا بکەت.

۵- پارازتتا کەرامەت و مال و نامووسا مروڧى:

ئىسلام گىرنگىيى ددەتە پارازتتا کەرامەتا مروڧى، و ئەو خوون و مال و نامووسا وى ھەرام دکەت، نە ب تنى ل دىيائى، بەلکو پىشتى مرنا وى ژى ئەو بەھايى ددەتتى، دەمى پىغەمبەر (سلاڧ لى بن) دىيژت: ((شکاندنا ھەستىيى مرى وەكى شکاندنا ھەستىيى ويىە دەمى يى زىندى)).

۶- مروڧ ھەمى وەكھەڧ و يەكسانن بەرانبەر شەرىعەتتى:

ب دىتتا شەرىعەتتى ئىسلامى مروڧ ھەمى وەكى ئىكەن، و چو خودايى د ناڧبەرا واندا نىنن ژ بەر رەنگى يان نەتەوھىي، و خودايى ب تنى ل سەر بناخەيى تەقوايى و کارى چاکە، پىغەمبەر (سلاڧ لى بن) دىيژت: ((ھوون ھەمى ژ ئادەمىنە، و ئادەم ژ ئاخىيە)). و دەمى قانۇنەکا ئىسلامى بۆ جزادانا گونەھکاران دىئتە دانان، چو خودايى د ناڧبەرا مروڧاندا نائىتەکەرن، و کەس نەشىت ژ بەر ئايىنى خوە يان نەتەوھىي خوە ژ جزادانى قورتال ببت.

سى: گىشتگرى و جىھانپوون:

گىشتگرى و جىھانپوونا ئىسلامى ژ ڧان خالان ئاشکەرا دبت:

۱- ئەو پەياما خودى بۆ پىغەمبەرى خوە (سلاڧ لى بن) ھنارتى بۆ گىشت مروڧانە ل سەر ئەردى ھەتا رۆژا رابوونى، و ئەڧ پەيامە بۆ نەتەوھىيەكى ب تنى نىنە، بەلکو بۆ ھەمى نەتەوھىيە و مللەت و كىشورەنە، و د ئىسلامىدا مللەتتى خودى يى ھلبژارتى نىنە، و خودايى پەروردگار ب چاڧى يەكسانىيى بەرى خوە ددەتە ھەمى مللەتان، ئەو ھەمى ژ ئىك ھىڧىيىنە، وەكى خودايى مەزن دىيژت: ((وَمَا أَرْسَلْنَاكَ إِلَّا كَافَّةً لِّلنَّاسِ بَشِيرًا وَنَذِيرًا وَلَكِنَّ أَكْثَرَ النَّاسِ لَا يَعْلَمُونَ)) (سبأ: ۲۸) ئانكو: ھەمى موخەممەد، مە تو بۆ ھەمى مروڧان ھنارتى..

۲- شەرىعەتتى ئىسلامى ھەمى ئالىيىن ژىنا مروڧى قەدگرت، د ھەمى قۇناغاندا، و ئىسلامى سىستەمەك بۆ ژىانا مروڧى ھەمىيى دانايىيە، ھەر ژ دەمى بوونا وى و پىشتى مەزن دبت و ھەتا پىراتىيى و مرنى ژى، بەلکو بۆ پىشتى مرنى ژى دەمى ئەو دچتە بەھەشتى يان دۆژەھى.

پسپار:

ژ بلی فان خالین بوری، ریژگرتنا ئیسلامی بو مروقی د چ دایه؟

دان و ستاندن:

خودایی مهزن ریژ ل مروقی گرتییه چ میر بت چ ژن، بهلی ئەم دینین گەلەك جاران ژن
ب دیتنه كا نزم دئیتە دیتن، و زۆرداری لی دئیتە کرن، و مافین وی دئینه خوارن، و ئەقە دژی
ئیسلامییه، ئەف هەقدژییه د ناڤهرا ئیسلامی و واقعی مروقاندا دقیت بیتە چاره کرن.

چار: ناقنجیاتی:

تایینی ئیسلامی تایینه کی ناقنجیه، ئانکو: ئەو دژی توندکارییی و خەمسارییی، و ناقنجیاتییی گەلەك رەمانین خوە د ئیسلامیدا هەنە، وەکی:

۱- ئیسلام د دەستنیشانکرنا ماف و ئەرکاندا شەریعەتەکی دادوەرە:

د قی واریدا پیغەمبەری خودی (سلاف لی بن) دیژت: ((إِنَّمَا أَهْلَكَ الَّذِينَ مِنْ قَبْلِكُمْ أَنَّهُمْ كَانُوا إِذَا سَرَقَ فِيهِمُ الشَّرِيفُ تَرَكُوهُ، وَإِذَا سَرَقَ فِيهِمُ الضَّعِيفُ أَقَامُوا عَلَيْهِ الْحَدَّ، وَأَيُّمُ اللَّهِ لَوْ أَنَّ فَاطِمَةَ بِنْتَ مُحَمَّدٍ سَرَقَتْ لَقَطَعْتُ يَدَهَا)) ئانکو: ئەوین بەری هەو هاتنە تیبرن چونکی دەمی مەزنەکی ژ وان دزی کربا، وان ئەو دەیلا، و دەمی هەزارەکی دزی کربا، وان دەستی وی دبری، و ئەز ب خودی کەمە ئەگەر فاتمایا کچا موخەممەد دزیی بکەت ئەز دی دەستی وی بڕم.

۲- ئیسلام تایینه کی راستە و چو خواری تیدا نین:

ئەسلا م رێکەکا دورستە، و یا دوورە ژ گومانێ، بەری مروفی ددەتە رێکەکا گەش یا ل دنیا یی دلی وی خوەش دکەت، و ل پوژا دووماهییی جەیی وی دکەتە بەهەشت.

۳- ئیسلام هەمی خیرە و کاری چاک و راستگویییه:

خودایی مەزن دیژت: ((كُنتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ . . .)) (آل عمران ۱۱۰) ئانکو: هوون باشتەین مللەتن بو مروقان هاتینەدان، چونکی هوون فەرمانا ب باشیی ل مروقان دکەن، و بەری وان ژ خرابیی ددەنە پاش.

۴- ئیسلام تایینه کی ناقنجیه د باوهری و پەرستنیدا، و بارا پتر ژ تشتان تیدا حەلالن، و تشتین حەرەم کیمن.

۵- ئیسلام تایینی ناشتی و برایینی و پیکفەزانییه د ناف تایین و مللەتاندا.

پېنځ: واقعیه ت:

ئیسلام دینه که بۇ مروّقی هاتییه خوارى، و ئەو هەمى کاودانین مروّقی بهرچاف وەردگرت، و د گەل خورستییا وی دگونجت، و بۇ دلخوشتییا مروّقی هاتییه، و گرنگیی ددهته هەز و دلچوونین وی و ریکى ددهتی کو ئەو وان ب ریکه کا حەلال تیر بکەت، و بهرانبهرفى چەندى ئەو ژى دخوازت کو ئەو خوه ژ خرابى و کارین حەرام بدهته پاش دا زیانى نه گەهینته خوه و جفاکا خوه.

شەش: ساناهى و ئاشکەرایى:

تشتى ئیسلامى ژ ئایین و بۇچوونین دى جودا دکەت ئەو ئیسلام ئایینه کى ساناهى و ئاشکەرایه، هەر کەسەك ئە گەر ئاستى وی چەند ژى بت ب ساناهى تی دگەهت، ئەو ئایینه که بهحسى ئىك خودایى دکەت، کو پیدفیه مروّف بپەریست و داخوازا هاریکاریى ژى بکەت. و ئەو هەمى تشتین نه بهرچاف و غەیبى یین ئیسلامى بهحس ژى کرین وهکی سالوخته تین خودى و بههشتى و دۆژهه، هندەك تشتن مروّف ب ساناهى تی دگەهت، چونکی ئەو ئاشکەرانه.

پیشیار:

هندەك نمونەیان ل سەر واقعیه تا ئیسلامى بینه.

پسیار:

نافنجیاتیا ئیسلامى چ رادگەهینت؟

دان و ستاندن:

ئیسلام ئایینه کى جیهانییه و نه یى مللەته کى ب تنیه، ئەرى په یوهندییا قى چەندى ب وهکەه قى و یه کسانیا د ناقبەرا مروّف و مللەتاندا چیه؟

تېگه هی په رستن د ئیسلامیدا

په رستن د ئیسلامیدا دهربرینی ژ هندی دکهت مروږ د هه می کار و کریارین خودا بهری خوه بدهته خودی، و ب دلی خوه و حه ژیکرنقه خوه بیخته بن شهریه تی وی، بو هندی کو خیر ب دهستقه بیت و خودی ژی رازی بیت و بچته بهه شتی، و خوه ژ جزادانی بیاریزت و ژ دوژدهی قورتال (رژگار) بیت.

ستوونین ئیسلامی:

ئیسلامی هندهک ستوونین گرنګ هه نه، ب ریکا وان ئیسلام ب جه دئیت، و مروږ دشیت گوهداریا خوه بو خودی بهرچاڅ بکهت.

ستوونا ئیکې: شاهده دان:

کو بیژت: (اشهد ان لا اله الا الله واشهد ان محمدا رسول الله) ئانکو: ئەز باوهر دکهم کو ژ بلی خودی چو خودایین راست نین، و موحه ممهد پیغه مبهری ویه.

گوټنا (لا اله الا الله) رامانا وی ئه وه تو باوهرییی ب مهزنییا خودی بیتی، و ئه و ب تنی هیژایی په رستنیه، و ئه وه یی چیکی فەرمانا وی ب جه دئین، و ئه وه ژین و مرن د دهستیدا. و گوټنا (محمد رسول الله) رامانا وی ئه وه ته باوهری هه بت کو موحه ممهد (سلاف لی بن) پیغه مبهره که ژ نک خودی بو هه می مروږان هاتییه هنارتن، و ئه و مزگینییی ددهته دووکه فتییین خوه، و گه فی ل وان دکهت یین گوهداریا وی نه کهن، و پیغه مبهری (سلاف لی بن) دقیت مروږینییی ژ زورداری و تارییی دهریخت و بهر ب پژگاری و بلندی و رازیوونا خودیقه بیهت.

قورئانا پیروژ ژ لایی خودایی مهزنقه هاتییه خواری، و ئه و دووماهی کتیبه ژ نک وی هاتی، و ئه و ریبازه کا پیکهاتییه بو بهخته وهرییا ژینا مروږان هاتییه، و بهری مروږان ددهته کاری چاک و رهوشتی باش، دا کو ب دلرعه تی بژین، و ل سهر موسلمانن ئه وه باوهرییی بینت کو موحه ممهد (سلاف لی بن) دووماهی پیغه مبهره یی کو دقیت مروږ چاڅ لی بکهن و ل سهر ریکا وی بچن.

ستوونا دوین: نقيژ:

نقيژ پهيوهندييه كه د ناقبهرا مروقي و خودايي ويدا، پوژي پينج جاران نهو دتيتهكرن، و هر نقيژهكي ركاعت و دهمي خوه يي دهستنيشانكري هيه، و مروف بهرانهر پوگههي (قيلبي) رادوستت بو كرنا نقيژي.

و ژ مفايين د نقيژيدا هين، نهو مروقي لاواز و ههژار ب خودايهكي ب هيژ و خودان شيان و دهولهمنده دتيته گريدان، و نقيژ ل هندهك دهمين دهستنيشانكري وي ژ مژوولييښ ژياني قورتال (پزگار) دكوت و خودي ل بيرا وي دتيتهفه، دهمي نهو بهري خوه ددنه خودايي خوه يي گونههژير و دلوقان دا گونههين وي ژي بيهت، و هاريكارييا وي بو سهركهفتني د ژيانيدا بكهت: ((الْحَمْدُ لِلَّهِ رَبِّ الْعَالَمِينَ (۲) الرَّحْمَنِ الرَّحِيمِ (۳) مَالِكِ يَوْمِ الدِّينِ (۴) إِيَّاكَ نَعْبُدُ وَإِيَّاكَ نَسْتَعِينُ (۵)) (الفاتحة: ۲-۵).

نقيژ پهيوهندييه كه د گهل خودايي مهزن و ب هيژ و راستگو، هيژي ددته دلي و پهحيتيبي ددته نه فسي، و پيغهمبهري خودي (سلاف لي بن) هر جارهكا نهخوشييهك ب سهردا هاتبا دگوته بيلال: مه ب نقيژي پهحيت بكه.. خودايي مهزن ديژت: ((وَأَقِيمُوا الصَّلَاةَ وَآتُوا الزَّكَاةَ وَارْكَعُوا مَعَ الرَّاكِعِينَ)) (البقرة: ۴۳) ټانكو: هوون نقيژي بكه و زهكاتي بدن، و د گهل نقيژكهرا نقيژي بكه. و پيغهمبهري (سلاف لي بن) د گوتهكا خوهدا ديژت: ((ژ قي دنيايا هوه، بينين خواهش و ژن ل بهر من هاتنه شرينكرن، لي پوناھيا چاڅين من، نقيژه)).

و كرنا نقيژي ب دورستي نه فسا خوداني خوه پهحيت دكوت، ههتا هست ب هاريكارييا خودي بكهت، و ژياني ب پهنگي وي يي جوان ببينت، و هست ب سهركهفتني د كارين خوه دا بكهت، و ژ ناستهنگين ژيني دهباز ببت.

ستوونا سيي: زهكات:

و نهو دهرنيخستنا پشهكا مالييه سالانه، و ل دووف شهريعتي نهو ژ پيژهيا (۲۵٪) دهست پي دكوت و ژ (۱۰٪) نابورت، و مالي زهكاتي بو هندهك كه سين دهستنيشانكري دتيته دان، وكي كه سين ههژار و بهردهستي وان تنگ، يان ژي بو ب جهينانا هندهك پوژهين گشتي دتيته دان وكي: پارازتنا وهلاتي ژ نهياران، يان چاكسازي و خزمهتين گشتي بين مفايي وهلاييان تيډا، و نهفه دبه نه گهرا پهيداكرنا بهرژهوندييه كا مهزن ل سهر ناستي تاكهكس و جفاكي، وكي پهيداكرنا

رهنگه كې چاڭدېرېيا جفاكى، و بهلاڅكرنا گيانې ځيان و هاريكارييې د ناقبه را كورپن جفاكيدا، و نه هيلانا دياردهيېن كرېت د ناف جفاكيدا، وهكي دلره شي و قهلسيې..

ستوونا چارې: رۆزى:

ئەو ژى رهنگه كې پهرستنييه، و مهرهم پې ئەوه مروڤ ژ بانگې سپيډى هەتا رۆژئاقايې خوه ژ هندەك تشتين حەلال بدەته پاش، وهكي: خوارن و قەخوارنې، ل هەيقا رەمەزانې. خودايې مەزن ديژت: ((يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ)) (البقرة: ۱۸۳).

مفایین رۆژیيې:

- ۱- ئەو مروڤى فيرى بينفرههييې دكەت ل سەر برس و تينيبوونې.
- ۲- گەلەك مفایین ساخلهمييې ژى تيدا هەنە، وهكي: قورتالبوون ژ ژهرداربوونې، سلامهتيا ئەندامین لهشى وهكي گەه و دەماران، و هتد..
- ۳- پاڅرکنا دلى و ئاڅاكرنا وى ب باوهرييې و ترس و ځيانا خودې.
- ۴- پاڅرکنا مروڤى ژ گونههان، ځيجا ئەو هەست ب خوهشى و رەحهتيا دلى دكەت.

ستوونا پېنجى: حەج:

ئانكو: چوونا مالا خودې ل مەكههې بۆ جهئنانا ځي ستوونې، ل دەمه كې دهستنيشانكرى ل سالى، و ئەو جارهكا ب تنى د ژيىي مروڤيدا فەرە، و ئەو رېبازا پيغه مبهري خودې ئىبراهيميه (سلاف لى بن) موسلمان هەر سال نوو دكەنه قە. حەج گۆنگرهيه كې سالانهيه، موسلمان ژ هەمى لايین دنيايې و ژ هەمى رهنگ و مللهتان لى كۆم دبن، بير و بۆچوونان ل دۆر گرفتاريين جيهانې يين مەزن پيک دگوهورن، و ب ځي چەندې پەيوەندى د ناقبه را مللهتين موسلماناندا پەيدا دبن، و ځيان و هاريكاري زيده دبت، و ئەو مفايى ژ شيرهتين ئيكدو دبينن، و ئاگەهدارى سەروبهري موسلمانان دبن ل جيهانې.

پسپار:

بۆچ ديژنه ځان ستوونان (ستوونين ئيسلامى)؟

تيگه هي موسلمانكرنى

موسلمان نه وه يي باوهري هبت كو خودايه كي ب تني ههيه، و موحه ممه د (سلاف لي بن) پيغه مبهري وييه، و ب قى چهندي نهم دشين پهيوهنديا موسلمانان ب ئيسلاميته ل سهر دو پشكان ليكته بكهين:

ئيك: ئيسلاما سهرقه سهرقه:

ئانكو: ئيسلاما بهرچاق، يا وesa كو باوهري نه چووبته د كووراتييا دليدا، و كاره كي بهرچاق ل زين و رهفتار و ههقبهنديين (پهيوهنديين) مروقي يين جفاكي نه كريت، چونكي موسلمانهتيا وي تشته كي ب سهرقيه، و وي ئيسلام وهك چاقليرنه كا كوره ژ پيشييين خوه وهرگرتيه، و نهف رهنكي موسلمانان نه شين مفايي بو خوه ژ بير و باوهر و بهايين ئيسلامي وهرگرن، و نهو ژ كاكلكا ئيسلامي زربارن، و ژ ئالييي دهررونيقه نهو چو خوهشييي ژ پهرستنا خودي نابيين، و ب ساناهي نهو بهر ب كرنا گونه هانقه دچن، و قيانا خودي د دليين واندا لاوازه، و نهو گرنگيي نادنه رؤزا دووماهييي.

دو: ئيسلاما ب باوهري:

نهو موسلمانن باوهرييا خوه ل سهر بناخهيه كي موكم و تيگه هشتنه كا دورست ئاقا كريت، و ژيانا خوه ل دوووف شهريعتي خودي ب ريئه ببهت، نهوه باوهرداري دورست، و نهف تيگه هشتنهيه ديژني: باوهري، و نهو موسلمانن ب قى رهنكي ب هيژ پهيوهندي د گهل خودايي خوه هبت، و شهريعتي وي ب كار بينت، نهوه ديژني: باوهردار.

و ب قى چهندي بو مه ئاشكهرا دبت كو باوهر پيكه كا بلندتره ژ ئيسلامي، چونكي نهو باوهرييه كا راستگو و هشياره ب ئيسلامي، و ب ريكا رهوش و پهيوهنديين جفاكي و پهرستنن وي كارقه دانهيا خوه ل سهر ژيانا رؤژانه يا مروقي ههيه.

قورئانا پيروژ قان هەردو پيكان ب پەنگەكی باش بو مە ئاشكەرا دكەت، دەمی ئاشكەرا دكەت كو خودایی مەزن ژ موسلمانى دخوازت ئەو ل پيكا دوییەت، ئانكو: ببتە باوەردارەكی پیگیر ب فەرمانین خودیقه، و نه موسلمانەكی سەرڤەسەرڤەت، و بیئاگەهەت ژ قانون و بناخەیین شەریعەتی، و ب دیتنا قورئانی موسلمانى دورست نازادە د هلبژارتنا ئایینی و گوهداریا خودایی خوهدا، و ئەو ب دلی خوە قی چەندی دكەت، خودایی مەزن بەحسی موسلمانەتیا پیغمبەری خوە ئیبراهیمی (سلاف لی بن) دكەت، و دیژت: ((إِذْ قَالَ لَهُ رَبُّهُ أَسْلِمَ قَالَ أَسْلَمْتُ لِرَبِّ الْعَالَمِينَ)) (البقرة: ۱۳۱) ئانكو: دەمی خودایی وی گوئی: موسلمان ببە، وی گوئ: ئەز بو خودایی هەمی چیکریان موسلمان بووم.

هۆسا قورئان بەحسی موسلمانى دورست دكەت، و باوەریا تەمام و بی دەغەل بو وی دخوازت، ئەو باوەریا ل سەر بناخەیی تیگەهشتن و هشیاریی ئاڤاڤەری، و پەفتار و کاری وی یی رۆژانە پەنگەهەدانا باوەریا وی بت.

ئیسلام ئایینەكە بەختەوهریا دنیایی و ئاخەتی بو مروقی دقیت، چونکی ئەو پەيامەكە بو بەختەوهریا مروقی هاتییه، و دا بەری وی بەدەتە ریکا چاکیی، و وی ژ ریکا خراب و سەرداچوونی دوور بیخت، پیغمبەر (سلاف لی بن) دیژت: ((إِنَّمَا بُعِثْتُ لِأَتَمِّمَ مَكَارِمَ الْأَخْلَاقِ)) ئانكو: ئەزی هاتیمە هەنارتن، دا سنج و رەهشتین باش تەكووز (تەمام) بكەم.

جه و سالوخته تين گه نجى موسلمان

- قوناغا گه نجينيى قوناغه كا گرنگه د ژينا مروقيدا، و ب ديتنا ئيسلامى ژى وي گرنگيه كا تاييهت ههيه، لهو ب رهنكه كى تاييهت ل فيري ئهم دى ئامارهيى پى دهين:
- ۱- دقيت گه نجى موسلمان دله كى پاقر ههبت، و خودانى رهوشته كى پاك و بلند بت، و بو سنج و رهوشتان ژى، پيغه مبهري (سلاف لى بن) بو خوه بكهته جهى چاقليرنى.
 - ۲- دقيت گه نجى موسلمان باوهرييه كا موكم ههبت، و قيانا خودى د كووراتييا دلى ويدا بت، و ب دلياكى خودى پهرست، و فه رمانين وي ل ئهردى نهدهت.
 - ۳- دقيت گه نجى موسلمان ئيسلامى باش بزانت، و ديندارييا وي ب تيگه هشتن وعه قله كى فه كرى بت، دا بشيت خزمهتا بنه مال و جفاك و ملله تى خوه بكهت.
 - ۴- دقيت گه نجى موسلمان يى دهه مهنپاقر و خودان رهوشته كى بلند بت، و خوه ژ گونه ه و سهرداچوونى بپاريژت، و بهر ب فه خوارن و كارئينانا ماددهيين بيهو شكهر و مهى و جگاره كي شانيقه نهچت، چونكى ئه و زيانى دگه هيننه ساخله مييا مروقى، و ژ بلى هه راميى ژى، كاره كى خراب ل ژيانا مروقى و بنه مالى و جفاكى دكه ن.
 - ۵- دقيت گه نجى موسلمان خودان كه سينييه كا هه قسه نگ و ره حهت و خوه راگرتى بت، و خوه ژ وان هه مى تشتان بدهته پاش يين كارى ل كه سينييا وي دكه ن.
 - ۶- دقيت گه نجى موسلمان كه سه كى كاريگهر و چالاك بت، و بهرنامه و پلانه كى بو ژينا خوه بدانت، دا پيگافين خوه ب دورستى بهر ب پاشه روژيقه بهاقيژت.
 - ۷- دقيت گه نجى موسلمان د سه رده رييا خوه دا د گهل دهيبايين خوه نمونه يى ريژگرتن و قيان و دلوقانيى بت، هاريكاريا وان بكهت، و دلى وان نه هيلت، و فه رمانين وان ب جه بينت، و پشته قان و دلسوزى وان بت.

- ۸- دقيّت گەنجى موسلمان وەسا د دنيايى بگەھت كو جھى تۆچچاندنييه بۆ ئاخرەتى، و ژيانا دنيايى دەليقەيەكە بۆ پەرستىن و كارى چاك و ھاريكاري و دلسۆزى و كاركرنى بۆ چوونا بەھەشتى.
- ۹- دقيّت گەنجى موسلمان يى دلسۆز بت بۆ گەل و مللەت و ۋەلاتى خوە، و ھەز ژ كوردستانى بکەت، و كارى بۆ ئاڤاكرن و پيشكەفتنا وى بکەت.
- ۱۰- دقيّت ئەو دەمى خوە ب تىشتى بيمفاڤە نەبۆرىنت، و باش بخوونت و فيربوونى وەك پەرستىن ببىنت، و ب ڤيان و ھەزكرن بەردەواميىي بەدەتە خواندنا خوە.

پشکا سینی
بہائین ئیسلامی

قیان و ږهنگین وی

قوتابییی هیژا، د قی پشکیدا دی به حسی دو ژ گرنګترین بهایی ئیسلامی کهین، نه و ژی قیان و دلفره هییه .

ئیک: قیان

پیناسه یا قیانی:

قیان بناخه یی ژیانیه، و بی قیان چو ژیان نابن، و قیان ههسته کا نازک و جوانه جهی خوه د دلیدا دکهت، و سیبه را خوه ددهته هه می ږه خان، و نه و ههسته کا نازکه یا تژی دلوقانی و شهوقه ژ دلی مروقی و نه فسا وی دهر دکهت، و ژیان بی قیان تشته کی بی ږامانه، و نه گهر نه و نه بت مروقی نه شی ژیان کا کاریگهر بژیت، و نه و دلی قالا بت ژ قیانی دله کی کاقل و ویرانه، و قیان ههسته کا کوور و پاقر و گه شه، ئیکا هند ژ مه چی دکهت نه تامه کا خوهش ژ ژیان بیین، و به خته وهر بیین، و ههست ب ته ناهییی بکهین، و ب دله کی ږه حهت بژین، و خیری بو خه لکی بخوازین و ب باشی سهره ده رییی د گهل وان بکهین.

بناخه یی قیانی:

قیانی سی بناخه بو هه نه، نه و ژی نه هه نه:

۱- ههست کرن ب بهر پیارییی: نانکو مروقی بهرانه وری که سی یان وی تشتی یی ههز ژی دکهت ههست ب بهر پیارییی بکهت.

۲- ږیزگرتن: قیانی ږیزگرتن پیقه دئیت، و ږیزگرتن ژ بهر هه می دارا قیانییه، و نه قیندار ږیز ل وی که سی دگرت یی نه و ههز ژی دکهت، و ب ږهنگه کی ههژی سهره ده رییی د گهل دکهت، و نه خوه شییی ناگه هینتی.

۳- مهردینی: قیان ژیده ره که بو مهردینی و قوربانیدان و ب هیژکنا گیانی خوه گوری کرنی، و نه قیندار دقیت یی مهرد بت د گهل وی یی نه و ههز ژی دکهت.

گرنگیدانا ئیسلامی ب قیانی:

تایین - نه خاسمه تایینی ئیسلامی - گرنگییه کا مه زن دده ته قیانی، و ئیسلام کاری بو به لافکرنا قی بهایی جوان د ناف مه دا دکه ت، دا ژيانا مه بخه ملینت، و ئه م ب گیانی قیان و برایینی و دلوفانییی سهرده رییی د گهل ئیکدو و بنه مالی و جفاک و ژینگه ها خوه بکهین، و ب چافی حه ژیکرنی بهری خوه بدهینه ژيانی، و فهره ئه م بزاین کو موسلمانن دورست دقیت نمونه یی قیانی بت، و دلره قی و کهرب و نه قیانی بها قیژت، چونکی په رستنا خودی و دینداری بی قیان، وه کی له شی بی روحه، و بی قیان مروقی دیندار چو تامی ژ په رستنی نابینت، به لکو دبت مه سه له قاری ببت و دژی نارمانجین ئیسلامی راهه ست ته گهر هات و ب په نگه کی خه له ت هاته ب کارئینان، و ببه هیزه کا خرابکه ر.

جه و بهایی قیانی د ئیسلامیدا:

په یفا (حب) و ئه و په یقین ژی دئینه وهرگرتن هه شتی و چار جاران د قورئان و سوننه تیدا هاتینه، و ئه قه وی گرنگییی دگه هینت یا ئیسلامی داییه قی بهایی مروقایه تییی، و ههر ئه ف چه ندهیه ئه و ب په نگه کی ب هیژ ب باوه ری و که سینی و هزا مروقی موسلمانقه گریدایی، و کرییه پیقه ره کی گرنگ بو هه بوونا باوه رییی.

پیغه مبه ر (سلاف لی بن) د گوته نه کا خوه دا قیانی وه ک ری باز بو خوه دبینت، ده می دیژت: ((الحب مذهبی و الصدق سلاحي)) ئانکو: قیان ری باز منه و راستی چه کی منه. و رامانا قی ئه وه دقیت قیان ری باز هه ر موسلماننه کی بت د ژیانیدا.

و د فهرموده یه کا دیدا پیغه مبه ر (سلاف لی بن) قیانی، نه خاسمه قیانا موسلمانان بو ئیکدو، دکه ته مه رجی رازیبوونا خودی و کلیلا به هه شتی، ده می دیژت: ((الن تدخلوا الجنة حتی تؤمنوا، ولن تؤمنوا حتی تحابوا، ألا أدلکم علی شیء إذا فعلتموه تحاببتم، أفشوا السلام بینکم)) ئانکو: هوون ناچنه به هه شتی هه تا هوون باوه رییی نه ئینن، و هوون باوه رییی نائینن، هه تا هوون حه ز ژ ئیکدو نه که ن، و ئه ز بو هه وه تشته کی نه بیژم ته گهر هوون بکه ن، هوون دی حه ز ژ ئیکدو که ن؟ سلاقی د ناقبه را خوه دا به لاف بکه ن.

و نهغه هندي دگه هینت کو دقیت موسلمان تیهنیې قیان و دلوقانیې بت، چونکی نهوی په یوهندی ب دووماهییا وی و چوونا بهه شتیغه ههیه، پیغمبر (سلاف لی بن) دیژت: ((**لَا یُؤْمِنُ أَحَدُکُمْ حَتَّى یُحِبَّ لِأَخِیْهِ مَا یُحِبُّ لِنَفْسِهِ**)) ټانکو: مروّف باوهرییې نائیت، هتا خیر بو خه لکی همییا و نه خاسمه بو باوهرداران نه قیت، نهغه دا مروّف د دهرهقا خه لکیدا خه لهت نه بت، ده می سهردهرییې د گهل وان دکهت، و دادپه روهی هندي دخوازت تو خوه بدانییه جهی یی بهرانبهر و پسپارا وی پهنگی سهردهرییې بکهی نهوی ته ژ کهسی بهرانبهر دقیت، دا تو ژی وی پهنگی سهردهرییې د گهل وی بکهی.

و ده می نیسلام ب قی پهنگی گرنگی ددهته قیانی، وی دقیت قیانی بو موسلمانی بکهته سالوخته، و بو جقاکي بکهته بناخه، و موسلمانی بهرانبهر کهرب و نه قیانی راوهستیت، چونکی نهو دژي قیانیته. پیغمبر (سلاف لی بن) دیژت: ((**إِیَاکُمْ وَ الْبَغْضَاءُ فَإِنَّهَا لِحَالِقَةٌ**)) ټانکو: هشیاری نه قیانی بن چونکی نهو باوهرییا مروقی دتراشت، و پیغمبر (سلاف لی بن) دیژت: ((**وَلَا تَبَاغُضُوا**)) ټانکو: کهرییې خوه ژ ئیکدو قه نه کهن، و دقیت مروّف هز ژ زورداری و ستهم و خرابی و گونه هی نه کهت، و نابت کهرییې وی ژ براییې وی قه بن، چونکی په هی دارا باوهرییې د ناخا قیان و دلوقانی و دفره هی و برایییې را کوور دداهیلایینه، زانایې ناقدار سه عیدی نوورسی د گوته کا خوه دا دیژت: ((ژيانا دنیا یی گه لهک کیتره ژ هندي نه م ژ ه می دلی خوه هز ژ ئیکدو بکهین، قیجا پا تو بو هندي چ دیژي نه م کهرییې خوه ژ ئیکدو قه کهین و ب چاقی کینی بهری خوه بدهینه ئیکدو)).

پهنگی قیانی

گه لهک پهنگی قیانی هه نه، ژ وان:

۱- قیانا خودایې مه زن:

ټاشکه رایه کو په یوهندی د ناچه را خودی و به نییې ویدا - ب دیتنا نیسلامی - ل سهر بناخه یی قیانی ټافاکرییه، و دلی مروقی هر ژ زاروکینیا وی و ب خوه رستییا خوه یی تزییه ژ قیانا خودی، و نه ف قیانه د گهل وی مه زن دبت، و چند ټایه تیې قورټانی هه نه قی په یوهندیی ټاشکه را دکهن، وهکی گوته وی: ((**إِنَّ الدِّینَ آمَنُوا وَعَمِلُوا الصَّالِحَاتِ سَيَجْعَلُ لَهُمُ الرَّحْمَنُ وُدًّا**)) (مریم: ۹۶)

ټانکو: ټهويڼ باوهری ټينايين و چاکی کړين، خودايی دلوقان دی ټيان و دلوقانييا خوه دهته وان. هر ولسا خودايی مهزن ديږت: ((وَاسْتَغْفِرُوا رَبَّكُمْ ثُمَّ تُوبُوا إِلَيْهِ إِنَّ رَبِّي رَحِيمٌ وَدُودٌ)) (هود: ٩٠) ټانکو: داخوازا ژيبرنا گونه‌هان ژ خودايی خوه بکه‌ن، و ل وی بزقرن، هندي ټهوه ټهو خودايی دلوقان و خودان ټيانه.

ټه‌گهر مروقی باوهری و زانين هه‌بت ټيانا وی بو خودی دی مهزن بت، و مروف ب په‌رستنی و کارى خيرى و قه‌نجيی خوه نيژيکی خودی دکه‌ت، و ټيانا خودی د دلی ويدا زيده‌تر لی ديئت، د فهرموده‌يه‌کا قودسي‌دا يا ټيمامی بوخاری ژ پيغه‌مبه‌ری (سلاف لی بن) ټه‌دگوهيژت، ديږت: خودايی مهزن گوټ: ((.. وما يزال عبيد يتقرب إلي بالنوافل حتى أحبه، فإذا أحببته كنت سمعه الذي يسمع به، وبصره الذي يبصر به..)) ټانکو: به‌نيی من هند دی ب کرنا سونه‌تان خوه نيژيکی من که‌ت، هه‌تا ټه‌ز هز ژى دکه‌م، و ټه‌گهر من هز ژى کر، ټه‌ز دی بمه ټه‌و گوهي پى دبه‌يست، و ټه‌و چاقى ټه‌و پى دبينت.

و خودايی مهزن د سالوخته‌تى موسلماناندا ديږت: ((وَالَّذِينَ آمَنُوا أَشَدُّ حُبًّا لِلَّهِ)) (البقرة: ١٦٥) ټانکو: ټهويڼ باوهری ټينايين پتر هز ژ خودی دکه‌ن.

٢- ټيانا پيغه‌مبه‌ران:

ټيانا پيغه‌مبه‌ران چه‌قه‌که ژ ټيانا خودی، وه‌کی خودی ديږت: ((قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ)) (آل عمران: ٣١) ټانکو: ټيانا خودی بو مروقی يا گريډايييه ب دووکه‌فتنا ويغه بو ريډازا پيغه‌مبه‌ری (سلاف لی بن)، و هر که‌سى هز ژ پيغه‌مبه‌ری بکه‌ت دی ل دووف ريډازا وی چت، هنگی خودی دی هز ژ وی که‌ت.

پيغه‌مبه‌ر ټه‌و پرڼ يا مروقی دگه‌هيننه خودی، و ټه‌و به‌ری خه‌لکی دده‌نه رزگاری و خير و قه‌نجيی، دا به‌ری وان بده‌نه به‌هه‌شتی و وان ژ ټاگری بپاريژن، له‌و ټه‌و هيژايی هندينه مروف هز ژ وان بکه‌ت، و نه‌خاسمه پيغه‌مبه‌ری مه (سلاف لی بن) ټه‌وی باوهریيا موسلمانى ته‌مام نابت هه‌تا ټه‌و ژ مال و مروف و نه‌فسا خوه پتر بقیټ، چونکی ټه‌و خوه‌شقيی خوديی، و خودی فهرمان ل مه کرييه کو ټه‌م هز ژ وی بکه‌ين.

بۆچ دقيّت ئەم ھەز ژ پيغەمبەرى خوە بکەين؟

گەلەك ئە گەر ھەنە ل سەر مە فەر دكەن كو ئەم ھەز ژ پيغەمبەرى خوە موھەممەد (سلاف لى بن) بکەين، ل قيرى دى بەھسى گرنگترين وان ئە گەران کەين:

أ- چونكى وى بەرى مە يى دايبىھ ئىسلامى، و ئەم ب قى چەندى ژ سەرداچوونى ھاتينە پارازتن، و دليّن مە ب پۇناھييا باوهرى گەش بوون، وى بەرى مە دا رپکا ھەقيىي و ئەم ژ کوفرى قورتال (پرزگار) کرن، رپکا ھەقيىي و چوونا بەھەشتى نيشا مە دا، و ئەم ژ رپکا ئاگرى دانە پاش.

ب- دلى پيغەمبەرى (سلاف لى بن) يى تثرى بوو ژ قيانى بو موسلمانان، خوە ئەو موسلمانين وى نەديتين ژى، جارەكى پيغەمبەرى (سلاف لى بن) گۆت: ((خوشقيين من خوشقيين من)) ھەقالين وى گۆتى: ما ئەم نە خوشقيين تەينە؟ وى گۆت: ((ھوون ھەقالين منن، و خوشقيين من ئەون ئەوين ئەز نەديتيم و باوھريى ب من دئين)). و دلى پيغەمبەرى (سلاف لى بن) گەلەك بو وان موسلمانان دئيشا ئەوين ب پەنگەكى دورست پەرستن نەدکرن، يان ل دووف ريبازا وى نەدچوون، و ئە گەر موسلمانان زانيبا كانى پيغەمبەرى وان چەند ھەز ژ وان دکەت، ئەو دا پتر ھەز ژى کەن، و دا شەرمى ژ خوە کەن دەمى سستى د دينى ويدا دکرن، خودايى مەزن ديژت: ((بِالْمُؤْمِنِ رَوْفٌ رَّحِيمٌ)) (التوبة: ۱۲۸) ئانکو: پيغەمبەر يى دلوفان و مەھربانە د گەل باوھرداران.

ج- پيغەمبەر (سلاف لى بن) گەلەك يى پژدبوو ل سەر پارازتنا موسلمانان ژ ئاگرى، لەو وى بەرى وان ددا بەختەوھرييا دنيايى و ئاخەرتى، و وى د گۆتنەکا خوەدا مەتەلەك ل سەر قى پژدبوونا خوە ئيناييىھ، دەمى ديژت: ((مەتەلا من و ئوممەتا من، وەكى مەتەلا زەلامەکيىھ ئاگرەك ھلکرى، و گيانەوهر و بەلاتينک ھاتن دا خوە بەھايژنى، ومن دقيّت ئەز وان ژ ئاگرى بدەمە پاش و ئەو خوە دھاقيژنى)). و ژ نمونەيىن پژدييا وى ل سەر قورتالکرن مە پۇژا رابوونى ئەو مەھدەرى بو مە دکەت، دا مە ژ دۆژەھى پارىژت، لەو ئە گەر ئەم پيچەكى ھزرا خوە بکەين دى بينين کو پيغەمبەرى (سلاف لى بن) دل ب مەقە بوو و دوعا بو مە دکرن، و وى ب پەياما خوە دقيا ئەم خودى پەريسين، و خوە ژ گومانى بدەينە پاش.. ئەرى ما پيغەمبەرەكى ھوسا ھيژايى ھندى نينە ئەم ھەز ژى بکەين؟

۳- قيانا مروقي بو خوه:

مروقهك نينه كو هز ژ خوه نه كهت، بهلكو تشتي ژ هميبي گرنكتر نهوه مروف هز ژ خوه بكهت، چونكي ته گهر نهوه هز ژ خوه نه كهت خه مي ژ خوه ناخوت، و خوه ناپاريزت، و دي نه فسا خوه تي بهت، و تهف رهنكي قيانى د دلي ههر مروقه كيدا ههيه، خودايى مهزن ديترت: ((**عَلَيْكُمْ أَنْفُسَكُمْ** ..)) (المائدة: ۱۰) ئانكو: ههوه هاي ژ خوه ههبت، گرنكيبي بدهنه خوه. و دقيت بزانيں كو ههژيكرنا مروقي بو خوه يا جودايه ژ نهزه زيبي، كو نهوه سالوخه ته كي خرابه و ئيسلامى نه قيت.

۴- قيانا تشتين بهرجهسته (الأشياء الملموسة):

نهوه تشتين مروف دبينت، وهكي: رهنكين خوارنى، و جلكان، يان ديمه نه كي سروشتى، مروقه كي جوان، ستيرين ئهسمانى بين مروقي حيه تي دكهن، رهنكي ئافراندنا مروقي و چيكرين دي وهكي عه ور و گول و باران و به فر و هتد.. ژ وان تشتين مروف ب چاف دبينت. و دبت مروقي گوھ لى ببت وهكي: دهنگه كي خواهش، شعره كا شرين، خواندنا قورئاني ژ بهري كهسه كي دهنگه وهشفه، يان ئاوازه كا دلغه كهر. يان ژى ب ريكا دهستكرنى وهكي: تشته كي نهرم، يان هه مبيزكرنا كهسه كي خواهشي، وهكي: زاروكه كي يان هه قاله كي.

۵- قيانا دهيبابان بو زاروكين خوه:

نهوه قيانا خودى كرييه د دليں دهيباباندا بو زاروكين وان، وه ل وان كرييه كو نهوه د گهل وان دلوقان بن، و ب هه مي رهنكين وهستيان و نه خواهشيبي د ژيانيدا رازى بين، دا زاروكين وان سهركهفتى و بهخته وهر بين د ژيانا خوه دا، خودايى مهزن قيانا زاروكان كرييه پشكهك ژ دلوقانيا خوه يا وي كرييه د دلي دهيباباندا، و تهفهيه قيانا راست و دورست، چونكي نهوه قيانه كا بي بهرانبه ره، و دهيباب ئاماده نه ب ههر وهستيان و نه خواهشييه كا ههبت رازى بين وهك خوه گوريكرن بو زاروكين خوه، لهوه دقيت زاروك قى چهندي بزانيں و ريزي ل دهيبايين خوه بگرن، و قيانا خوه بو وان زيده بكهن، دا بنه مال ب خواهشي بژيت.

۶- قيانا ژن وميران:

خودايي مهزن د شهريعه تي خوهدا گرنگييه كا مهزن داييه قيانا مروفي ژن بت يان مير، و ده مي كوره كي كچهك بقيت تهو د شيت وي بو خوه بينت و پيځكه بنه ماله كي ئاڅا بكه، و د چارچوڅي بنه ماليدا قيانا ژن و ميران بو ئيكدو پوژر بو پوژري زيده تر لي ديت، و تهو بهر هه ف دبن كو خوه گوري هه ف بكه، و پيځكه كاري بو دورستكرنا بنه ماله كا سر كهفتي بكه، و هه بونا زاروكان ژي قيانې د ناقه را وندا زيده دكه، و تهو كاري بو ئاماده كرنا هندك كه سين مفادار بو جفاكي ب ريكا په روه رده كرنا زاروكين خوه دكه.

قيانا ميري بو ژني ب ديتنا ئيسلامي تشته كي پيروزه، و دقيت تهو خيانه تي ل وي قيانې نه كهن، و هر كه سه كي خيانه تي بكه د تووشي ئيزايا خودي بت، و هه ژييه بيژين تهو په يوهنديا هه ژيكرني تهو د ناقه را كور و كچيدا پهيدا دبت، تهو گهر ئارمانج ژي تهو نه بت بنه ماله كي بيته پيكنينان و دورستكرن، و سنج و رهوشتين ئيسلامي بهرچاڅ بيته وهرگرتن، تهو په يوهنديا كا دورست نينه و نايته قه بولكرن..

و ل سهر قوتابييان فهره تهو ل قوتابخانه يي و ژ دهرقه ژي ب گيانې براييني و هه قالينيي سهره دهريي د گهل ئيكدو بكه، و ب چاڅي ريژر و قه درگرتني بهري خوه بدنه ئيكدو، و وه كي خووشك و برا ناڅ و دهنگي ئيكدو پياريزن، و كاري بو سر كهفتني بكه، و خوه ب خواندن و وانه و چالاكيين مفادارقه مژوول بكه. و دقيت كوران - ههروهسا كچان ژي - خير بو هه قالين خوه بقين، كاني چاوا وان تهو بو خووشك و برايين خوه دقيت، چونكي كور و كچ د ئيسلامي دا خووشك و برايين ئيكدونه، و ئيسلام فهرمانې ل مه دكه كوه مه خير بو ئيكدو بقيت.

۷- قيانا رهوش و كاري چاك:

قهنجي، و مهرديني، و دريژكرنا دهستي هاريكاريي، و ريژگرتن ل كه سي بهرانبهر، و پاڅريا دلي، و دهه منپاڅري، و زيره كي، و سهره دهرييا باش.. تهو كومه كا رهوش و سالوخه تين چاكن بين هر مروقه كي تيگه هشتي بهايي دده تي و ريژري لي دگرت، و هر كه سي تهو رهوشته ل نك هه بن مروف دي هه ژي كهن، و دقيت تهو خوه بكهينه ژ وان كه سان تهو وين مروف هه ژي دكه، و بزاقې بكهين كوه همي رهوش و سالوخه تين باش، ل نك خوه پهيدا بكهين، هر وهسا دقيت تهو هه ژر مروقين قهنجيكار بكهين، ژ بهر كوه خودي ژي هه ژر وان دكه، و هكي د ئايه ته كي دا هاتي: ((وَاللّٰهُ يُحِبُّ الْمُحْسِنِينَ)) (المائدة: ۹۳، آل عمران: ۱۳۴ و ۱۴۸).

۸- قيانا وهلات و گهل و ملله تي:

فهره ل سهر موسلمانى هز ژ گهر دوون و سروشتى ب گشتى بكهت، و ههر مروقهك هز ژ نهر د وهلات و جهى بوون و مهزنبوونا خوه دكهت، و ئيسلام ريكي ل قى هزيكرنى ناگرت، و وي ب تشتهكي سروشتى دبينت ب مهرجهكي نه بته نه گهرا هندي كو مروف كهري ژ مللهت و وهلاتين دى راكمهت، و ده مي كو ته كي ل پيغمبهري (سلاف لي بن) هاتيهه كرن كو مهكهه بهيلت و مشهخت ببت، هنگي نهو ل مهكهه هزي زقري و گوتى: ((نهز ب خودى كه م تو خوشقيترين نهردى خوديي ل بهر من، و نهز ب وي كه م نهوي نه فسا من د دهستاندا، نه گهر خهلكي ته نهز نه چاري (مهجبووري) دهركهفتني نه كرابام من تو نه دهيلايي)).

و ژ نيشانين قيانا وهلاتي نهوه مروف كاري بو وهرار و سهركهفتنا وي بكهت، و بهرهقانييي ژي بكهت دژي نهياران.

۹- قيانا برايينييي (قيانا مروقي بو خهلكي):

همي تايينن نهسماني، و ئيسلام ئيك ژ وانه، گهلهك گرنگيي ددنه قيانا برايينييي، و مههرم ب قى رهنگي قيانى نهوه، مروف ههست ب بهرپسيارييي بكهت بهرانبهر خهلكي دى، و ريژي ل وان بگرت، و كاري بو بهختهوهري و خوشكرنا ژيانا وان بكهت، و بناخهيي قى قيانى برايينييا مروقاتييهه، وهكي ئيمام عهلي (خودى ژي رازى بت) ديژت: ((مروف دو دهستهكن: يان د تاييندا برايي ئيكن، يان د مروقينييندا وهكي ئيكن)) و نهف رهنگي قيانى ل دووف ريئمايين ئيسلامي چو جودايييي نايخته ناقبهرا مروقان و گرنگييي نادهته نفش و تايين و رهنگ و رهگهزي وان، لهو ئيك ژ بهرههمين قى قيانى نهوه، دلفرهه بهرانبهر مروقان پهيدا دبت.

و نهف قيانه مروقي ژ دهمارگيري و دژمنايي و كه رب و كيني دوور ديخت، و وه ل مروقي دكهت ب خشكوكي و سنگهكي فرهه سهردهرييي د گهل غهيري خوه بكهت، چونكي مروف چ بن و چاوابن، د بنياتدا مروفن خودى ب بها ئيخستينه و روح داييهه وان، و نهو بهندهيين ئيك خودايينه، و ژيدوهري وان ئيكه، كو خوديي و دي ههر ب بال ويقه زقرنهقه، و نه گهر خوه دژمين خودى و مروقانييي ژي بن، دقيت سهردهري د گهل وان ب ناوايه كي تاييهت بيته كرن.

ژ بهر قی چهندي دهمی ئەم هەز ژ خەلکی دی دکەین، ئەو ئەم ب پەنگەکی نەئیکسەر هەز ژ خودی دکەین، چونکی مەرف چیکریین خودینە، وی ئەو ژ دەیک و بابەکان دایینە، و ئەو فەرمانی ل مە دکەت کو ئەم هەز ژ مەرفان بکەین، و بهایی بدەینە وان، و پشکداریی د خوەشی و نەخوەشیین واندا بکەین.

دان و ستاندن:

پۆلی قیانی د کیمکرنا گرفتاریین مەرفان و دلخوەشکرنا واندا چیه؟

پسیار:

- ۱- ئەو تشت چنە ئەوین قیانا خودی بو مە زیدە دکەن؟
- ۲- سەرەدەری د گەل موسلمانان و خەلکی دی ژ ل سەر بناخەیی قیانی کارەکی باشە، ئەری خیرا وی چهندي ل دنیایی و ئاخەتی چیه؟
- ۳- پەيوەندییا قیانی ب چوونا بههشتیقه چیه؟

فەکۆلان:

تو چاوا دی پەسند کە ی کو ئیسلام دین و ئایینی قیانییە، و پەيوەندی د ناڤهرا خودی و بهنیین ویدا ل سەر قیانی ئاڤاکییه؟

دلفره‌هی

و ئەفه بهایی دویییه، و مه‌ره‌م پی ئەوه مرووف ب دله‌کی فره‌ و دلوفانی سه‌رده‌رییی د گهل که‌سی به‌رانبه‌ر بکه‌ت، و ریژی ل ماف و ئازادییا وی و بو‌چوونین وی یین جودا بگرت، و خوه دوور بیخت ژ که‌رب و کین و توند و تیژی و قه‌بولنه‌کرنا یی دی.

پیغه‌مبه‌ر (سلاف لی بن) دیژت: ((بعثت بالحنيفية السمحة)) و ژ قی فه‌رمو‌ده‌یی بو مه‌ ئاشکه‌را دبت کو ئیسلام ئایینی دلفره‌هییییه، و دلفره‌هییی به‌ایه‌کی گرنک د ئیسلامیدا هه‌یه، و دلفره‌هییا مرووفی ژ هندی دئیت، د گهل که‌سی دی، ئەو قه‌کری بت، باوه‌رییی ب هه‌بوون و ئازادییا وی بینت، و مافی وه‌لاتینییی بو په‌سند بکه‌ت، و چو جوداهییی، ب هیجه‌تا نفش و ئایین و نه‌ته‌وه‌یان، نه‌ئیخته‌ ناچه‌را مرووفان.

ئیسلامی باوه‌ری ب هه‌بوونا هه‌می ئایینان هه‌یه، خودایی مه‌زن دیژت: ((آَمَنَ الرَّسُولُ بِمَا أُنزِلَ إِلَيْهِ مِنْ رَبِّهِ وَالْمُؤْمِنُونَ كُلٌّ آمَنَ بِاللَّهِ وَمَلَائِكَتِهِ وَكُتُبِهِ وَرُسُلِهِ لَا نُفَرِّقُ بَيْنَ أَحَدٍ مِنْ رُسُلِهِ وَقَالُوا سَمِعْنَا وَأَطَعْنَا غُفْرَانَكَ رَبَّنَا وَإِلَيْكَ الْمَصِيرُ)) (البقرة: ۲۸۵) و ئاشکه‌رایه‌ کو دلفره‌هی وی رامانی ناده‌ت تو ب سه‌ر چو تایانقه‌ نه‌بی، یان ئایین و بیر و باوه‌رین خوه به‌یلى، به‌لکو هندی دگه‌هینت، ته‌ باوه‌ری ب هه‌بوونا خه‌لکی دی هه‌بت، و دقیت ماف و ئازادیین وان بو بیننه‌دان، وه‌کی ئیسلامی نیشا مه‌ دایی.

ئیسلامی باوه‌ری ب پیکه‌ژیا نا ملله‌ت و ئایین و نفشان هه‌یه، و که‌سین به‌رانبه‌ر د گه‌ورییدا دچن و وان ب سنگفره‌هی قه‌بول دکه‌ت و سه‌رده‌رییی د گهل وان دکه‌ت، و ب مرووفایینی د گهل وان دژیت. پیغه‌مبه‌ر (سلاف لی بن) دیژت: ((الدين هو المعاملة)) ئانکو: ئایین سه‌رده‌رییه. عوباده‌یی کورئ صامتی دیژت: پسار ژ پیغه‌مبه‌ری (سلاف لی بن) هاته‌کرن: چ کار ژ هه‌میان باشته‌ر؟ گو‌ت: باوه‌ری ب خودی و خه‌بات د ریکا ویدا. گو‌ت: مه‌ پسارا کاره‌کی سانه‌یت ژئ کر، گو‌ت: دلفره‌هی و که‌رب ده‌رنه‌ئیخستن.

پښتانه د لفره هيبی

ګه له ګ پښتانه د لفره هيبی هه نه، ژ وان:

۱- د لفره هيبی نايینی:

ټانکو: ژيانا د ګه ل دوو ګه ټيښ نايینی دی، ب ړيکا دانا ټازاديی بؤ وان ګو ړی و ړه سمین
خو یی نايینی بګړن، خودای مه زن دیژت: ((لَا يَنْهَاكُمُ اللَّهُ عَنِ الَّذِينَ لَمْ يُقَاتِلُوكُمْ فِي الدِّينِ
وَلَمْ يُخْرِجُوكُمْ مِّنْ دِيَارِكُمْ أَن تَبَرُّوهُمْ وَتُقْسِطُوا إِلَيْهِمْ إِنَّ اللَّهَ يُحِبُّ الْمُقْسِطِينَ)) (المتحنة: ۸)
ټانکو: خودی هه وه ژ وان ناده ته پاش ټه وین شه ړی هه وه د دینیدا نه کړین و هوون ژ واری هه وه
دهرنه ټيځستین، ګو هوون قه نجی و دادیی د ګه ل وان بګه ن.. و ل سهر موسلمانن فهره باوه ریی ب
هه می کټیښ ټه سماني بینت، چونکی ګوتنا خودییه بؤ پیغه مبه ریڼ وی هاتی، و ټه و کټیښ چارن:
(قورټان، تهورات، زه بور، ټنجیل) و ژ بلی ټان دټیت ماف و ټازادیا دوو ګه ټيښ نايینی دی ژ
پارزتی بت، چونکی قورټان ژ موسلمانان دخوازت سهره دهرییه کا باش د ګه ل خه لکی دی بګه ن، دا
به ری وان بؤ باوه ریی ټیته دان، دټیت ب جواترین پښتانه دان و ستاندن ټیته ب کارټینان، وه کی
خودای مه زن دیژت: ((ادْعُ إِلَى سَبِيلِ رَبِّكَ بِالْحُكْمَةِ وَالْمَوْعِظَةِ الْحَسَنَةِ وَجَادِلْهُمْ بِالَّتِي هِيَ أَحْسَنُ إِنَّ
رَبَّكَ هُوَ أَعْلَمُ بِمَنْ ضَلَّ عَنْ سَبِيلِهِ وَهُوَ أَعْلَمُ بِالْمُهْتَدِينَ)) (النحل: ۱۲۵) ټانکو: ب ټیګه هشتن و شیرته
باش دان و ستاندنی د ګه ل وان بګه ن.. ههر وه سا ټیسلام ل سهر بناخه یی باوه ری ب ټازادیی،
سهره دهریی د ګه ل که سی دی دکه ت، و ههر که سه ک ټازاده د هلبژارتنا دینی خوه دا، و نابت
کوته کی ل که سی ټیته کرن، چونکی دین (ټایین) بؤ ړوژا دووماهییه، و هه چیی وی ب ټازادی
هلنه بژیرت، ل ړوژا دووماهییه چو مفایی ژی نایینت، وه کی د ټایه ته کیډا هاتی: ((لَا إِكْرَاهَ فِي
الدِّينِ)) (البقرة: ۲۵۶) ټانکو: کوته کی د دینیدا (د ټایینیدا) نینه.

دهمی عومه ری ګوړی خه تاب (خودی ژی رازی بت) باژیر ټو دسی قه کری، وی ټازادیه کا
ته مام دا مه سیحیی خه لکی ټو دسی، و سوژ دا وان، ګو وان پاریژت، و ګوته هه ټالین خوه:
(نه چنه د مالیڼ وانقه، و وان ژی دهرنه ټیځن، و ټاقاهییه وان نه هه ړیځن، و چو مالی وان، ژ وان
نه ستینن، و نابت هوون کوته کیی ل وان بګه ن دا نايینی خو بهیلن).

۲- دلفرههیییا هزری:

ئانکو: گوهدارییا بیر و بۆچوونا کەسی دی بیتهکرن، و بۆ تیگههشتنا وی پال ل سەر دان و ستاندن و ههقهیهیینی بیتهدان، و بیر و بۆچوونا جودا بیته قهبولکرن، و دیرۆک شاهده کو ئیسلامی ب مروقایهتی سهرهدهری د گهل هزرا جودا کرییه، و ئیسلامی باوهری ب ئجتهادی هیه، و ئەقه هندی دگههینت، کو ئیسلامی باوهری ب جودابوونا بیر و بۆچوونا هیه، و د دیرۆکا ئیسلامیدا ب دههان مهزههیین فقهی و هزری و فلهسهفی پهیدابووینه، ههتا هندەك جاران کەسین نه موسلمان ژی، ل مزگهفتان دان و ستاندن دکرن و دهربرین ژ هزر و بیر و بۆچوونین خوه دکرن.

۳- دلفرههیییا نهتهوهیی:

ئانکو نهتهوهیین ژیک جودا ریزی ل ماف و کهرامهتا ئیکدو بگرن، و چو نهتهوهخواز دهمارگیری و توخمپهریسییی دژی نهتهوهیین دی نهکەن، و ب چاقهکی کیم و بی بها بهری خوه نهدهنه مللهتین دی، و زۆردارییی ل وهلات و مافین وان نهکەن، خودایی مەزن دیژت: ((يَا أَيُّهَا النَّاسُ إِنَّا خَلَقْنَاكُمْ مِّن ذَكَرٍ وَأُنْثَىٰ وَجَعَلْنَاكُمْ شُعُوبًا وَقَبَائِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتْقَاكُمْ إِنَّ اللَّهَ عَلِيمٌ خَبِيرٌ)) (الحجرات: ۱۳) ئانکو: گهلی مروشان مه هوون ب گهلهک رهنگ و نهتهوهیین ژیک جودا دایینه، دا هوون ئیکدو بناسن، و بی ژ ههوه ههمییان چیتەر ل نک خودی، ئەوه ئەوی تهقوادار، و خودییه زانا و شارەزا ب قی چەندی.

ئەف ئایهته، و هندەك ئایهتین وهکی وی ئامارهیی ددهنه جودابوونا نهتهوهیان، بهلی ئەف جودابوونه - وهکی ژ قی ئایهتی دئیتته وەرگرتن - دقیت نهبته ئەگهرا پهیدابوونا کەرب و نهقیان و توخمپهریسییی د ناقبهرا واندا، بهلکو دقیت ئەو کاری بۆ ههقناسینی بکەن، و دووماهییا ئایهتی مه ئاگههەر دکەت کو ل نک خودی، چو مللهت ژ چو مللهتان چیتەر نینن. و وهکی پیغهمبهر ژی (سلاف لی بن) دیژت: ((لا فضل لعربی علی أعجمی ولا لأبيض علی أسود إلا بالتقوی)) ئانکو: کەس ژ بهر نهتهوهیا خوه یان رهنگی خوه، ژ غهیری خوه چیتەر نینه، پیفکی باشی و چیتیریی تنی تهقوايه.

بناخه یین دلفره هییی د ئیسلامیدا:

۱- ب دیتنا ئیسلامی ئایینی ئەسمانی هەمییان ئیک ژیدەر هەیه، و ئەو هەمی ژ نك خودی هاتینه، هەر چەندە هندەك ژ وان - ب گوتنا قورئانی - یین هاتینه گوهارتن ژی، لەو نابت بو کەسەکی ب ناخی ئایینی نەیارەتییا کەسەکی دی بکەت، یان وی کیم ببینت.

۲- ب بوچوونا ئیسلامی پیغەمبەر هەمی برانە، و دقیت موسلمان باوەرییی ب وان هەمییان بینت، و ئەگەر ئەو وە نەکەت باوەرییا وی دی یا کیم بت.

۳- ب دیتنا ئیسلامی مرووف ئایینی خوە ب ئازادی هلدبژێرت، و کۆتەکی د ئایینیدا نابت، و بیر و باوەرین ئایینی ب دل و قیان دئینه وەرگرتن، و دقیت ریز ل دووکهفتییین ئایینی دی بیتە گرتن: ((لَا إِكْرَاهَ فِي الدِّينِ)) (البقرة: ۲۵۶) ئانکو: کۆتەکی د ئایینیدا نینه. ((وَقُلِ الْحَقُّ مِنْ رَبِّكُمْ فَمَنْ شَاءَ فَلْيُؤْمِنْ وَمَنْ شَاءَ فَلْيُكْفُرْ)) (الكهف: ۲۹) ئانکو: تو بیژە: هەقی ژ خودایی تەیه، ئەوی بقیّت بلا باوەرییی بینت، و ئەوی بقیّت بلا کافر بت.

۴- ئیسلام ژ موسلمانان دخوازت ئەو ب چاخی مرووفینییی بەری خوە بدەنە خەلکی دی، و دان و ستاندنی د گەل وان بکەن، و ب چاخی ریزگرتنی بەری خوە بدەنی، رۆژەکی تەرمی مرییەکی د بەر پیغەمبەرپرا هاتە برن، ئەو پیشقە رابوو، ئیکی گۆت: ئەو زەلامەکی جوھی بوو، پیغەمبەری (سلاف لی بن) گۆتی: ((ما نه مرووفه!)) ئانکو: چونکی مرووفە و خودی یی ئافرانندی دقیت ریز لی بیتە گرتن.

۵- جودابوونا ئایینان جەهی ریزگرتنییە د ئیسلامیدا، و دووکهفتییین وان ماف هەیه پەرستگەهیین خوە هەبن، و ناسنامە و ڕەوشەنبیرییا خوە یا ئایینی بیاریژن، و نابت بو کەسی مافیین وان بخون، و بناخەیهکی ئوسوولی هەیه دیژت: (وان بهیلن بلا ئەو وەکی خوە پەرستنا خوە بکەن و بلا ل دووف دین و ئایینی خوە ژین و ژیارا خوە ب رێقە ببەن).

۶- دقیت موسلمان ریز ل نەموسلمانان بگرن، و ب جوانی سەرەدەرییی د گەل وان بکەن، و ب هەمی رەنگان قەنجییی د گەل وان بکەن، پیغەمبەر (سلاف لی بن) دیژت: ((من آذى ذميا فأنا خصمه)) ئانکو: هەر کەسەکی نەخوەشییی بگەهینتە کەسەکی ژ ئایینی دی ئەوین د گەل مە دژین، ئەز دەعوەداری ویمە، و دیژت: ((ألا من ظلم معاهدا أو انتقصه أو كلفه فوق طاقتة، أو أخذ منه شيئا بغير طيب نفس فأنا حجيجه يوم القيامة)) ئانکو: هەر کەسەکی زۆردارییی ل کەسەکی ژ ئایینی دی، ئەوین د گەل مە دژین بکەت، یان وی کیم بکەت، یان بارەکی زیدهی شیانا وی لی بکەت، یان بی دلی وی، تشتەکی ژ بستیئت، رۆژا رابوونی ئەز دەعوەداری ویمە.

۷- د ئىسلاميڭدا نابت نه ياره تى د ناڅبه را موسلمان و نه موسلماناندا بيته تاراندن، ل سهر بناخه يى تاييني، چونكى نه وه همى د مروځينيڭدا برانه، و دځيت نه وه د گه ليك بژين و رږي ل ئيكدو بگرن، و مافى ئيكدو نه خون، خودايى مه زن ديڅرت: ((لَا يَنْهَأُكُمُ اللَّهُ عَنِ الَّذِينَ لَمْ يُقَاتِلُوكُمْ فِي الدِّينِ وَلَمْ يُخْرِجُوكُمْ مِّنْ دِيَارِكُمْ أَن تَبَرُّوهُمْ وَتُقْسِطُوا إِلَيْهِمْ إِنَّ اللَّهَ يُحِبُّ الْمُقْسِطِينَ)) (الممتحنة: ۸) ئانكو: خودى هوه ژ وان ناده ته پاش نه ويځ شهري هوه د ديندا نه كرين و هوون ژ واري هوه دهرنه ئيځستين، كو هوون قهنجى و دادبيى د گهل وان بكن، چونكى خودى دادوهره و حه ز ژ وان كه سان دكه ت، نه ويځ دادپه روه ربيى دكه ن.

دان و ستاندن:

چاوا نه م دى شين خوه فيرى دلفره يى بكه ين؟

پسپار:

ده مارگيرى و هه ستا نه ياره تبيى كو دژى دلفره ييځنه، چ زيانى دگه يځنه مروځ و جفاكي؟

پيشنپار:

به حسى به لگه يه كى بكه ل سهر دلفره ييا ئىسلامى د گهل تايينيځ دى، كو ته ل باژيږي خوه ديتبت.

وهرزى دويى

پشكا نيكى

بنه مال و ژيانا بنه مالى
د ديتنا ئيسلاميدا

بنه مال (الأسرة)

بنه مال: گرنګترین دوزګه ها پوره دهیی و جفاکییه و بناخه و بنسترا پیکینانا جفاکییه. ژ دهیاب و زاروګ و نه قیيان پیک دئیت و لاندکا قیان و ریژ و وهرارکرن و دلوقانییییه، و نهدامین وی خودانین کومه کا ماف و ئه رکانه بهرانبهر ئیکدو. مروف ب سروشتی خوه هوومروقه و هز دکهت د گهل غهیری خوه بژیت. دورستکرن بنه مالی قی داخوای ب جه دئیت و مروقی ژ گوشه گیری و تنییاتییی قورتال دکهت و تهنای و ئارامییی دسیپرتی.

۱- پیکینانا بنه مالی د دیتنا ئیسلامیدا:

بی گومان بنه مالی دوره کی مهزن د ژيانا کس و کوماندا هیه، د بنه مالییدا ژن و میر ئیکدو ته مام دکهن و بی ئیکدو نه شین ب تهنای بژین، ههروهسا تاک ژی ب کور و کچقه، ههتا بنه مالی پیک نه ئینن، ههست ب تهنای و ئارامیییه کا بهردهوام ناکهن، نه مازه ئه گهر بارا وان د دورستکرن و سه ری کفه ئینانا بنه مالییدا سه رکه قتن و به خته وهری بت. ههر ژ بهر هندی ئیسلام ژی ب چاقه کی پرپووته و گرنګی، بهری خوه دده بنه مالی و دقیت ل سهر بناخه یه کا راست و موکوم بنستری بو دانت، و ئه رک و مافین نهدامین وی ب جوانی دیار و ئاشکه را بکهت، ههروهسا ب قی ئاویی پاریزکارییی لی دکهت و به هیین وی دپاریژت و وهرای دده تی. ئیسلام ل سهر قی بناخه یی مه بو دورستکرن بنه مال و هه قسه رگیریی پال ددهت.

پیغمبه ر (سلاف لی بن) د قی واریده، دیژت: ((النکاح من سنتی، فمن لم يعمل بسنتی فليس منی))، ئانکو: ژنئینان و شووکرن و هه قسه رگیری ژ ریبازا منه و ههر کسه ی کار پی نه کهت و خوه ژی بدهته پاش، نه ژ منه.

ههروهسا د فهرموده یه کا دیدا دیژت: ((تزوجوا ولا تكونوا كرهبانيه النصارى))، ئانکو: هه قسه رگیریی بکهن و وهکی وان مه سیحیان نه بن، ئه وین پشت دایینه ژيانا دنیای و شووناکن و ژنی نائینن.

ههروهسا پيغه مبهه (سلاف لي بن) د پروويي خورت و گهنجاندا ديژت: ((گهلي گهنجان، ههه كهسي ژ ههوه پي چي ببت و بشيت بلا ژني بينت، چونكي چاف و دههمه نان دپاريژت، نهوين نهشين بينن ژي، بلا روثيان بگرن، يان ژي خوه بگرن ههتا دهليقهيا ژنيان و شووكرني هلكهفت)).

خودايي مهزن خوههرك و بههريا گونهيلي د ههردو ره گهزاندا (نيړ و مي) دورستكريه و ههست دكهن كو وان پيدفي ب نيكدو ههيه و نيكدو تهمام دكهن. نيسلام وهكي هندهك تايينان داخوازي ژ مروفي ناكهت، كو دهستان ژ دنيايي و خوهشيپن وي بهردهت، و ژ وان خوهشيا گونهيلي، بهلكو داخوازي ژي دكهت، في خوههركي د گهل يين دي، د چارچوفي رهوش و بههايين بلندين جفاكي و نارمانجين راستدا و ل دووف شهريهتا نيسلامي تير بكهت.

ههقههركيري و پيكنينا بنه مالي، نهو چارچوفي شهري و ياسايي و نهخلاقيه، نهوي في نارمانجي د گهل كومهكا نارمانجين دي ب جه دينت، مروفي ژ ريدهركهفتن و گونههي دورور ديخت، و وهلي دكهت كو تامي ژ زين و ژياري وهبرگرت و خودايي خوهزي ژ خوه رازي بكهت. ههروهسا د جفاكيذا ژي، ب سهرفرازي بژيت و ناف و ناقدهنگي خوه و يي بنه مالا خوه بپاريژت.

۲- هلبژارتنا ههقههري:

هلبژارتنا هههكيان و ههقههري ژياني، دوزهكا گهلهك گرنگه و پاشهروژا بنه مالي پيغه گريدايييه، بنه مال ژي، دا دهوري ژي داخوازي بگيرت، و ل سههر بناخهيهكا راست و موكوم بيته ئافاكرن، دفيت ژ پيگافا نيكي يا پيكنينا خوه، هزهكا هوورك بو بيته كرن و نهخشه بو بيته دارپتن، چونكي ههه تشتهكي ژ ريغه ب دورستي دهست پي نههاته كرن، پاشتر ههوجهيي هيژ و شيانهكا گهلهك دبت ژ بو راستكرنا وي.

پيگافا نيكي يا بنه مالي ژي، دياركرنا ههقههري پاشهروژييه، ههه ژ بهه هندي نيسلام گهلهك قهوياتيبي لي دكهت، و داخوازي ژ مه دكهت، نهه ژ في ئاليقه هشياريين و بريارا راست بدهين و ب پروويي ب سهرفه، نهئيينه خاپاندين، ئاشكهرايه نهو بناخه و پيشكه ژي، نهوين مروف ل دووف وان ههقههري ژيانا خوه هلبژيژت، گهلهك گرنگن، و نيسلام د في وايدا ريكا دورست نيشا مه ددهت، و گهلهك پيشكان دكهته د دهست مهدا، دا نهه ب سهردا نهچين و ل سههر بنستر و بناخهيهكا دورست ههقههري خوه هلبژيرين، و نهخشهيهكي دورست بو بنه مالهكا بهختهوهر دابريژين.

بناخه و پيشکين هلبژارتنا ههڤسهري د ديتنا ئيسلاميدا:

د - بهرچاقوهرگرتنا ئاييني:

ئيسلام گهلهك گرنگيى ددهته هندى كو خيزان ل سهر بنستر و بناخهيهكا موكوم بيتته ئاڤاكرن، چونكى نه گهر بنستر و بناخهيا وي قاهيم نهبت، نه شيته خوه ل بهر رهشهبايى ئيشك و گرفتارى و گه فين دهرهكى بگرت و ئەندامين خوه بپاريژت، و ههر ژ بهر هندى ژى ئاييني دكهته بناخه و بنسترهكا موكوم و ب هيژ ژ دورستكرن و پيكنينا خوه، و پهيمانا ههڤسهريى ژى د ناڤهرا ژن و ميراندا ب تشتهكى پيروژ دينت.

بهرچاقوهرگرتنا بها و بنستريئ ئيسلامى د ژيانا بنه مالايدا، ههڤسهران دوور دئىخت ژ خيانهتكرنى و وان هانددهت كو پيڤكه ههڤكارين بو دهر بازكرنا ژين و ژيارهكا خوهش و پهروهردهكرنهكا جوان بو زاروكين خوه و پارزتنا تهنهيا بنه مالاين خوه.

پيغه مبهرا (سلاف لى بن) د قى واريذا دييژت: ((تنكح المرأة لأربع، لمالها ولحسبها ولجمالها ولدينها، فاظفر بذات الدين تربت يداك))، نانكو ژن ژ بهر چار نه گهران دئىته ماركرن: ژ بهر دهوله مهندي و مالى وي، يان بنه مالا وي، يان جوانيا وي، يان ژى دينداريا وي، تو ديندارى هلبژيره.

نهڤه ژى هندى ناگه هينت كو زهلام ژنى نه ئينت نه گهر دهوله مهندي بت يان خودانمال و جوان بت. بهلكو مهردم ژى نه وه كهسى خوه ب موسلمان بهه ژميژت، دقيت ههردم ئيك ژ پيشكين گرنگين وي، دينداريا ههڤسهرا وي بت، چونكى وهكى پيشتر مه گوڤتى، بهرچاقوهرگرتنا بهايين ئيسلامى و پيگيرييا ههڤسهرا و ئەندامين بنه مالى ب وان ئهركين موسلمان تهيي نهوين ل سهر ملين وان، بنه مالى موكوم و ب هيژ دئىخت و ئيشك و گرفتاريين بنه مالى كيم دكهت، و هاريكارهكى باشه بو جهنينان و ب دهستقه ئينانا سه قايهكى بهخته وهر و تژى ههست و نهست نازك د بنه مايدا.

ب- رهوشتجواني:

پيشكهكى دى يى هلبژارتنا ههڤسهري، هه بوونا رهوشتى جوانه د دهستنيشانكرن و هلبژارتنا ههڤسهري يان ههڤسهرا پاشه روژيدا، بهرچاقوهرگرتنا رهوشتجوانيى د هلبژارتنا ههڤسهري كچ و كوراندا، گهلهك گرنگه، نه مازه بهرچاقوهرگرتنا رهوشتجوانيى ل دهف زهلامى، چونكى نه گهرى مان و نه مانا بنه مالى، نه وي پهروهردهكرنا ساخلهم و قههسيان، يان تيكدان و نه خوهشى پيڤه

گریدایی، هه‌بوون و نه‌بوونا په‌وشتانه ل ده‌ف هه‌فسهر و نه‌دامین بنه‌مالی، پیغه‌مبه‌ر (سلاف لی بن) د قی واریدا و د فهرمودیه‌کیدنا بنه‌مالان شیرت دکت و دیژرت: ((إذا جاءكم من ترضون دينه و خلقه فزوجوه، الا تفعلوه تكن فتنه فی الارض و فساد کبیر)). (ترمذی و حاکم) قه‌گوه‌ازتییه. ئانکو: ئه‌گه‌ر ئیک هاته کچا هه‌وه و هوون ژ په‌وشت و دینی وی پازی بن بده‌نی (هه‌لبه‌ت پشتی پازی‌بوونا کچکی ب‌خوه)، چونکی ئه‌گه‌ر هوون وه نه‌که‌ن، خرابی و فتنه دی ل سهر پوویی ئه‌ردی به‌لاف بت. ئانکو به‌ری مروّف به‌ری خوه بده‌ته ده‌وله‌مه‌ندی و جوانی و نیاسینی و باوه‌رنامه و هنده‌ک تشتین وه‌کی قان، ژ بو به‌رچا‌قکرنا هه‌فسه‌ری خوه یان یی کوپ و کچا خوه یان یی خووشک و برایی خوه، دقیت به‌ری خوه بده‌ته په‌وشتی که‌سی یان که‌سا به‌رچا‌قکری و هزرا خوه تیدا بکه‌ت. چونکی ئه‌گه‌ر مروّفه‌کی هه‌می تشتین دی هه‌بن، به‌لی ده‌همه‌نیسی ل ده‌ف هه‌بوو، ئه‌ها هنگی ئه‌و نه‌شیت بته هه‌فسه‌ره‌کی باش، چ ژن چ ژمی می‌ر، و دی گه‌له‌ک ئیشک و گرفتاریان بو هه‌فشکی ژيانا خوه و بنه‌مالا خوه په‌یدا که‌ت.

ژ ئالییه‌کی دی، تشتی گرنګ د قی فهرمودیه‌یدا ئه‌وه، کو دینداری ب تنی به‌س نینه بو پازی‌بوونی ب که‌سه‌کی کو وه هه‌فسه‌ر بیته هلبژارتن، به‌لکو تشتی د گه‌ل گرنګ و پیغه‌گریدایی، په‌وشته. مه‌رج نینه ئیک پیشچا‌ف موسلمان ه و دیندار بت و په‌وشتی وی د گه‌ل هه‌فسه‌ری وی مروّفانه و جوان بت، که‌سی چهند موسلمان بت، به‌لی موسلمان‌ه‌تیا وی، کار ل په‌وشتی وی نه‌کرت، و دلپیس و په‌زیل و هه‌ستبریندارکه‌ر و بی‌تبعه‌ت و زمان‌په‌ش و ته‌نبه‌ل بت، ب کیر هندی ناییت وه هه‌فشک و هه‌فسه‌ر بیته هلبژارتن.

پ- ئازادی د هلبژارتنی‌دا:

چونکو ل دوو ف دیتنا ئیسلامی، دقیت بنه‌مال ل سهر بنستر و بناخه‌یا سوژ و قیانی بیته ئا‌قارن، نابت زوری ل ئیک ژ هه‌ردو هه‌فسه‌ران بیته کرن، و نه‌مازه کچی، د ده‌می هلبژارتن و دیارکرنا هه‌فسه‌ریدا. زوری‌ل‌کرن د دانه‌شو و ژنی‌نانی‌دا، نه‌ریته‌کی پاشکه‌فتی و نه‌فامی عه‌شیرکیی به‌ری ئیسلامییه و دقیت نه‌مینت و بیته پ‌اکرن، و د گه‌ل ئیسلامی نا‌گونج‌ت. گریبه‌ستا هه‌فسه‌ریی د شه‌ریعه‌تی ئیسلامی‌دا، گریبه‌سته‌که ل سهر بناخه‌یا پازی‌بوونا هه‌ردو ئالییان دورست دبت، و هه‌ر ب وی پازی‌بوونی ژی ئا‌قا دبت، ئه‌گه‌ر زوری ل ئالییه‌کی بیته کرن، ب هندی گریبه‌ستا ژینگوتی دورست نابت و به‌تاله.

پیغه‌مبه‌ر (سلاف لی بن) دیژرت: ((لا تزوج الثیب حتی تستأمر و لا تزوج البکر حتی تستأذن)) موسلم و بوخاری قه‌گوه‌ازتییه.

قەگۈھازتییە دبیژت: کچەکا گەنج ھاتە دەف پیغەمبەری و گۆتی کو بابی وی بی رازیبونا وی داییە شوو، و ئەو ھەز ناگەت شوو ب وی کەسی بکەت، ئەوی بابی وی بو ھلبژارتی، ئینا پیغەمبەری (سلاف لی بن) مافی ھلەوشاندنا گریبەستی و رازیبوننی ھلبەسارتی، و سەربەستەر د ھلبژارتنا ئیک ژ ھەردویاندا.

ئەبوو ھورەیرە ژ ی قەدگۆھیزت، دبیژت کو کچەک ھاتە دەف پیغەمبەری (سلاف لی بن) و گۆتی: بابی من بی رازیبونا من، ئەزا داییمە برازایی خو، دا شاننی خو پی بلند بکەت. ئینا پیغەمبەری (سلاف لی بن) گۆتی بریار بریارا تەیە، تو دشی ھلەوشینی، ئینا کچکی گۆت: من ری دا بابی خو و ئەز رازیمە ب کریارا وی، بەلی من قیا ژن بزانی کو بایین وان، ماف نینە بی رازیبونا وان، وان ب زۆری بدەنە شوو.

دقیت دەیک و باب د قی واریدا و د قی مەسەلەیا ھەستیارا گرنگدا، ب دلسۆزی سەردەرییی بکەن و ئازادییی بدەنە کوپ و کچین خو، و د ھەمان دەمدا ژ ی، وان راستەری بکەن، و بەری وان بدەنە باشتەین ئاوییی ھلبژارتنا ھەقسەری وان، دا ل سەر بنستەرکا پروکیشکری و سەر قەسەر قەیا سادە و ساکار و د بن کارلیکنا سۆزەکا گەنجانەیا پرووتا، ھەقسەری ژ یانا خو ھلنەبژین، چونکی پیکئینانا بنەمالی بەرپساریییە و دقیت ژ ئالییی جفاکی و دەروونی و فسیۆلۆجیقە ئافاکری و موکوم بت و ببتە ھیلینا بەختەوہری و پەرورەدیا باش، ژ بو جفاک ژ ی ب ھیز و چەلەنگ و وەرارکری بت. کوپ و کچ ژ ی، پیدقییە مشیورا خو ب دەیک و بابان بکەن و مفاپی ژ شیرەت و شارەزاییا وان وەر بگرن.

ت- بەریخوہدان و ناسین و د ئیکدوگەشتن:

ئەو دو کەسین دقین ببنە ھەقسەری ئیکدو، دقیت ئیکدو ببینن و ژ ئیکا دیمەن و مەسەلەیین دیقە، ب دلی ئیکدو بن، ژ نوو بزاقی بو ھەقسەرگییری بکەن و پیگاقان بو باقیزن. رۆژەکی ئیک ژ ھەقال و ھۆگرین پیغەمبەری (سلاف لی بن) داخوازا کچەکی کرپوو، پیغەمبەری (سلاف لی بن) گۆتی: تە کچک دیتیە و ب دلی تەیە؟ گۆت: نەخیر، ئینا گۆت: دی ھەرە ببینە، چونکی ئەقە پیدقییە ژ بو کو ھەقەندییا ھەقسەرییا ھەوہ د گەل ئیکدو بەردەوام ببت، ناسین و د گەل ئیک ئاخفتن و پیکگۆھارتنا بیر و رایان د گەل ھەقدو، ئەقە ھەمی، ئەگەر مەرەم ژ ی ھەقسەرگییری بت و ژ چارچۆقی پیقک و رەوشتین ئیسلامی دەرەنەکەشن، دی خزمەتا پرۆسەیی

هه قسه رگيرییی کهن، دا پیکئینانا بنه مالی ل سهر بناخهیی رازیبوون و د ئیکدوگه هشتینیدا بت، نه ل سهر بنسترا سۆز و دیتنا سهرقه سهرقه بیته ئاڤاکرن، و مهردم ژئی نه تنی تیژکرنا غه ریزهیا جنسی بت، به لکو جهئینان و پهیدا کرنا ژین و ژیاره کا تهنا و تژی خیر و خوهشی و سۆز و هاریکاری. به لی چونکو بهری ههر تشته کی، ئیسلام وهك مروف بهری خوه ددهته ژنی، نابت ئهولهیی بو مهسهلهیا جوانیی بیته ئیخستن و ههر تشتهك د جوانییا ویدا بیته کورترکرن.

ج- هه قپاکی:

ئانکو ههردو هه قسه ر دهندهك ئالیاندا نیزیکی ئیکدوبن و ههندهك جودایی نهبنه ئه گهری پهیدا کرنا نه لیکیا بنه مالی و کیمکرنا ههستکرنی ب سۆز و بهخته وهرییی د ناڤهرا واندا، ئاشکه رایه ژئی کو د ئیسلامیدا چینایه تی نینه و مروف بهرانبهری خودی و یاسایا ئیسلامی یه کسانن، به لی د هه مان ده میدا، بهرچاقوه رگرتنا هه قکووفییی ل دووف دهم و سهردهم و جهین جودا بو پیکئینانا بنه مالی گرنکه، هه قکووفی ژئی پتر زهلامی دگرت، نه ژنی.

ئانکو ههر ژنهك، ئاستی وی چاوابت، هه قکووفا ههر زهلامه کییه، خوه پیک و پایهیا زهلامی چهند بلند ژئی بت، مه خسه د ژ بهرچاقوه رگرتنا قی خالی ئه وه، دا مروف ژ بو بنه ماله کا تهنا و تهسهل پیکبینت، بزاقی بکهت، ئاستی جقاکی و رهوشه نبیری و ئابورییی وی بنه مالی، ئهوا خزمانییی د گهل دکهت، بهرچاف وهربگرت و دا جودایی د ناڤهرا ههردو بنه مالاندا گهلهك نهبت، و دا هه قگوری و گونجانه کا باش د ناڤهرا ههردو ئالیاندا ههبت.

دان و ستاندن:

لاوازبونا بنه مالى چ رهنگفه دانا خراب ل سهر ژيانا ئه ندامان و جفاكى ههيه؟

فه كولان:

دهورى خورت و لاوان د بهخته وهركرنا بنه مالا واندا چيه؟

پسيار:

۱- ئهري زوريكرن ل كور و كچان، د مهسه لهيا ژننيان و شووكرنيدا، د گهل ئيسلامى گونجاييه؟

۲- دقيت ئه م ل سهر چ بنستر و بناخه يى هه قسه رى ژيانا خوه يا پاشه پروژى هلبژيرين؟

گرنگيا بنه مالى و نهركين وي د ئيسلاميدا

ناشكهرايه، ئيسلام پووتهيه كى ئىكجار مهزن ددهته بنه مالى، و ژ بهر هندى، رى و نيشادانين خويين تاييبت هه نه، هه ر د سه رى پىكهاتنا بنه مالىدا، هه تا دگه هته ريك و پىككن و ب سه روبهركنا هه قبه ندييان د ناقبه را نه نامين ويدا.

د ديتنا ئيسلاميدا، نه و بنه مالا خودايى مهزن بپهريست و پىقكىن ئيسلامى، ژ بو بهخته وهرييا نه نامان، ل سه ر بينه چه سپاندن، دقيت گه لهك نهركان ب جه بينت، پووته و نهركين بنه مالى ژى ل گور ديتنا ئيسلامى، د قان خالين خواريدا ديار دبن:

ئيك- دابينكرنا تهناهي و خوه شيبى: نهركى بنه مالى يى ئيكى، ل گور ديتنا ئيسلامى نه وه كو بته ناخ و كاخ و جههك بو خوه شيبا دهروونييا دهيباب و زاروكان، خودايى مهزن ديترت: ((**وَاللّٰهُ جَعَلَ لَكُم مِّنْ يُوتِكُمْ سَكَنًا**)) (النحل ٨٠)، ئانكو: خودايى مهزن مالين هه وه كرينه ژيديرى تهناهي و خوه شيبى، تشتى ژيان و تهناهي و ناشتى و خوه شيبى ددهته مالى بنه ماله.

خودايى مهزن كا چاوا مالين مه بو مه كرينه جهى قهحه ويانى، نه ها وه سا هه قبه ندييا هه قسه رگيريى، كرينه ژيديرى تهناهييا دلى و خوه شيبا دهرووني، ههروهكى نه و ب خوه ديترت: ((**وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا**...)) (الروم ٢١). ئانكو: ئيك ژ نيشانين خودايى مهزن نه وه كو مروف ژ دو ره گهزان چىكرىيه، دا ب ريك پىكتينانا بنه مالى و گريدانا هه قبه ندييا هه قسه رگيريى د گهل ئيك دو، هه ر ئيك بته ژيدير و سه ره كانيبا تهناهي و بهخته وهريى بو يى دى، هه ر وهكى خودايى مهزن ديترت: ((**هُوَ الَّذِي خَلَقَكُمْ مِنْ نَفْسٍ وَاحِدَةٍ وَجَعَلَ مِنْهَا زَوْجَهَا لِيَسْكُنَ إِلَيْهَا**...)) (الأعراف ١٨٩). ئانكو خودايى مهزن نه وه نه وي هون ژ ئيك توخمى دورستكرين، هه ر ژ وي توخمى، هه قسه ر ژى بو چىكر، دا د بن سيبه را ئيكدودا تهنا بژين.

نه ف خوه شى و تهناهييه ژى، ب هندى ديتته جهينان، گاڤا نه نامين بنه مالى ژ ئيك دو پشتراست بن، و وان هه مى تشتين دبنه ژيديرى نه ليكى و كه رب و كينى بدهنه ره خه كى، و پىكولى بكهن، سه قايه كى تژى خوه شى و تهناهي و بهخته وهري بو خيزانا خوه پهيدا بكهن.

د دیتنا ئیسلامیدا ژن و میر ئیکدو تەمام دکەن، کەس ژ وان بێ یی دی تەناهییا دورست ب دەست خوەفە نائینت، مرؤف هندی بنەمالی پیک نەئینت، هەست ب کیماسی و قالاتییا دەروونی و جفاکی دکەت، ب کاری قی هەقبەندییا باش، ئەوا د ناقبەرا ژن و میراندا، مال وەراری دکەن و جفاک ژی پێش دکەفت.

هەقبەندییا ژن و میران د بنەمالیدا، دقیت بگههتە ئاستەکی وەسا کو هەردو وەکی گیانەکی لی بین، هەست و ئارمانج و خەمین هەقشک هەبن، و هەر ئیک ژ وان حەز و بەختەوهری و کەساتی و خوەشییا یی دی بەرچاڤ وەربگرت: ((... هُنَّ لِبَاسٌ لَّكُمْ وَأَنْتُمْ لِبَاسٌ لَّهُنَّ...)) (البقرة ١٨٧). ئانکو: ژنن هەوە بو هەوە کراسن و هوون ژی بو وان کراسن، کراس و جلك مرؤفی ژ گەرمی و سارمایی (سەرمايي) و نەخوەشییی دپاریژت و جوانییی دسپیرتە لەشی مرؤفی، هەقسەر ژی دقیت رۆلی کراسی بو ئیکدو بینن و ببە ژیدەری دلخوەشییا ئیکدو و هەقدو جوان بکەن، ئەقەژي هندی دگەهینت کو بنەمال نە جەیی مەلەلانی و ستوچەماندن و نواندنا هیژ و دەستەلات و خوەراکیشان و پشتتیکرنییە، بەلکو کۆش و هەمیژا رەوشت و وەفا و قیانییە.

دو- دابینکرنا سۆز و دلۆقانیی: ئەرکەکی بنیاتییی دی یی بنەمالی، بەردەستکرنا سۆز و قیانییە بو ئەندامان. تشتی دبتە هیقینی ژیانەکا بەختەوهر بو بنەمالی، هەستکرنا ب گەرمییا وی سۆز و دلۆقانیی، ئەوا بنەمال ددەتە مرؤفی و چو دەزگەهین دی پی چینابت وەکی بنەمالی قی رۆلی ئەنجام بەن. مرؤف دەمی د ژیانیدا هەست ب وەستیانی دکەت یان دوەستت، پیدفی قەهەسیان و بینقەدانی دبت، ژ بەر هندی دەمی قەدگەرته ناف بنەمالی، مافی وییە هەست ب قیانەکا پاک و گیانەکی تژی دلۆقانی بکەت. دقیت دەیک و باب و زارۆک ژی تیکدا هاریکارییا ئیکدو بکەن، دا بنەمالا وان تژی بت ژ قیان و هەستی نازک و سۆز و دلۆقانییا پاقر، خودایی مەزن د قی واریدا دیژت: ((... وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِّقَوْمٍ يَتَفَكَّرُونَ)) (الروم ٢١).

ئانكۆ: خۇدائىي مەزن سۆز و دلوۋقانى د ناۋبەرا ھەودا - د ناۋبەرا ژن و مېراندەك دو ھەقسەر-
 دورست كرىيە، ئەفەزى بەلگە و نىشانن بۇ وان كەسىن ھزرىن خوە دكەن. د دىتنا قى ئايەتیدا، ئەو
 بىنەمال ب بىنەمال دىتە دانان، و خۇدائىي مەزن ژى رازىيە، و ل سەر بناخە و بىسترا ئىسلامى
 ھاتىيە ئافاكەرن، ئەوا كۆش و ھىمىزا سۆز و قىيانى بىت، ژن و مېر و سەرانسەرى ئەندامىن وى، د
 گەل ئىكەدو دلوۋقان بىن و ئىكەدو بىقەن و دووربىن ژ توند و تىژى و وان نەلىكى و ئارىشەيىن كۆ تەناھى
 و بەختەوھرىيا بىنەمالى تىك ددەن و پوۋچ دكەن.

ھەر بىنەمالەكا ستەم تىدا ل ژنى بىتە كرن و توند و تىژى د گەل وى و زارۋكان بىتە كرن ژ
 بەرى زەلامىقە، يان ژى زەلام تىدا زىباربىت ژ سۆز و ھەستى پاك و نازكى ژنى، ئەو بىنەمال ژ
 رى و نىشانىن ئىسلامى دوورە و ژيانا ئەندامىن وى تەحل و تارىيە و ژ فەرمانىن خۇدائىي مەزن
 دەرکەقتىيە، چونكى ھەر كەسەكى - ژ ھەقسەر و زارۋكان - كارەكى بىكەت كۆ تەناھىيا بىنەمالى
 تىك بەدەت، ئەو ب قى كارى خوە، دژى داخواز و فەرمانا پەرۋەردگارى راۋەستايىيە و رېژل مافى
 ئەندامىن دى يىن بىنەمالا خوە نەگرتىيە، چونكى پىدقەيە ئەندامىن بىنەمالى ئەركىن ل سەر مىلى
 خوە بەرانبەرى ئىكەدو ب جەھ بىنن، و رېژى ل مافى ئىكەدو بگرن و ھەمى ھەست ب رېژ و رۋومەت
 و كەرەمەتا خوە بىكەن.

سى- پەرۋەردەكرنا زارۋكى: ئارمانج ژ دورستكرن و پىكىننا بىنەمالى، چىكرنا دووندەھ و بەرەبابەكى
 باش و رەۋشپاكە، دا تاك ب تەناھى پىكقە بژىن، و رېژى ل ئىكەدو بگرن، و ھەر ژ بەر ھندى،
 ئىك ژ گىرنگىرەن ئەركىن بىنەمالى، پەرۋەردەكرنا زارۋكىيە ژ بەرى دەيك و بابانقە، و ديارە ژى كۆ
 ئىك ژ ئارمانجىن ھەقسەرگىرىيى، رانانا دووندەھىيە ژ بۇ بەردەوامبونا ژيانى و رەگەزى مەۋقى
 ل سەر رۋوبى ئەردى، لى بەلى ئەركى دەيك و بابان ل رانانا زارۋكان و خۇدانكرنا وان ب دووماھى
 نائىت، بەلكو ئەفە ھەمى بى پەرۋەردەكرنەكا راست و دورستا زارۋكى، ئارمانجا دورستا بىنەمالى
 ب جەھ نائىت و ناھىگىقت. د دىتنا ئىسلامىدا، دقەت بىنەمال بىتە قوتابخانەيەك بۇ بەرھەقكرنا
 بابكەكى باۋەردار و ھىشار و خىرخواز، و قورئان دەيك و بابان فىر دكەت كۆ زارۋكىن خوە ب ئاۋايەكى
 ۋەسا پەرۋەردە بىكەن، پى ب چاڭ و گاڭ بىكەقن و بەرى وان بىكەقتە خۇدىناسى و قەنجىكارى و
 خزمەتكرنا جىقكى، ھەر ۋەكى قورئاننى دياركرى: ((وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا
 قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا)) (الفرقان ۷۴).

ئانكو: ئەوين دوعا دكەن و دېژن خوديۆۋ بىنەمال و دووندىھەكا وەسا بدە مە كو بىنە بىناھىيا چاقىن مە، و مە بىكە رېبەر و سەركىش بۆ خوەشمروۋقان.

ئانكو بىنەمالى د ئىسلامىدا پىكەكا پىرۆز ھەيە و سەخمەراتى كۆمەكا ئارمانجىن بلند و پىرۆز ھاتىيە دورستكرن، و ھەر ژ بەر ھندى، ئىسلام داخوازى ژ موسلمانى ژى دكەت كو ب گىرنگى بەرى خوە بدەتى و ب قى رىكى ژى، ئەو ب خوە بەختەوېرن و خزمەتا جقاكا خوەژى بىكەن و رىكى ل لاوازى و ھلوشيانا بىنەمالى بگىر و سىنگى وان ھەمى بانگ و گازىيىن نەراست بگىر، ئەوين پىك و پاىھيا بىنەمالى كىم دكەن و بىرپىزىيى د راستا سىنج و بەھايىن وىدا ديار دكەن، يان داخووزا ھەرافتن و ھلوشاندنا وى دكەن، چونكى لاوازى و فرەوتىبونا بىنەمالان، گەلەك نەخوەشى و گىرەتارىيىن جقاكى ب دووقەنە، ژ وان:

۱- زارۋوك بەدەدە (مىشرد) دىت و بەرھىنگارى كۆمەكا دياردەيىن ب ترس وەكى مادەيىن نەھشكەر و قەخوارنى دىت و ژ بەرى ھندەك دەستەكىن مافىاقە، بۆ كارىن ب ترس و بەدەرەشت دىنە كارىنان.

۲- نەمانا قىانا دورست و راستانى د ناقبەرا ژن و مىراند ب ئاوايەكى وەسا كو بشىن ژيانەكا دۆمدرىژ پىكقە دەرباز بىكەن.

۳- زاقىبونا (زەھىبونا) نەخوەشىيىن دەروونى و ھەستكرن ب تىنياتى و خودووك (قلق) و ترسى .
۴- لاوازىبونا ھەقبەندىيىن جقاكى، كو ئەقەژى گىيانى ھارىكارىيى كىم دكەت و ھە ل تاكان دكەت كو ھەست ب تىنياتى بىكەن و نەشىن ل دووق پىدقى و ھەوجەيىي، تامى ژ ژيانى وەربگىر.
ژ بۆ كو ئەم رىكى ل قى چەندى بگىر و بىنەمالىن مە بىنە جھەك بۆ پەرورەدە و قەھەسىيان و وەراركىنا ئەقل و ھىز و سۆز و قىيانى، پىدقىيە ھەمى تىشتىن پىشتەر ھاتىنە بەھسكىر، بەرچاڭ بىنە وەرگىر.

ئەركى خۆرت و لاوان ژى د قى وارىدا گىرنگە، و دقەت رەفتارى وان ب ئاوايەكى وەسا بت، كو د گەل ئارمانجىن بىنەمالەكا موسلمان و ھەچەرخدا گونجايى بت. ھەر كار و رەھشت و رەفتارەكى بىتە ئەگەرى تىكدانا سەقايى تەناھىيا بىنەمالى، يان ناڧ و دەنگى وى لەكەدار (عەيىدار) بىكەت، پىدقىيە ژى دوور بىكەقن، دا ھارىكارىيا دىك و باب و بىنەمالىن خوە بىكەن، و پىكۆلى بىكەن بىنەمالىن خوە بىكەنە بىنەمالىن نمونەيى و بژارە، ئەو بىنەمالا ژ شەر و قەرقەشە و گىرەتارىيان قالا و د بن سىبەرا تەناھى و قىانىدا و ئەندامىن وى د گەل ئىكدو دىم قەكرى و دەڧ ب كەن و خودانپىژ و

ب زمانه کی خوش ئیکدو دئاخښن، ههروهسا ریږی ل بیر و بوچوونین ئیکدو دگرن و هاریکاریا ئیکدو دکهن.

نهرک و مافین نهندامین بنه مالی د دیتنا ئیسلامیدا

دا کو بنه مال بهردهوام ببت و پوولی خوه یی دهروونی و جفاکی و پهروهدهیی ب پهنگی پښتر هاتییه بهحسکرن ببینت، ئیسلامی پیکول کرییه، نهرک و مافین نهندامین وی دهستنیشان بکهت. و چونکو بنه مال ژ دهیک و باب و زاروکان پیک دیت، دقیت نهرک و ماف هممیان فهگرن و ژ هممیان بگرن. و ژ نهرکی موسلمانانه و پهوشتانهیی ههراکهکی بنه مالییه، نهرکین سهر ملی خوه ب جوانی بهرانبهه نهندامین دی یین بنه مالا خوه نهجام بدهت و ریږی ل مافین وان بگرت، و ژ مافین خوه ب خوهژی بیبار نهبت. بو باشر پونکرنا قان ماف و نهرکان، ل ئیره نهم دی پیکولی کهین ب کورتی بهحس ژی بکهین و بدهینه بهر چافین قوتابییین خوه یین خوشقی:

نیک - مافین ژن و میران بهرانبهه ئیکدو: د ئیسلامیدا ژن و میران گهلهک ماف ل سهر ئیکدو ههنه، و نابت کهس ژ وان مافی شهرعی و یاسایییه ههقههری خوه بنپی بکهت، چونکی بهرچاقوهرنه گرتنا مافان دی بته نه گهری تیکچوونا ههقهبندییان و کیمبونا تهنای و قیانی د بنه مالاندا، مافی ههر ههقهسهرهکی ژی ل سهر یی دی، نهرکه ل سهر یی بهرانبهه. د ئیسلامیدا دقیت ب قیان و دلوقانی و ریږگرتن، سهردهرییی د گهل ئیکدو بکهن و ژ زقزی و توند و تیژی و بهرچاقوهرنه گرتنا مافین ئیکدو دووربن.

دان و ستاندن:

ل دووف وان نهرکین بنه مالی نهوین هاتینه بهحسکرن، بهحسی هندهک ژ گرفتارییین مه یین نهو بکه.

هزرکرن:

بنه مالا بهختهوهر ل سهر چ بناخه و بنستری درست دبت؟

پوولی بنه مالی د بهختهوهرکرن خورت و لاواندا چیه؟

دوو — مافین زاروکی د بنه مالیدا

مافی زاروکی ل سهر دهیک و بابان

زاروکی د ئیسلامیدا ژ دهرقه و ناقدهیی بنه مالی گه لهک ماف هه نه
دهیک و باب دقیت فان مافین زاروکی بهرچاف ودریگرن و بنپی نه که ن

ژ گرنگترین وان مافان ژي نه فین خوارینه:

۱- ئاهه ننگیران ب هله که قتنا بوونا وی: د ئیسلامیدا دقیت بنه مال و دهیباب ب ئاهه ننگ و
خوهشی پيشوازییا بوونا زاروکی بکه ن و ب ئیک ژ نیشانی خیر و خوهشییی ببینن. و د قی چهندي
ژیدا دقیت جودایی د ناقبه را کور و کچاندا نه بت، دهرپرینا خوهشییی ب هله که قتنا بوونا کوری و
دلنه خوهشبوون ب بوونا کچی - کو مخابن هه تا نهو ژي شوونمایین وی دئینه دیتن - پشکه که
ژ رهوشتی نه فامی بهری ئیسلامی و خودایی مه زن د قورئانیدا ب دژواری قی بیر و هزر و
سهردهرییا نه ئیسلامی له که دار دکه ت و دیژرت: ((وَإِذَا بُشِّرَ أَحَدُهُم بِالْأُنْثَىٰ ظَلَّ وَجْهُهُ مُسْوَدًّا وَهُوَ
كَظِيمٌ ﴿٥٨﴾ يَتَوَارَىٰ مِنَ الْقَوْمِ مِنْ سُوءِ مَا بُشِّرَ بِهِ أَيُمْسِكُهُ عَلَىٰ هُونٍ أَمْ يَدُسُّهُ فِي التُّرَابِ أَلَّا سَاءَ مَا
يَحْكُمُونَ ﴿٥٩﴾)) (النحل ٥٨ - ٥٩)، ئانکو دهمی مزگینییا کچی دگه هته ئیک ژ وان، سهر
و چاف لی تیك دچن و رهشقه دبن و که ربگرتی و خه مگین دبت، ژ بهر نه خوهشییا مزگینییا
گه هشتییی، هزین خوه دکه ت، کا بهیلت کو ببه ژیده ری سهرشوریی یان ژي ب ساخی بنناخ
بکه ت؟ ب راستی دادوهرییه کا خرابه و حوکه کی نه د پیدایه. ئەف وینهیی قورئان بو مه بهرچاف
دکه ت، وینهیی که سه کی نه فام و پاشکه قتییه ژ سهردهمی نه فامییا عه ره بان.

د ئىسلامىدا كۆپ و كىچ ھەردو مەۋقۇن، و ھەردوكان كەرامەتا خوە ھەيە و مەۋقۇنىيا كەس ژ وان ژ يا يى دى پتر نىنە. ئىسلامى ھەر ژ رېئە و سەخمەراتى كىمكرنا فى نەرىتى پاشكەقتىي كەفن، ئەقى د وەختى خوەدا، رېژ و بەيى ژنى كىم دكر و پەۋىي خوە ل بوونا وى قەنەدكر و خىرھاتن پى نەدكر، بزاف كرىيە، قان دياردەيان نەھىلت و باۋەردارىيا مۇسلمانان بەرخزمەت بكەت ژ بۆ ھنگاقتنا فى ئارمانجى، و ۋەك رېخوۋەشكرن بۆ ئەنجامدانا فى مەرھەما پىرۆز، خودانى و دلۇقانى د گەل كىچى و خوۋشكى كره قەنجىيەكا مەزن و ئىك ژ ئەگەرىن چوونا بەھەشتى، دا ب فى رېكى مۇسلمانان ھان بەدەت كو ب دلخوۋەشىيەكا زىدە، پىشۋازىيا بوونا كىچان بكەن. پىغەمبەر (سلاڤ لى بن) د فى وارىدا دىيژت: ((من عال جارية، دخلت أنا وهو الجنة كهاتين وأشار باصبعيه)). ھەرۋەسا گۆتىيە: ((من كن له ثلاث بنات أو ثلاث أخوات فاتقى الله وأقام عليهن كان معى فى الجنة - وأوما بالسبابة والوسطى)) (مۇسلىم و ترمذى قەگوھازتىيە). ئانكو: ھەر كەسەكى سى كىچ ھەبن، ب خەم سەرەگوھى و خودانىيى ژى بكەت، ژىن و ژىارى بۆ وان بەردەست بكەت، سەخمەراتى وان دى چتە بەھەشتى، و د فەرمۇدەيەكا دىدا ھاتىيە، مە گۆت: دو ژى ھەبن، گۆت: ئەرى دو ژى، مە گۆت: ئىك ژى، گۆت: ئىك ژى.

ھىژايى گۆتىيە، پىغەمبەرى مەزنى ئىسلامى (سلاڤ لى بن)، دوۋندەھا وى تنى كىچ بوون و رېژ و قەدرەكى گەلەك مەزن ددا كىچا خوە فاتىمىي، ھەر دەمەكى ب سەردەدان دەھاتە مالبابا خوە، پىغەمبەر (سلاڤ لى بن) ب بەرقە رادبوو، و سەرملى (عەبايى) خوە كو گەلەك ل دەف ب قەدربوو، بۆ رادئىخست، و ئەنىيا وى ماچ دكر و دگۆت: ((فاطمة بضعة منى، فمن أغضبها فقد أغضبني)). ئانكو: فاتىما پرتەكە ژ جەرگى من، ھەر كەسەكى وى بىششىنت، ئەو من دىششىنت.

۲- ناڧلىكرن و ھلبژارتنا ناڧى خوەش: ئىك ژ رى و رەسمىن بوونا زارۋكى د ئىسلامىدا، ناڧلىنەنە، دەيك و باب ل گۆر شىان و پىچىبوونا خوە، دڧىت سەرەكى كو دىيژنى (عەقىقە) بۆ زارۋكىن خوە بدن، و د رۆژا ھەفتى يان يا چاردىدا ژ بوونا زارۋكى، دڧىت گازى دۆست و نىاسىن خوە بكەن و د گوھى زارۋكى خوەدا بانگ بدن و ناڧەكى لى بكەن، پىدڧىيە ئەو ناڧى ل زارۋكى دىتە كرن

خویش بت، و دەمى ئەو زارۋكە مەزن دېت، ژى شەرم نەكەت و پى ھەست ب كىماسىيى نەكەت.

۳- **قيان و دلۇقانى:** پىدقىيە دەيك و بابان زارۋكى خوە گەلەك بقیّت، و ب نەرمى و دلۇقانى سەرەدەرىيى د گەل بکەن و ژ مافى زارۋكییە ژ ھەزژىكرن و قيانا وان دەيك و بابان بى بار نەبت. ھەستكرنا زارۋكى ب قيان و دلۇقانىيا دەيك و بابان، رۋلەكى گرنىگ د ھندىدا ھەيە، كو زارۋك ھەست ب تەناھى و خویشىيى بکەت و ب ئاوايەكى راست و دورست پەرورەدە ببت و ژ رىدەرکەقتن و نەتەناھىيا دەروونى بىتە پارزتن. زارۋك ديارىيا خوديىيە و دقيّت بىناھى و رۋناھىيا چاقيّن دەيك و بابان ژى بت. مخابن ژ بەر نەشارەزايىيى د ئىسلامىدا و ژ بەر ھندەك نەريّتىن پاشكەقتىيىن جقاكى، ھندەك باب خویش زارۋكىن خوە، نەمازە كچان، ھمىز ناكن و نادەنە بەر سىنگى خوە و قيانا خوە بۇ وان دەرەھى ناكەن. ھەر چەندە پىغەمبەرى (سلاڤ لى بن) ئەفە وەك نىشانا دلرەقى و لاوازييا باوهرى دانايىيە، و ئەو ب خویشى د ژيانا خوەدا ب دورستى بەروقاژى ھندى بوو، پىغەمبەر ژ بلى زارۋكىن خوە ب خوە، د گەل نەقيىن خوە و زارۋكىن دى ژى، گەلەك نەرم و دلۇقان بوو، و يارى د گەل وان دكرن و ئاخقتىن خوەش بۇ وان دكرن، (ھەسەن و ھسین) نەقيىن وى، ل سەر نقيژى د چوونە سەر ملین وى و يارى پى دكرن، ئەوى ژى ژ بەر ھندى دا دلخ وان نەشكىت، و يارىيا وان تىك نەچت، ھەتا ئەو ب خوە ژ سەر ملین وى نەھاتبانە خوار، سەرى خوە ژ سوجدەيى رانەدكر، ھندەك جاران ل چوون و رابوونا سوجدەيى، زارۋك ل سەر ملان بوون، د گەل خوە رادكرن و ددانان. رۋژەكى ئىك ژ ھەقال و ھۆگرىن وى، ئەو د رەوشەكا وەكى قىدا دىت، ئىنا گوتى: من ھەتا نھۆ زارۋكەكى خوە ماچ نەكرىيە و ھمىز نەكرىيە، پىغەمبەرى ژى (سلاڤ لى بن) گوتى و تىگەھاند كو ئەفە نىشانا دلرەقيىيە، و زەحمەتە باوهر و دلرەقى ژى، پىكفە د دلەكىدا كۆم بىن. قيان و دلۇقانى ژى، بەروقاژى شكاندن و سەرەدەرىيا خراب و توند و تىژىيىيە، و ھەر ژ بەر ھندى، پىدقىيە دەيباب رىژى ل بىر و بۇچوونىن زارۋكىن خوە بگرن و نەئىشىنن و دلىن وان نەشكىتن.

۴- **دادپەرورەرى كرن د ناقبەرا زارۋكاندا:** ئەركى دەيبابانە ب دادپەرورەرى سەرەدەرىيى د گەل زارۋكىن خوە بکەن و ئىكى د سەرەگوھى و نازداركرنىدە، ب سەر بىن دى نەئىخن. چونكى ئەفە زيانەكا مەزن دگەھىتتە پەرورەدە و رەوشا دەروونىيا زارۋكى، و پىدقىيە ئەم بزانن ژى كو د قى وارىدا كچان ژى ھەمان مافى كوران ھەيە و تى ھەيە زىدەتر ژى ھەبت. ئىمامى بەيھەقى ژ (ئەنەس)

قه دگو هیژت دیژت: زهلامهك ل دهف پیغه مبهري (سلاف لی بن) یی پروونشتی بوو، کورپه کی وی یی بچووك هاته دهف و وی ژي ماچکر و کره د کؤشا خوهدا، پشتی هنگی کچه کا وی ژي هاته دهف، ب تنی دهستی وی گرت و دانا رهخ خوه، ئانکو نه ماچکر و نه کره د کؤشا خوهدا، دهمی پیغه مبهري (سلاف لی بن) ئهفه دیتی، گوته کابرایي: ته دادپهروهري د ناقبهرا واندانه کر. پیغه مبهري (سلاف لی بن) د فهرمودهیه کا دیدا و ههر د قی واریدا دیژت: ((ساووا بین اولادکم فی العطية ولو فضلت أحدا علی أحد لفضلت النساء)) ئانکو: ب یه کسانى دیارییان بو زارپوکین خوه بکرن، ئه گهر من ئیک ب سهر ئیکى ئیخستبایه، ئه ز دا کچان ب سهر کوران ئیخم.

ئهفه ژي هندى دگه هینت کو ئه گهر د کرینا دیارییدا بارا کچی ژ یا کوری زیده تر نه بت، ب چو رهنگان نابت ژ یا وی کیتر بت، چونکی ئیسلام ب ئیک چاقی بهری خوه ددهته ههر دوکان، و ل سهر بنسترا ره گه زی جوداییی نائیخته ناقبهرا وان.

۵- مافی خواندن و فیربوونى: ئیسلام پووتهیه کی مهزن ددهته خواندن و ب دهست ئیخستنا زانیارییان و داخوازا زانیاری و فیربوونى کرییه ئیک ژ ئه رکین سهر ملی موسلمانان. پیغه مبهري (سلاف لی بن) دیژت: ((داخوازا زانیاری و فیربوونى ئه رکه ل سهر ملی ههر ژن و زهلامه کی موسلمان)).

ژ بهر هندى ئه رکی دهیابانه، زارپوکین خوه بدانه بهر خواندن و ژ بو بهردهوامی پیدان و ته مامکرنا وی، هاریکارییا وان بکه ن. ههر وهسا پیدقییه بزاقی بکه ن ژ بو سهقایه کی خوهش بو کور و کچین خوه بهردهست بکه ن، دا د خواندنا خوهدا سهرکهفتی بن و پاشه پرۆژه کا گهش و خوهش ب دهست خوهفه بینن و خزمه ته کا بهرچاچ پیشکیشی خوه و مللهت و وهلاتی خوه بکه ن.

دان و ستاندن:

ئهم چاوا دی شین د ناف بنه مالیدا ب مافین خوه شابین و رۆلی مه د قی واریدا چیه؟

پسیار:

د ئیسلامیدا زارپوکی گهلهك ماف ل سهر بنه مالا خوه هه نه، وان مافان چ کارلیکرن ل سهر پهروه ردهبونا وی هیه؟

ئەركى زارۆكى بەرانبەرى دەيك و بابان

ناشكەرايه كو دەيبابان د ئىسلامیدا پىك و پەيسكەكا مەزن ھەيه، ئىسلام داخوازى ژ مروڤى دكەت ب ئاوايهكى گەلەك جوان و خشكۆك سەرەدەريىي د گەل دەيك و بابان بکەت و ئەركىن ل سەر ملین خوه، بەرانبەرى وان دورست ئەنجام بدەت. گرنگترین ئەو ئەركە ژى ئەقین خوارینە:

۱- قەنجیکرن د گەل وان ب ھەمى رامانین قەنجیى، خودایى مەزن دیژت: ((وَأَعْبُدُوا اللَّهَ وَلَا تُشْرِكُوا بِهِ شَيْئًا وَبِالْوَالِدَيْنِ إِحْسَانًا وَبِذِي الْقُرْبَىٰ وَالْيَتَامَىٰ وَالْمَسَاكِينِ وَالْجَارِ ذِي الْقُرْبَىٰ وَالْجَارِ الْجُنُبِ وَالصَّاحِبِ بِالْجَنبِ وَابْنِ السَّبِيلِ وَمَا مَلَكَتْ أَيْمَانُكُمْ إِنَّ اللَّهَ لَا يُحِبُّ مَنْ كَانَ مُخْتَلًا فَخُورًا)) (النساء : ۳۶)، ئانكو: خودى بپەریسن و ھەڤشكان بۆ پەیدا نەكەن، و قەنجیى د گەل دەيبابان خوه بکەن... قى ئايەتى، قەنجیکرن د گەل دەيبابان، ب چینهکرن ھەڤشكانقە گریدا بۆ خودى، ئەڤەژى زیدەگرنگیا قەنجیکرن ژيگوتى دیار دكەت.

۲- گوهدانا فەرمانین وان یین باش و گوهدارییا وان: د ئىسلامیدا دقیت د تشتى قەنج و باشدا، زارۆك گوهدارییا دەيبابان خوه بکەت، خودایى مەزن، ل سەر زمانى لوقمان دەمى شیرەتى ل کورى خوه دكەت، دیژت: ((وَإِذْ قَالَ لُقْمَانُ لِابْنِهِ وَهُوَ يَعِظُهُ يَا بُنَيَّ لَا تُشْرِكْ بِاللَّهِ إِنَّ الشِّرْكَ لَظُلْمٌ عَظِيمٌ) (۱۳) وَصَيَّنَا الْإِنْسَانَ بَوَالِدَيْهِ حَمَلَتْهُ أُمُّهُ وَهْنًا عَلَىٰ وَهْنٍ وَفِصَالُهُ فِي عَامَيْنِ أَنِ اشْكُرْ لِي وَلِوَالِدَيْكَ إِلَىٰ الْمَصِيرُ) (۱۴) وَإِنْ جَاهَدَاكَ عَلَىٰ أَنْ تُشْرِكَ بِي مَا لَيْسَ لَكَ بِهِ عِلْمٌ فَلَا تُطِعْهُمَا وَصَاحِبْهُمَا فِي الدُّنْيَا مَعْرُوفًا وَاتَّبِعْ سَبِيلَ مَنْ أَنَابَ إِلَيَّ ثُمَّ إِلَيَّ مَرْجِعُكُمْ فَأُنَبِّئُكُمْ بِمَا كُنْتُمْ تَعْمَلُونَ) (لقمان ۱۳ - ۱۵).

ئانكو: چیرۆكا لوقمان بۆ وان بیژە دەمى کورى خوه شیرەت کرى و گوتیى: کورى من چو ھەڤشكان بۆ خودى چینهکە، ب راستى چیکرن ھەڤشكان بۆ خودى ستەمەکا مەزنە. و مە ئەمرى مروڤان کر د گەل دەيبابان خوه باشن، نەخاسمە دەیکى، ئەوا نەخویشى و بیتاقەتى ل دووڤ نەخویشى و بیتاقەتیى پیڤە برین دەمى هیژ د زکى ویدا، و دو سالان ل سەریک شیر دایییى و ژ نو شیرڤەکرى، و مە گوتى: سوپاسیا من بکە کو من تو دایى و سوپاسیا دەيبابان خوه بکە کو تو خودانکرى، و ھوون ھەر دى ب بال منڤە زڤرن. و ئەگەر دەيبابان تەمانە ب تەڤە، و تە د بەر ھندیرا بکەن کو تو ھەڤشکەکى ژ نەزانى بۆ من چى بکەى، ئەھا ھنگى گوھى خوه نەدە وان،

و د دنیا بییدا ب باشی و قهنجی د گهل وان ببورینه، و ریکا وی بگره نهوی بهر ل من، پاشی هوون دی هر ب بال منقه زقرن، قیجا هنگی تشتی ههوه کری، دی ههوه پی ناگه هدارکه م. ل ئیره خودی سوپاسکرنا خوه و یا دهیک و بابان دایییه د گهل ئیک، ئەف ئایه ته ریکی نیشا مه ددهن کو ئەم د تشتی خرابدا، گوهدارییا دهیابان نهکەین، و ژ بلی هندی ئەم ژ گوهدارییا وان دهرنه که قین.

بهلی تشتی دقت ئەم بزاین ل دوو فقی ئایه تی ئەوه کو گوهدارینه کرنا دهیک و بابان د وی تشتی کو خودی پی رازی نهبت، هندی ناگه هینت ئەم د گهل وان خراب بین و قهنجییی د گهل وان نهکەین، چونکی دهیک و باب چ بن و خوه چو دین ژی وان نهبن، مافی وانه و ئهرکی سهر ملی مهیه ئەم قهنجییی د گهل وان بکهین و رهوشتی مه د گهل وان جوان بت و ب جوانی سهره دهییی د گهل وان بکهین.

۳- نه ئیشاندنا دل و دهروونی وان و دهخسیرنه کرنا وان: د ئیسلامیدا نابت زارۆك مرووتا (نه عیما) خوه ل دهیک و بایین خوه نه خوهش بکهت و ئەنیا خوه ل وان بکه ته گرێک، نه مازه دهمی پیر دبن و دلی وان نازک دبت و گه لهک ههوجهیی هاریکاری و ل بهر دلانا مه دبن. خودایی مهزن دیژت: ((وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا إِمَّا يَلْعَنَ عِنْدَكَ الْكِبَرُ أَحَدُهُمَا أَوْ كِلَاهُمَا فَلَا تَقُلْ لَهُمَا أُفٍّ وَلَا تَنْهَرُهُمَا وَقُلْ لَهُمَا قَوْلًا كَرِيمًا (۲۳) وَاخْفِضْ لَهُمَا جَنَاحَ الذُّلِّ مِنَ الرَّحْمَةِ وَقُلْ رَبِّ ارْحَمْهُمَا كَمَا رَبَّيَانِي صَغِيرًا (۲۴)) (الاسراء ۲۳ - ۲۴).

ئانکو: و خودی فرمان دایییه کو هوون وی ب تنی بهریسن و قهنجییی ژی د گهل دهیابین خوه بکهن، و ئەگەر ئیک ژ وان یان ههردو ل دهف ته پیربوون، تو خوه نه بیژه وان ئوف ژی و ل وان نه خوره و وان پاشقه نه به و وان ب ئاخفتنه کا نه رم و جوان باخیفه، و خوه زیده بو وان بشکینه و زیده دلۆقانییی د راستا وندا بکه و بیژه: خودیو دلۆقانییی ب وان ببه ههر وهکی وان ب بچووکاتی دلۆقانی ب من بری و ئەز مهزن کریم. پیغه مبه ر ژی د گه لهک فهرموده یین خوه دا، گه فان ل وان که سان دکهت ئەوین دلی دهیابین خوه دئیشینن، و ئیشاندنا دلی وان، ب گونه هه کا مهزن ددانت. و ل دور پیك و پهیسکا دهیکی ژی دیژت: ((الجنة تحت اقدام الامهات)).

ئانکو: به ههشت د بن پی دهیکاندايه. رۆژهکی زهلامه کی پسار ژ پیغه مبه ری کر، گو تی: پیغه مبه ری خودی، کی هیژاترین کهسه ئەز قهنجییی د گهل بکه م، گو ت: دهیکا ته، گو تی

پاشی کی، گوٲ: دهیکا ته، جارهکا دی گوٲی پاشی کی، گوٲ: دهیکا ته، جارا چاری ژ نوو گوٲ: بابی ته.

هەر وهسا د فەرموڊهیهکا دیدا دیژت: ((رضا الله فی رضا الوالدین)). ئانکو: رازیبونا خودی د رازیبونا دهیباندایه.

۴- ئاخاقتنا وان ب نهرمی و دلۆقانی: ئیسلامی کا چاوا قهدهغه کرییه کو زارۆک ژ دهیبایین خوه کهریگری ببت و دهنگی خوه ب سهر یی وان بیخت و دهخسیدارییا خوه ل وان دیار بکهت، وهسا داخواز ژ مه کرییه، زمانی مه د گهل وان شرین و نهرم بت، خودایی مهزن د قورئانا پیروژدا دیژت: ((وَقُلْ لَهُمَا قَوْلًا كَرِيمًا)) (الاسراء ۲۳). ئانکو: ب ئاویه کی وهسا وان باخیقن کو خاترگرتن تیډابت و خهم و دلئیشی پی نه گههته وان.

۵- بهری دهیبابان بدهنه راستی و قهنجیی: ئه گهر مروڤ پی ههسیا کو ئیک ژ دهیبابان یان ههر دو د خهلهتی و گونههیدا دژین، ئهها هنگی دقیت ب ئاویه کی جوان بزاقی بکهت کو بهری وان ژ وی رهفتار و وی کریاری وهرگیت ئهوا خودایی مهزن پی نهخووش و زیانا دنیایا وان ژی تیډا.

بریننی چاوا ئیبراهیم پیغه مبهه (سلاف لی بن)، رووباری (پیشبهری) بابی خوه دبت و ههر وهکی د قورئانا پیروژدا هاتی دیژتی: ((إِذْ قَالَ لِأَيِّهِ يَا أَبَتِ لِمَ تَعْبُدُ مَا لَا يَسْمَعُ وَلَا يُبْصِرُ وَلَا يُغْنِي عَنْكَ شَيْئًا ﴿٤٢﴾ يَا أَبَتِ إِنِّي قَدْ جَاءَنِي مِنَ الْعِلْمِ مَا لَمْ يَأْتِكَ فَاتَّبِعْنِي أَهْدِكَ صِرَاطًا سَوِيًّا ﴿٤٣﴾ يَا أَبَتِ لَا تَعْبُدِ الشَّيْطَانَ إِنَّ الشَّيْطَانَ كَانَ لِلرَّحْمَنِ عَصِيًّا ﴿٤٤﴾)) (مریم ۴۲ - ۴۴).

ئانکو: دهمی ئیبراهیم گوٲییه بابی خوه: بابۆ تو بۆچ وی دپهریسی ئهوی نه دبهیست و نه دبینت و نه مفایه کی دگههینته ته و نه خه ما ته دخوت و نه شیت چو ژ ته بدهته پاش، بابۆ ب راستی زانینا بۆ من هاتی بۆ ته نههاتییه، ژ بهر هندی داخوازی ژ ته دکهم، ب دوو من بکهفی، دا ریکا راست نیشا ته بدهم.

ئەقە ژى ھىندى دگەھىنت كو ھەر كەسەك د ئىسلامىدا، خودانى كەساتىيە كا خوسەرە و بەرپىياري د ستويىدايە، دەمى ئەم د كار و كرىياريڭ باشدا گوھدارىيا دەيبايڭ خوە دكەين، ئەقە وى رامانى نادەت كو ئەم نەشىڭ ب ئاوايەكى جوان و خشكۆك دان و ستاندنى د گەل وان بكەين، دا ئەم بەرى وان ژ بىر و بوچوون و كرىياريڭ خەلەت وەرگىڭرين. ب تايبەتى ژى مروڤ پشتى بالق دبت، ل گور شەريعتى ئىسلامى دبتە خودان شيانە كا ياسايى يا تەكووز (كامل) و بەرپىيارە ژ سەرانسەرى كرىياريڭ خوە و خودانى كەساتىيە كا خوسەرە. گوھدارىكرنا دەيبابان د تشتيڭ باشدا و قەنجىكرن د گەل وان، رامانا ھەليانا كەساتىيا زارۆكى و ھەرزەكارى نادەت، بەلكو ئەقە پشكەكە ژ وى ئەركى ئىسلامى و جفاكى و ئەخلاقى ئەوى بەرانبەرى دەيبابان ل سەر مىلى مە و وەفادارىيە بەرانبەرى سۆز و قىيان و وەستيانا وان د وارى خودانكرنا مەدا، و جھئىنانا فەرمانا پەرودەدگارىيە. قورئان مە فيرى ھىندى دكەت كو د جھى خوەدا و بەرانبەرى داخووزا نەرەوايا دەيبابان زارۆك يىژت نە، بەلى د گەل ھىندى ژى، ھەر ب قەنجى سەرەدەريى د گەل وان بكەت.

۶- خودانكرنا وان: د شەريعتى ئىسلامىدا، خودانكرنا زارۆكى ھەتا دگەھتە قۇناغا بالقبوونى، ل سەر دەيبابانە، بەلى پاشتر ئەگەر دەيبابان، ژ بەر نەخوەشى و بىكارىيى يان ژ بەر پىراتىيى يان ژ بەر ھەر ئەگەرەكى دى، شيانا خودانكرنا خوە نەما، ئەھا ھنگى خودانكرن و مەسەرەفا وان دكەفتە د ستويى زارۆكىڭ واندا.

۷- مروڤ دقيت د قان دەماندا، وان رۆژ و سالىڭ وان سەخمەراتى خودانكرنا مە مەزاختين و تەحلى و نەخوەشى پيڤە ديتين، ژ بىر نەكەت. ھەر ژ بەر ھىندى دقيت ئەم ب دەست و دليڭ فرەھ وان خودان بكەين و نازدارىيىڭ وان د گەورييا خوەدا ببەين و نەھيلىڭ ھەست ب كىماسى و بىبارىيى بكەن، ديسا ئەگەر مالا مروڤى ژ يا وان جودا ژى بت، ھنگى سەرەدانا بەردەواما وان ژى دبتە ئەركەكى دى د ستويى مەدا بەرانبەرى وان.

دان و ستاندن:

ب چافى تشتى پيشتى هاتيه به حسكرن، گرنگترين ئيشك و گرفتاريين خورت و لاوان د ناف
بنه ماليدا چنه؟

پسيار:

- ۱- رامان ژ رښتارکړنا جوان د گهل دهيابان چيه و چ بهرپسياريي دئخته د ستويي مروقيدا؟
- ۲- چارهنقيسي وان که سان چيه ئهوين رښتاري وان د گهل دهيابان خراب؟

ښه کولان:

ئهم چاوا هه ښه نكيي بيخينه د ناښه را پارستنا نازاديا خوډا ژ رښه كي و گوهداريکړنا دهياب
و ئهركين خويين بنه مالي ژ رښه كي دي؟

پشکا دویئ
ئیسلا م و په روه رده کرنا هه رزه کاری

گرنگترین هوکارین دینه بنسترا پارزتنا دههه نپاقرتیا هه رزه کاری

۱- هه بوونا هه قبه ندیه کا قیانی یا ب هیژ د گهل خودایی مه زن.

۲- ئاگه هدارى ژ وى بهرپسارییی، ئهوا د ستویی ویدا.

۳- هلبرارتنا هه قالی باش.

۴- هشیارت کو له شی خوه بو خرابییی ب کار نه ئینت و بهری خوه نه ده ته تشتی حه رام و ئه ندامین خوه ژ تشتی نه دورست بپاریژت و ئاگه ه ژ وان نه خوه شییین به لاقین جنسی هه بت، ئه وین ئه قرو ژ نه خوه شییین ب ترس دئینه هه ژمارتن.

گه له ک ب هشیاری سه ره ده رییی د گهل ئالاقین راگه هاندنی وه کی که نالین ئه سمانی و ئینته رنیّت و فلمین رهنگه رنک بکه ت، چونکی پشکه ک ژ قان زیانه خشن، له و دقیت ئه م خوه ژى دوور بیخین، دا ئه م هه قتووشی زیانا دنیا و ئاخه تی نه بین.

ب - کوئترۆلکرنا حه زا خوارنی:

ئانکو بهرنامه یه کی دورست هه بت بو خوارنی و گرنگییی بده ته وان جوونه خوارنین دخوت، و د هه مان ده میدا خوه ژ خوارن و قه خوارنین حه رام بپاریژت.

پ - کوئترۆلکرنا زمانى:

پیغه مبه ری خودی (سلاف لی بن) د فه رمۆده یه کیډا دیژت: ((من کان یؤمن بالله والیوم الآخر فلیقل خیرا أو لیصمت)). ئانکو: هه ر که سی باوه ری ب خودی و رۆژا دووماهییی هه بت، بلا ئاخفتنا باش و یا خیری بکه ت یان ژى بلا خوه ییده نگ بکه ت.

ت - خوه پارزتین ژ چاقلیکرنا ره گه زی جودا:

د ئیسلامیدا پیدقییه هه ر ئیک ژ کوړ و کچان سالۆخه تیّن تایبه تیّن خوه بپاریژن و د سینۆری خوه دا شانازییی ب ره گه زی خوه بکه ن و که س ژ وان هه ست ب کیماسییی نه که ت بهرانبه ری یی دی.

ج - تڙيڪرنا دهمين بيڪاريي ب ڪارڻن فليڪار و داهينهر (الابداعية):

- ۱- ديتنا وارين ڙيهاتن و ڦياني وهڪ خورت و گهٽج.
- ۲- بهرهمه ڦڪرنا هو ڪارڻن ئينانه جها ڙيهاتن و ڦياني.
- ۳- ديتن و فيربوونا پيڪين وهارڪرن و پيشئيخستنا ڙيهاتن و ڦياني.
- ۴- بهرهمه ڦڪرنا بهريڪانه يان.

گرنگترين جوونه هيڻيپين ڪو پيدق هه رزه ڪار د دهمي بيڪارييپدا نه نجام بدهت:

- ۱- فيربوونا خواندن و نفيسيئي.
 - ۲- فيربوونا خواندن و ڙ بهرڪرنا قورنائ.
 - ۳- فيربوونا زمانان.
 - ۴- فيربوونا ڪومپيووتهر و ئينته رنيئي.
 - ۵- وه رزش.
 - ۶- فيربوونا په رستن (عيبادت) و سونه تان.
 - ۷- سه ره دانين چقاكي.
- زخاندن و هاندانا رهوشتي باش:
- پيدقييه هه رزه ڪاري موسلمان گرنگيئي بدهته فيربوونا رهوشتين باش، وهكي دلساخي و سنگفره هي و ليپورين و به خشندهيي و خيرخوازيي.

دان و ستاندن:

ڙ بهر چ دقيت هه رزه ڪار دهمه نپاقرت، و بزاقي بڪهت پيهست و فشارا جنسي ل سهر خواه ڪيم بڪهت، و خواه ب تشتين مفادارقه مژوول بڪهت؟

ب دهستقه ئینانا هشیاری و رهوشه نبیری:

ئیکه مین په یف ژ قورئانا پیروژ هاتییه خواری، ب (اقرأ) دهست پی کرییه: ((اَقْرَأْ بِاسْمِ رَبِّكَ الَّذِي خَلَقَ)) (العلق ۱)، ئانکو: (ب ناڤی وی خودایی تو چیکری بخوونه). ههروهسا د ئایه ته کا دیدا ب تیپه کا نفیسینی سووند دخوت: ((ن وَالْقَلَمِ وَمَا يَسْطُرُونَ)) (القلم ۱). و ئه فه گرنگییا زانست و فیروونی د ئیسلامیدا دیار دکهت، و موسلمانان هانددهت کو خودی ب ریکا زانینی بنیاسن.

ئیسلام فیروونی دکهته ئه رک ل سه ره می موسلمانان و ژ ئیکا شرعیقه کهسی پیکۆل و بزاقی بو نه کهت گونه هکاره، د قی واریدا پیغه مبه ر (سلاف لی بن) دیژت: ((طلب العلم فريضة على كل مسلم ومسلمة)). ئانکو: فیروونا زانین و زانستی، ئه رکه د ستویی هه ر موسلماننه کیدا ژ میر بت چ ژی ژن.

ژ به ر هندی، پیدقییه خۆرت و گهنجی موسلمانن هه رزه کار ل گۆر فه رمانا دینی خوه، که سه کی زیره ک و هشیار و خودانشیان بت، و فیروونا زانین و زانستی ب فه ر بزانت. ژ بو کو تو ببییه هه رزه کاره کی موسلمانن رهوشه نبیر، پیدقییه چهند مه رجه ک ل دهف ته هه بن:

د - خوه بنیاسه:

خودایی مه زن د ئایه ته کیدا دیژت: ((وَفِي أَنْفُسِكُمْ أَفَلَا تُبْصِرُونَ)) (الذاریات ۲۱). ئانکو: به ری خوه بدهنه خوه ب خوه، ما هوون خوه نابینن.

هه ر تشته کی مروف نه زانت، وه ک دژمن دئیته به ر چاقان، قیجا دا تو د گهل خوه ب خوه ئاشنا بی و ته خوه خوهش بقیت، پیدقییه ژ رپقه تو خوه بنیاسی و ته زانیاری ل دۆر خوه هه بن، دا بشیی ب دورستی خوه بیاریژی و هه ر ژ به ر هندی پیدقییه ته ئه ف زانیارییه هه بن:

۱- سالۆخه تیّن هه ر قوئاغه کا ژیا نا مروقی، چ زارۆکینی بت، چ ژی هه رزه کاری و خۆرتینی و پیری ..

۲- ته زانیاری هېن ل سهر پیکهاتنا له شی خوه و کوئندامین خوه و کا چ پیدقییه بو پارزتنا وان ژ نه خوهشی و راگرتنا له شی ب ساخلمیه کا باش.

ب - دیني خوه بنیاسه:

پیدقییه ته شاره زایی د دیني خوه دا هېت، خودایی مه زن بو مه دیار دکهت کو باوهر و نایین دقیت ل سهر زانین و زانستی بینه ئاڅا کرن، هر وه کی د قورئانا پیروژدا دیژت: ((**فَاعْلَمْ أَنَّهُ لَا إِلَهَ إِلَّا اللَّهُ وَاسْتَغْفِرْ لِذَنْبِكَ...**)) (محمد ۱۹)، ئانکو: بزانه کو چو خودی ژ بلی (الله) نین، و داخوازا لیبوری نی ژ وی بکه بو گونه هیځ خوه، و هنده ک ژ زانایین ئیسلامی دیژن: دقیت زانست بهری کریار و گوټنی ژی بت.

روژه کی ل دهف پیغه مبهری (سلاف لی بن) به حسی دو زه لمان هاته کرن، ئیک ژی خودپه ریس بوو، نه وی دی زانا بوو، پیغه مبهری (سلاف لی بن) گوټ: ((**فضل العالم على العابد كفضلي على أدناكم**)) ئانکو: قه دری زانایی به رانبهری خودپه ریسی، وه کی قه دری منه به رانبهری یی ژ هوه هه مییان بچوو کتر، هر ژ بهر قی چهن دی ژی، فیروونا زانین و زانستی ل دهف خودی، ژ کرنا کارئ سونهت مه زنتره.

خودایی مه زن گه له ک سالو خه تیځ که سین زانا و خودان زانیاری ددهت، و نه وان ب مروټین خودی ترس ددهت نیاسین، چونکی موعجیزه یا ئیسلامی زانین و زانسته و ب ریکا زانین و زانستی مروټ دشیټ نه ردی ئاڅا بکهت و بنیاتی شارستانییی دانت و هه ردهم ب قی ریکی ژی هه ست ب مه زناتییا خودی بکهت، و ب ریکا دورستکری و چی کرییی وی شوونده ستی هه می زانین و زانستی خودی ببینت. ژ بهر هن دی، د ئیسلامی دا خواندن و فیروونا زانستی ب عیبادت دئیته هه ژمارتن، و خودانی وی خه لاته کی مه زنی خودایی و هه رگرت، و ژ ئاگری دوژه هی دئیته پارزتن، و دچته به هه شتی.

پ - وه لاتی خوه بنیاسه:

ل ئیره مه ردهم نیاسینا سی جووین وه لاتییه، وه لاتی ئیکی کو کوردستانه و نه و د ناڅه را چار دهوله تاندا هاتییه پشکرن، ملله تی کورد، ملله ته که باراپتر ژی موسلمانن و هر چار پارچه یی وی ژی، سهر ب جوگرافیا یا وه لاتی ئیسلامیقه یه، وه لاتی دویی ژی، نه وه لاتن، نه وین ملله تی موسلمان تیډا دژین، چونکی مه د گه ل قان ملله تان، شارستانی و دیروک و دینه کی هه څپشک هیه و ژ بهر

قى ئىككى دىقت مە ھەمىيان ۈك برا ئىكدو بقت و مافىن ئىكدو پارىژىن و زۇردارىيى ل ئىكدو نەكەين و ھەقسۆزىن دۆزىن رەوايىن ئىكدو بىن.

پىغەمبەر (سلاڧ لى بن) دىيژت: ((من لم يهتم بأمر المسلمين فليس منهم)) ئانكو: ھەچىي خەما موسلمانان رانەكەت، نە ژ مەيە. ئەقەژى ھندى دخوازت كو موسلمان ھەقسۆزىن د گەل دۆزا مە.

ۈلاتى سىيى جىھان ھەمىيە، چونكى خودى ئەم ۈك مروڧ ل سەر پرويى قى جىھانى چىكرىنە، ژ بەر ھندى دقت ھەقبەندىيەكا دۆستانە و مروڧانە د ناڧەرە مە ھەمى مروڧاندا ھەبت و ئەم سەخمەراتى ئاڧاكرن و دورستكرنا جڧاكەكى مروڧاتى، بزاف و پىكۆلى بكەين، كو بنستر و بناخەيا ۈى ئاشتى و پىكفەژيان و قىان بت.

ت - ژىنگەھ و دەۋرۈبەرى خۈە بىياسە:

پىدڧىيە تە ئاگەھ ژ گوھۈرپىنكارىيىن سىياسى و ئابۈرى و جڧاكى و رەۋشەنبىرييىن ھەريما كوردستانى و عىراقى ھەبت، دقت ۈك ۈلاتىيەكى دلىيىش و دلسۆژ تو خەما پىشقەبرنا كوردستانى بخۈى و ھارىكارىيا دەزگەھىن مىرى بكەى و سەخمەراتى پىشئىخستن و ئاڧاكرن و پارزتە ۈى ژ ھەمى خرابى و كىماسىيان، خەمسارىيى نەكەى.

چار - شيانا كاركرن و پارەقەگرتنى:

پىدڧىيە مروڧ د سەرى ژيىي خۈەدا بىتە فىركرن، كو پارە و سامانى قەگرت، و دەپژيىي د مەزاختنىدا نەكەت، چونكى خودايى مەزن دىيژت: ((وَكُلُوا وَاشْرَبُوا وَلَا تُسْرِفُوا إِنَّهُ لَا يُحِبُّ الْمُسْرِفِينَ)) (الاعراف ۳۱). ئانكو: بخون و قەخون، بەلى دەپژيىي تىدا نەكەن، چونكى خودايى مەزن، ھەز ژ وان كەسان ناكەت ئەۋىن دەپژيىي دكەن، د ھەمان دەمىدا دقت تو مروڧەكى ۈەسا بى، ھەز ژ كار و چەلەنگىيى بكەى، و تە د ژيانا خۈەدا بەرنامەيەك ھەبت، دا پشتا خۈە ب خۈە گرىبەدى و ئازادى و رىژ و كەرامەتا خۈە پپارىژى.

پسیار:

ئەو چ گرنگییه ئیسلام ددەتە زانین و زانستی؟

دان و ستاندن:

ئەم دى چاوا ئاستى رەوشەنبیرییا خوە یا ئیسلامی و یا گشتی بلند کەین؟ و ئەفئى چ کارلیکرن
د پاشەرۆژا ژيانا مەدا و د رۆلى مە د جفاکیدا هەیه؟

پیرست

بەرپەر	بابەت	ژ
۳	پیشگوتن	۱
۴	وهرزى ئىككى: پشکا ئىككى - باوهرناسى	۲
۵	وانهيا ئىككى - پامانا ئىکتا پهرىسيى	۳
۸	وانهيا دويى - موحه ممه د (سلاف لى بن) دووماهى پيغه مبه ره	۴
۱۱	وانهيا سيى - ئارمانج ژ زيانى و راستيا دنيايى و ئاخريتى و چاره نقيسى مروقى ب ديتنا ئيسلامى	۵
۱۴	وانهيا چارى - راستيا مروقى	۶
۱۸	وانهيا پينجى - بهادارى خه لاته كه ژ خودى بو مروقى	۷
۲۱	وانهيا شه شى - مروقى و ژيديرى گونه هان	۸
۲۴	وانهيا حه فتى - خه فك و داقين شه يتانى	۹
۲۶	وانهيا هه شتى - مروقى و هلبزارتنا ريكي	۱۰
۲۸	وانهيا نه هى - مروقى و كومه كا سالوخه تين گرنگ	۱۱
۳۰	وانهيا ده هى - نه م دى كيغه چين؟	۱۲
۳۲	وانهيا يازدهيى - بوچوونا دويى	۱۳
۳۴	وانهيا دوازدهيى - جيهانا نه قرو و بيئاگه هى ژ پوزا دووماهيى	۱۴
۳۶	وانهيا سيژدهيى - بهلگه يين هه بوونا زينه كا باشتري جيهانه كا دى	۱۵
۳۹	وانهيا چاردهيى - مالا دووماهيى	۱۶
۴۲	وانهيا پازدهيى - كارنامه يا مروقى ل به رزه خى	۱۷
۴۴	وانهيا شانزدهيى - نه نجام و به ره مى كارى	۱۸
۴۷	پشكا دويى - پيناسه يا گشتى بو ئيسلامى	۱۹
۴۸	وانهيا هه فدهيى - پيناسه يا ئيسلامى	۲۰

پیرست

بەرپەر	بابەت	ژ
۵۱	وانەیا هەژدەیی - گەرنەتەرن تاییەتەندییەن گشتی ییەن ئیسلامی	۲۱
۵۵	وانەیا نۆزەدی - چار: ناڤنجیاتی	۲۲
۵۷	وانەیا بیستی - تیگەهی پەرستەن د ئیسلامیدا	۲۳
۶۰	وانەیا بیستی و ئیکی - تیگەهی موسلمانەرنی	۲۴
۶۲	وانەیا بیستی و دویی - جە و سالۆخەتەن گەنجی موسلمان	۲۵
۶۴	پشکا سیی - بەهایەن ئیسلامی	۲۶
۶۵	وانەیا بیستی و سیی - فیان و پەنگیەن وی	۲۷
۷۴	وانەیا بیستی و چاری - دلفەرەهی	۲۸
۷۹	وەرزێ دویی: پشکا ئیکی - بنەمال و ژیانە بنەمالی د دیتنا ئیسلامیدا	۲۹
۸۰	وانەیا بیستی و پینجی - بنەمال	۳۰
۸۷	وانەیا بیستی و شەشی - گەرنگیە بنەمالی و ئەرکێن وی د ئیسلامیدا	۳۱
۹۲	وانەیا بیستی و حەفتی - دو - مافیەن زاپۆکی د بنەمالیدا	۳۲
۹۶	وانەیا بیستی و هەشتی - ئەرکی زاپۆکی بەرانبەری دەیک و بابان	۳۳
۱۰۱	پشکا دویی - ئیسلام و پەروەردەکرنا هەرزەکاری	۳۴
۱۰۲	وانەیا بیستی و نەهی - گەرنەتەرن هۆکاریەن دبنە بنسترا پارزەتەن دەهەمەنپاڤژییە هەرزەکاری	۳۵
۱۰۴	وانەیا سهی - ب دەستفەئینانا هشیاری و پەوشەنبیری	۳۶
۱۰۸	پیرست	۳۷

Handwriting practice lines consisting of 24 horizontal dashed blue lines.

Handwriting practice lines consisting of 24 horizontal dashed blue lines.

Handwriting practice lines consisting of 24 horizontal dashed blue lines.